



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Societatis Iesv Pars ...

Pars Tertia Siue Borgia

Orlandini, Nicola

Antverpiae, 1649

Historiæ Societatis Iesv Liber Sextvs.

urn:nbn:de:hbz:466:1-14153

HISTORIAE SOCIETATIS IESV LIBER SEXTVS.



D quinque domicilia, quæ iam Romæ Societas incolebat, Professorum domum, Romanum Collegium, Tyrocinium Quirinale, Collegium Germanicum, atque Seminarium Pontificium, Septuagesimus seculi euntis annus sextum apposuit Pœnitentiariorum Collegium ad Basilikam Vaticanam. Id Collegium à Romanis Pontificibus multis ante seculis conditum, Pœnitentiaro maiore uno Cardinalium, & minoribus vnde-
cim constabat: eâ varietate linguarum; vt Christianarum nationum pleraque, dum sanctam in Vrbem vndique conscientiarum explicationem petitum veniunt, patrij sermonis paratum auxilium inuenirent. Binos Italica lingua, Gallicaque, & Hispanica habebant, Germani, Pannones, Belgæ, Angli, Poloni singulos: sed Anglis Scotti, Hybernique: Polonis Boëmi, & Illyrii, quorum dialectus magis, quam lingua citra commercij impedimentum diuersa est, adnumerabantur. Legabantur siue de Clero, siue de Claustro Sacerdotes trigesimo quinto anno maiores, iustis natalibus, integrâ famâ, idoneâ doctrinâ, quos appositi censores periclitando probassent. Pœnitentarios crebat Pontificium viritim diploma. Munus in omnem manebat ætatem. Aedium incolebant alij alia membra earum, in quibus hodieque Collegium visitur, ad laeuam areæ in Vaticanum euntibus contra obeliscum. Nulla erat vitæ communio, sed pari stipendiiorum honore suam priuatim quisque domesticam rem, pro arbitrio administrabant. Nequam expeditum negotium erat eam lectissimorum ad tantam rem iudicium varietatem conquirere, & in Vrbem accersere: nec semper ad votum copia pro necessitatibus, quas humani casus afferunt, affluebat. Ad hæc perpetua vni, eidemque sedi per cunctam ætatem affixio, quam id genus officij postulabat, non tantum molesta; sed interdum supra conditionem rerum mortalium erat. Indè paulatim consuetudo inuaserat, vt vicarios subdi liceret. Iamque vitio sensim in deterius labentium morum, ex necessitate orta licentia eō venerat, vt Pœnitentiarij quidem eximij fermè legerentur; sed hi per alias alij causas dilapsi, sufficerent sibi vicarios, nec à doctrinâ, nec à moribns, nec à ceterâ facultate, grauissimæ procreationi pares. Quod incommodum, itemque alia Pius Quintus cum accuratâ inspectione scrutatus omnia compersisset; dum alia strenue corrigit, totamque Pœnitentiarie rationis formam in eam, quæ visa est commodior, redigit, ratus ex vsu fore, si talia diuersarum gentium Collegia maiore aliquo inter se nexus colligarentur, inque unam vt disciplinæ, sic administrandi muneri rationem conuenirent, ac vicissim inter se opem in omnes usus ferrent: vtque semel se, ac successores Pontifices legendi, ac substituendi probatos homines curâ liberaret; tribunalia Vrbis præcipua destinata pœnitentia inter Religiosas familias distribuit. Ergo ad Lateranensem Basilikam Franciscanos obseruantes: ad Sanctæ Mariae Maioris Prædicatores: ad Vaticanam statuere Societatem decreuit, idque anno superiore: vt ex diplomate constat vndecimo Kalendas Iunias eius anni dato, per quod Pœnitentiaris Vaticanis quatuor, qui de veteri Collegio reliqui erant, annuas in vitam pensiones assignat, proemio tali. Quoniam de ministris idoneis ad conferendum pœnitentia Sacramentum apud Basilikam Principis Apostolorum de Vrbe nouam rationem habituri, Collegium duodecim minorum Pœnitentiariorum apud dictam Basilikam de Præsbyteris Societatis IESV proximè reformatum instituimus: eiusdemque rei causa dilectos filios Ioannem Baptistam Calderinum Ordinis Fratrum Beatæ Mariae Hist.Soc.Iesu Tom.3.

Z 3

Seruo-

A.D. 1570.

I
Pœnitentiariorum
Vaticani
Collegium So-
ciati tradi-
tur.

2
Quare traditū.

A.D. 1570.

Seruorum pro lingua Italica: & Gabrielem Martinetam pro lingua Gallica: & Alfonsum Ciaccon pro lingua Hispanica, Fratrum Prædicatorum Professores: & Nicolaum Mortum Præsbyterum pro lingua Anglicâ, reliquos ex numero duodecim diuersarum professionum Pœnitentiarios subduximus: & reliqua. Menter Pontificis, vt ex Alciato Cardinali, qui maioris Pœnitentiarij locum pro Sancto Borromæo tenebat, Præpositus Societatis Borgia cognovit: multa ei, & Aſſistentibus offerebantur, quæ, quoad debitum Christi Vicario pateretur obsequium, derectandum id muneric suadebant. Verebantur inuidiam apud eos, qui in præſens excludebantur, & apud alios, qui solebant ad tribunal illud, tanquam ad gradum altiorum honorum eniti. Nam si tantum obtrectationum, ac tempeſtatum ſexto ante anno concuiſſet demandata Seminarij procuratio, quæ, præter ſollicitum laborem, haberet fermè nihil; quid tum impendéret, cùm mul- tots ad magnas ſpes aditus intercludi ſibi, ciues æquè, ac peregrini viderent? Du- bitabant deinde, ne honorificum adeò ministerium inter honores cenſeri de- beret Societati interdictos. Sed multò maior habebat cura, ne locus aperiretur disciplinae olim religioſe, humiliati, atque obedientiæ debilitandæ. Super hæc iſum onus, eā tempeſtate præſertim, grauabat. Nam, tametsi quibus è na- tionibus lingua expetebantur, non deerant affatim inſtructi Sacerdotes; tamen non fine multiplici iacturæ ſpoliatis Prouincijs, per quas domēticæ, publicæque utilitatì inferuire latifimè potuſſent, intra Bafilicæ, principis quidem, ſed ta- men vnius anguftias concludendi erant. Ad extreſum ne illud quidem lique- bat, Collegij hoc genus vtrum cum Societatis ratione congrueret. Non enim ad Professorum pertinere domos, quas vetitum eſſet vſtigialibus vi perpetuis: neque ad Collegia cetera, quæ ad formandam literis iuuentem, & ſufficien- dam Professa Societati ſobolem haberentur. Hæc, atque alia modi huius cùm & coram, & ſcripto diligenter edita conſideraſſet Pontifex; permansit in ſuſcep- tâ ſententiâ, cuiusque verbiſ tandem Cardinalis Alciatus omnino bibendum hunc calicem renuntiauit. Verumtamen, qua pollebat in omni genere, ac nomina- tim in religioſa gubernationis modo, prudentiâ sanctus Antiftes, vniuerſis, quæ curam inſiciebant, occurrit incommoſis. Ne subtracto virorum robore ener- uarentur Prouinciae; fatis fore dixit addeſe par hominum prætantium, ad quos in cauſis paulo implicatoribus, & grauioribus perſugium ceteri haberent. Ne- quid paupertas, humilitas, obedientia detimenti caperent, ſed potius, vt omnis ambitioni, licentiaque, & contumacie rima obſtruueretur, iuſſit cenſum annum in commune attribui: inſtituque familiam, quæ viſque quaque, perinde atque alia Societatis, legibus eius, Præpoſitiſque patrēt: ita vt integrum Generali, ſive Prouinciali foret, quos, quandiuque vellent eo loci habere: qui ſtatiu- m illuc collocati eſſent; in Pœnitentiariorum iura ſuccederent, iuſdemque carerent vbi remouerentur. Quod non ſolum eō valebat, vt disciplinae rigor incorrup- tus, & integer feruaretur, ſed pariter, vt administraretur pœnitentia fructuo- ſius: cùm, vt quisque probatissimus religioſus eſt; ita ferè ſit mysteriorum Dei dispensator aptissimus. Inuidiæ ſi quid in posterum immineret; copio- ſe præponderandum publicâ commodityte viſum eſt, breuile casurum: præſens formidanda non videbatur, quod de Collegio veteri alijs alia cauſa: & quidam quod facultatem inſpectoribus non probaſſent, dimiſſi iam erant: reſidui largiter ſunt attributis reditibus honorati. His ita constitutis, ceterisque, quæ res poſceret, præparatis; Borgia, cùm poſtridie Nonas Apriles procura- tionem admifſiſet; quinto Idus Iunias delectos Patres, doctrinâ, pietate, vla- præſtantes, qui tantæ molis idonea fundamenta ponerent, ad Pontificem, vt fau- ſita operi initia precaretur, adduxit. Quos Summus Pater benigno lumine, & ſtudio paterno intuitus, vehementer admonuit, vt conſiderarent, quanti mo- menti commendaretur eis prouincia: cùm loco Christi Domini nostri conſtitue- renrur in ijs ſedibus, ad quas vniuerso ex Orbe christiano concurrerent homines, vt medicinam, & ſolatium ſuis inde animis reportarent. Itaque darent operam, vt quantâ maximâ caritate poſſent, venientes ad ſe exciperent, traſtarentque.

3 Difficultates in eo recipiendo.

4
Pontifex iubet
recipi, & diffi-
cultates remo-
uet.

5
Procuratio
cæpia.

Nō nō tamen, si qui duros, ac pertinaces se se offerrent, grauius facerent, moliter tractando, malum, & suas insuper in exitium darent animas; sed aduersus eos, qui peccata contemnerent seueritatem Iudicis obtinerent. A Pontifice ad Subsellia deducantur: inuocatoque, & fauente Numine, alacres munus auspicantur, non modò suæ quisque genti, sed omnes omnibus, tūm à laborum cupiditate, & amplitudine caritatis, tūm à linguarum præsidij parati ministri. Quippe videre erat non in vnâ solum domo, sed & in vno pectore Nationum quasi Collegium: adeo cuncti multas, nec pauci quinas, senasque, quidam octonas callebant linguas. Franciscus Toletus, quanquam in ædibus Pontificijs adhuc sedem habebat, Collegio toti præfetus: cuius vice Gaspar Loartes Genua accitus præterat domi. Sed breui ad Ferdinandum Solerium administratio omnis delata. Ac ne quid ad Collegij Societatis formam deeslet; Scholasticos etiam sex (qui ad quatuor breui redacti) placuit aduocari: qui, præter doctrinam, quam ex Collegio Romano petebant: domi binas in hebdomadā de conscientiæ iure, Vismaro Goisonio interprete, scholas audiebant, nonnullorum extriorum quoquè, præsertim ex Pontificiâ aulâ conuentu: Verùm paucis post annis, monstrante vsu, cum supra docentium, atque discientium vires, tum maligni prouentus laborem assumi; omisssus est, & Collegij ea forma retenta, quæ potuit. De cetero tota res percommode, ac fermè extra inuidiam, cumque Pontificis approbatione summā cessit. Pœnitentium maximum in modum increbuit numerus: simulque Sacrosancta Eucharistia in Basiliçâ Vaticanâ longè amplius, cum admiratione Aedituorum, frequentari cæpta. Consecutis porrò temporibus, cùm & prompta Sacerdotum copia, & eorundem humanitas, ac facilitas inuitaret: seque ipsi minimè contenti qualicunque perfunctione muneris, & reseruatorum cognitione criminum, & censurarum absolutione, non integros magis Iudices, quām sapientes præberent medicos; quæ conscientiarum prope incurabilia sanata sint vulnera, quantum profugorum religiosis redditum castris, quantum hæreticorum reconciliatum Ecclesiæ, eò difficilius dictu est, quod impensis eius fori res venerandâ quādam silentij sanctitate vallatas esse oportet. Illud significari fas, piusque fuerit, sèpè euenisse, dum nauis Sacerdotes non refecandis tantum vulneribus, sed etiam persanandis insistunt, vt annuo spatio hī decenas, alijs paulò pauciores, alijs longè plures ab infantia repetitas homologesis acceperint: hominesque expeditos, atque recentes, velut renatos, optimè que animatos ad nouam inchoandam aetatem, ad suos dimiserint. Neque non sèpius insignes adeo commutations effectæ sunt; vt viderentur homines permitti aliquò ruere, vt in pœnitentiariorum necessitatem inducti, per eorum clementiam, atque dexteritatem, quam alioqui nunquam experiri voluissent, non ad quamlibet innocentiam, sed ad eximiā, perfectamque virtutem vel in communī, vel in arctiore Religionis cultu perducerentur.

Iam de Collegio Germanico rem magis non tacendam, quām dictu magnam apponam. Id Collegium per haec tempora, quām cum maximè florebat: sed ita, vt retineret à Germanis vocabulum: præcipuum corpus, ac prope totum Conuictores efficerent: magnum partem primæ nobilitatis ex Italia cunctā, & Prouincijs externis. Horum in aulâ fabulam acturi veniunt ex Romano Collegio Parthenij adolescentes Quinquagesimæ Feriæ secundâ. Fabula erat vernaculo sermone ex Euangelijs, filius Prodigus. Odorati rem Conuictores inter se conuenerant, vt latinum drama de Sanctis Vito, atque Modesto ab se paucis ante diebus editum, occupato loco, elusisque Parthenijs, ad paratum ijs spectaculum reponebant. Ita factum est, vt in pulpitum tempore eodem actores utrique prodirent. Dumque de obtinendo loco certatur, & gladij etiam, nescio vnde prompti, nudantur; parùm absuit, quin scena in arenam verteretur, facinusque tragicum, non simularetur, sed heret. Aegrè compressit motus, qui ad cohonestandas literas, & excitanda adolescentium studia inter spectantes sedebat Præpositus Borgia: & utrique iussis absistere, neutram finit dari fabulam: ac deinde in Conuictorum Præfectos, qui eiusmodi motus, nec præuidissent maturè, nec valide

6
Etiam Scholastici quidam ibi collocantur.

7
Successus felix

8
Pœnitentiariorum fructus.

9
In Collegio Germanico ex ludicro perculuntur.

10
Ex periculo
bonum.

11
Energumen
fusiguis libera
tio.

12
Vincentius
Brunus Colle
gi Romani Re
ctor.

13
Vocatio me
morabilis Io.
Thomæ Lau
retani.

validè præcidissent, pro meritis animaduertit. Spectatum affluxerat promiscua vis mortalium sine numero : quæ, vt ægra animi frustrata expectatione dimissa est ; impleuit Vrbem sermonibus : & fama inde , vti consuevit , multiplicata , foras manauit . Illud Patres ex damno factum lucri putauerunt , non modò vt cautiōres in posterum fierent , quæ secunda prudentia est ; sed vt solicitudine præfenti , grauiorisque mali periculo liberarentur . Quippe cùm admodum paucos , eximiosque spectatum ipsi admittere statuissent , simul ad vitanda , quæ in magnâ frequentiâ (nam verè omnis turba turbulenta dicitur) incommoditates incidunt , simul quod aulæ contignationi , animaduerso vitio , diffidebant ; vbi irruisse tantum populi , seque ita constipasse multitudinem viderunt , acerbissime angebantur , ne fortè succumbentia oneri malefida tigna cladem immanem traherent . Ergo tantum periculi ambitiosâ adolescentium leuitate dispulsum religiosis mentibus , vbique consuetis benignam Dei prouidentiam admirari , solatio erat . Sed maioris fama spectaculi , pugna non inter ludentes iuuenes , sed inter fortissimos bellatorum , Christi Sacerdotem , & Tartareas potestates commissa , latius subindè , ac lætius fusa est . Ioannes Fuggerus , & Ursula Georgij Fuggeri coniux , haud minus religione , & sanctitate , quam bonis vulgo pretiosis , pecuniâ , & nobilitate abundantes , & clari , ad Sanctam Lauretanam ædem , & Apostolorum limina , pietatis ergo , Augustâ Vindelicorum profecti , puellam iam pridem à dæmonibus dire exagitatam secum duxerunt : si quod posset missæ vexationi remedium augustinis illis locis inueniri . Romæ cùm essent , tentatis alibi ab alijs nequicquam exorcismis , Sacerdos noster accitur . Congressu campus delectus in æde percelebri , cui vulgus à figurâ nomen Rotunda fecit . Id opus à Marco Agrippâ , Augusti temporibus conditum , inter antiquitatis miracula supereft , iam meliore conditione in diuinæ Parentis , Martyrumque omnium dedicatum : cùm olim Deorum omnium , quod & nomen Pantheon loquebatur , hoc est dæmonum vniuersitati seruisset . Itaque locus vtrolque poterat , & Christi Sacerdotem triumphorum sui Ducis , & nequam Spiritus suarum cladium admonere . Hic igitur commisso certamine , furialis obstinatio nihil primo die labefactata est . Postero autem , cùm multum precum Socij fecissent , & diuinissimam hostiam immolascent , in maximâ circumfusæ turbæ corona , dum Sanctæ Reliquæ , & solennes adiurationes admouentur , significantibus dæmonibus iam se confistere amplius non posse ; energumena , post dirissimum cruciatum , exanimis concidit . Quam cùm subleuassent , quoddam insolo inuolucrum apparuit : quod collectum dum propalam explicatur ; id repertum est , quod omnibus curis expetebatur . Paſtio erat puellæ , quam quondam malè cauta cum diabolo fecerat , eique tradiderat : quæ cùm recipi nullâ ratione posset , nec nisi recepta mancipij fide , libertas speraretur ; demum misericors Deus , in pietatis suæ , & indulgentiæ documentum , cum tradita in Germaniâ esset , Romæ iussiterat reddi . Ita maximo bono suo , & gaudio suorum , ingentique omnium admiratione , quam diu per Urbem omnium ora celebrarunt , quæ perierat ouicula è lupi fauicibus extracta : bonoque pastori suo , Redemptori , ac Vindici Christo I E S V asserta est . Romani Collegij gubernaculis pro Hieronymo Domenocco , qui in Siciliam remissus est Visitator , Vincentius Brunus Rector appositus . Qui ex Lauretani Collegij administratione ad id Romanum accitus , nouitium secum in Urbem duxit , Ioannem Thomam Lauretanum insigni vocatione recens adiunctum . Is Mutinæ ortus Robertorum stirpe olim non obscurâ (Amurates Robertus ante nomen habuit) à primâ pueritiâ obseruantissimus Cœli Reginæ fuit : cuius obsequijs , quod expeditius se totum impenderet ; Lauretum decreuit concedere , existimans , ex celebritate famæ , ingentem ibi urbem , magnamque Religiosarum familiarum inuenturum copiam , ex quibus aptissimam sibi pro arbitratu legeret . Autumno superioris anni incuntes Lauretum peruenit . Vbi , cùm , præter opinionem , modicum oppidum , nec vllum , præter Societatem , Religiosorum inuenisset ordinem ; vehementer dolens , suumque admirans errorem , redditum meditabatur in patriam . Nam à nostris

nostris hominibus, cùm puer Mütinæ contemptim appellari audisset, haustâ inde opinione non quidem prauâ, sed humillimâ, prorsus alienum gerebat animum: usque adeo temperandum est linguis, quarum, quamvis leuia, tela grauiter seriunt, & semel infixa mentibus haud minus pertinaciter, quâm perniciosa inhærent: tum verò, cùm inæstimabili peste, si forte sacrorum hominum, publicæque utilitati viuentium auctoritas deformetur. Octauum iam diem Amurates ad Canonicorum aliquem, confessionis causâ, aditum captabat: se ferè ita eueniebat, ut ad quemcumque accederet, is seu laffitudine, seu quâ alia causâ continuâ ab sellâ se auferret. Interim ad hospitium, quo vtebatur, gemini veniunt iuuenes, modestiæ summae, ac pietatis. Hi, sermone familiariter instituto, interrogant Amuratem, num in Sanctum Deiparæ facillum ingressus dum sit: eoque negante, quod nec ausus esset augustissimum limen inexpiatus intrare, nec confessarij nancisci copiam ad eam diem potuisset; tantam admirati cunctationem, inuenturos ei se confessarij pollicentur: posteroque die ad Guilielmum Banzium Senensem de Societate, qui tum fortè unus vacabat, deducunt: sanè perinuitus ille, pro veteri abalienatione animi, eò secutus est: tamen non ausus humanitatem iuuenum repudiare, confessionem explicit, recessitque opinione suâ quietior, & in figendæ Laureti sedis mente constantior. Indè ædificandi sibi tugurij potestatem ab Roberto Saxatello Prætore impetrat. Ibi Eremitarum instar habitans, orationi, diuinisque mysterijs operam dabant, ac, reuiuiscente paulatim religiose vitæ cupidine, vehementer retardabatur offensione illâ priuâ animi, quâ Societatem abhorrebat: deinde etiam metu, ne, si se obedientia obligaret, Laureto migrare cogeretur. Has inter curas fluctuant, die Sancto Thomæ Cantuariensi sacro, cùm septies, ad opem diuini spiritus impenitandam, hymnum Veni Sancte Spiritus pronuntiasset; succurrat prompta Sancti Petri obedientia, qui naui, ac retibus relictis, Christi Domini vocem illico secutus est: eaque dum secum in suo tugurio voluit; vocem sibi videtur audire increpati: O miserum, nonne vides te nihil posse? Ad me conuertere, & audi. Ad quam vocem cùm fustulisset oculos, Beata Virginis eâ specie, qua Romæ in Basilicâ ad Niues cernitur, vt postea obseruauit, os venerandum videt: deiectisque, præ reuerentiâ, oculis, attentas sermoni eius aures præbuit. Illa, non vt homines vulgo, qui unum, deincepsque alterum, atque tertium, dein alia ordine verba promunt; sed totas simul quasi sub aspectum sententias coniiciens, similiter atque nummulariorum peritissimi, qui non singillatim nummos dum numerant, sed uno iactu complures in mensam effundunt, breui momento permulta dixit. Exprobrait collata in eum beneficia, nominatim multa enumerans, quæ tum primum ille animaduertit. Obiurgavit, quod illius mallet facelli sui mutis affixus hærere faxis, quâm ex ignobilitate, ac vilitate eorum, humilitatem, ac paupertatem addiscere. Iussit disertè Societati nomen dare, magnopere minitans ni pareret: diemque sacrum Epiphaniæ nominauit, quo domum se ad Patres reciperet, addito, vt minimè grauare iret, si ex obedientia aliò vocaretur: quando & Pastores, & Reges, quanquam vehementer infantis Dei cunis tenebantur; tamen quod latius manifesta fieret diuina gloria, ab sacro Praesepi, & amabilissimo diuini oris conspectu recessissent. Quæ, aliaque non pauca cùm dixisset; visa est, tanquam benedictura, brachio protenso, explicataque dexterâ addere: I celer, teque totum obedientia subde: Huc te ego perduxì, nec deseram: sed quâ cœpi tutela ad extremum usque spiritum prosequar. His dictis desit apparere. Ille continuâ preicatione surgens in sacrum facillum pergit, Deiparæ se totum de integro tradit, dicatque. Tum instans, & virginis apud Patres, ipsâ Epiphaniæ luce, quam Virgo præstituerat, receptum in Collegium impetrat. Indè, velut nouum vitæ exordium iniens, pro veteri nomine, Ioannes Thomas voluit dici: vt Ioannis Apostoli, quem quasi ostium Beata Virginis legerat fuisse, patrocinio, & fauore liberiore ad eam adiutum haberet: Sanctique Thomæ Cantuariensis, quod die ei sacro singulare illud bene-

14
Beata Virgo
quomodo au-
ditâ illi loqui.

15
Virginis iussis
obtemperat.

16
Indiarum mis-
sionem, audio-
rumque dimis-
sionem exoptat.

17
Ioannis Laure-
tani mors insi-
guis.

18
Custos Ange-
lius ad confes-
sionem gene-
ralem urget.
Opus V. secundum
opus oblongum
temporibus

19
Calamitates pu-
blicæ,

20
Borgia caritas
erga pauperes.

beneficium accepisset, perpetuam memoriam, vna cum ipsius memoria beneficij conseruaret: assumpto Lauretani cognomento, vt propinquos stirpemque mortalem prorsus oblitus, in familiâ tantum, atque seruitio Virginis, quæ salutem hominum genuit, esse se testaretur. Hic ergo iuuenis tam insigni clementia ad Christi IESV Societatem vocatus, quanquam ægræ ab augustinissimæ Matris conclavi abstractus est; tamen eiusdem præcepti memor, & laudabiles etiam voluntates per obedientiam immolare aspuescens, duci se Romam passus, in caritatis, atque humilitatis muneribus cœpit sedulò exerceri. Nec multò post vehementius ærumnarum cupidine, seruendique Euangelio, & infidelium conuersioni succensus; magnopere cupiit ad occidentales, quas vocant, Indias mitti: simul instans simplicitatis, atque obscuritatis amore, vt deserere studia literarum liceret. Quod cum vtrumque impetrasset, nec in Indias mitti per valetudinem potuisset; à literis tamen, & Sacerdotio abstinuit. Erat quod in homine desiderares: ceterum superabant laudanda. Itaque in magnâ vita asperitate, nullo vtens cubili, ieunia seuera continuans, precibus diuturnis immorans, constanter perseverauit, quoad tandem in Romano Collegio senex decessit. Sed quo primū anno Ioannes Thomas Lauretanus in id Collegium insigni, vt narratum est, ingressu venit; eodem Ioannes item Lauretanus inde migravit memorabili exitu: ambo Sanctissimæ Dei Parentis, cui addictiissimi erant, indulgentiam singularem, ille vocatus, hic euocatus, experti. Ioannes Lauretanus æditiū munus in Collegio iam diu procurabat diligenter, ac piè. Angina correptus nec graui, nec, vt videbatur, periculosâ, neque enim decumebat: tamen ne malum exasperaret, semestrem, cuius instabat tempus, homologem in firmorem valetudinem reseruabat. Quod non rarò cœcis futuri, salutisque æternæ incuriosis mortalibus vsu venit, vt præsumpto poenitentiae spatio, præoccupante morte, defituantur; id ne vigilibus alioqui, attentisque seruis, si quid forte per imprudentiam peccent, eueniatur, bono Domino curæ est. Ita Ioannis intutam securitatem oblata secundum quietem species discussit. Vidit enim quendam ore sibi, vultuque subiratum (Custodem Angelum suspicari licuit) & lanceâ minitantem, quod tam diu generalem confessionem distulisset. Quæ fuit increpatio eod grauior, quod confessionis eius tempus nec dum abierat. Eo viso Ioannes ita est conterritus; vt omnino decreuerit non à sexto mense, sed à primâ ætate quicquid commissum, prætermissum cum Dei offensi recordari posset, de integro absolutioni subiucere. Quod ortâ luce dum facit, superflua pituita copiâ vox interrupta est. Sed non idcirco animum despontit. Ad eum piâ mente conuersus, qui gemitus cordium, & voces lacrymarum audit, soluitque ora mutorum, fit iterum loquendi potens: ac protinus ingeni suâ, & confessarij voluptate institutam accusationem peragit, & absolutione donatur. Inde, vt appareret, neque visum fortuitum, neque frustrâ eam componendarum vitæ futuræ rationum fuisse curam; morbus inualuit. Ad vitæ marginem ventum est: solennia migraturis collata sacra., Dein æger animo totus in beatam illam emicanc lucem, sermonem, quem circumstantes de coelesti Patria, & quibusdam Sanctis instituerant, intentis auribus prope gestiens audiebat: cum repente, tanquam admonitus imminere momentum, quo abiret; sic interpellat: Quælo, Patres, Fratresque, abieeti in genua rogate pro me Beatisimam Dei Genitricem, semelque pronunciate Salve Regina. Qui, cum exemplò paruissent; vix precationem illi absoluerant; cum mortalis ipse limi retinaculis lenissime est solutus. Fuit hic annus non vna re parum prosper Italiæ, ceterisque terris. Rerum penuria, graves morbi, calamitates alias, terramotus, bella, præter hæretica, etiam Turcica desaxierunt. Quibus ubique malis omni ope leuandis, dum ex instituto hæc pusilla cohors curas dispergit; ab anno angustijs Romanâ domicilia, vt nullis dum fulta vectigalibus, & alienam benignitatem deterente tempore, haud modicis profecte quæque difficultibus premebantur. Tum Borgia non satis vulgo vistatum, at industriâ dignum suâ, tanquam mercaturæ genus instituit. Præter eam opem, quam de more inopi

inopi populo, corrogatis inter concionem, perque vias alias adiumentis, conabantur sodales afferre, iussit in singulis familijs aliquid extra ordinem quotidie præparari, quod in mendicos distribueretur: eo consilio, vt pauperum beneficentia aduersus pauperes, clementia Dei thesauros, cui nomen ipsum honorabile pauperum est, erga vtrosque prouocaret. Et notat Ioannes Polancus rem præclaro cessisse cum fœnore. Adeò verum est Christi Domini verbum: Date, & dabitur vobis. Docuerat olim Christianæ negotiationis hoc genus populum suum Magnus Basilius, quem, gliscente propter siccitudinem penuria, his verbis affatur: Si duo tibi sint panes, ad fores autem rogator aderit; prome illi alterum: dans verò manus in cœlum tolle, dicque pia hæc, & benigna verba: Vnum panem, quem vides, Domine, do meo periculo: sed ego tuo mandato meum commodum posthabeo: & ex modico do panem: Noui tuam bonitatem, tuae potentiae confido, quod non diu tuam gratiam differes: sed breui, cùm tibi placuerit, affatim dona tuæ magnificientiæ patebunt. Quod si feceris, ac dixeris; non dubium, quin panis hic, quem ei hac dabis angustiæ, agriculturae semen, ac copiam suppeditabit, multumque tibi ex terrâ scenoris reddet diuinæ gratiæ conciliator. Hæc Basilius docuit: hæc Borgia fecit: ed etiam cumulatiū, quod non cum rogante modo diuidi buccellam voluit, sed & vltro voces supplicum præueniri. Nec annona solùm filiorum sollicito Patri, vigilique Præposito curæ fuit: sed in id maximè intentus, vt Sancta in Urbe, in qua, vti Christianæ Religionis, ita Societatis sons, caputque est, vigeret quammaxime disciplina, vndè per omnes terras, & pleni homines diuino spiritu, & suauissimus virtutum odor propagaretur; singula domicilia sibimet visenda, instituendoque, & excitando Socios sumpsit. Habebat in more quotannis, cùm Deiparae Elisabetam visentis rediret honos, totum se intus, extraque reuifere, scrutari os, oculos, aures, denique cunctos exteriores, interioresque sensus ad iudicium separatim vocare: nec solùm notare noxas, quæ iam paucissimæ residebant; sed impensiū mentem intendere, vt cuiusque vsum limaret magis, atque perficeret. Quod quidem continenter alijs temporibus, sed tum, cùm simul demandati sibi munera circumagebatur orbis, præcipuā faciebat curâ. Igitur eo die Assistentibus aduocatis: Decrui, inquit, vestro auxilio, Patres, nisi vos aliter censueritis, Urbana hæc Societatis nostræ domicilia coram inspectare: Pater Polancus adiuuabit me in hac domo: in Romano Collegio, itemque Germanico Natalis: Madridius in Seminario: denique apud Tyrone, atque Poenitentiarios Miro. Eritque curæ postea in suâ cuique familiâ, vt quæ decreta fuerint in rem deducantur. Sed ante omnia ope diuinâ opus est. Itaque perpetua videtur hanc ob rem instituenda supplicatio: quæ quandiu visitatio tenebit; nunquam interrumptatur. Et horas quatuor ac viginti succurrit mihi ita posse distribui; vt domui Professorum, & Collegio Romano quinæ: Domui Probationis, Collegio Germanico, ac Seminario quaternæ: Poenitentiarijs binæ attribuantur in singulos dies. Ad hec vt singula etiam faciant sacra familia singulæ: bina verò, quæ inspicitur: ita vt septena quotidie negotijs eiusdem gratiæ offerantur. A vobis autem, Patres, non alia tantum auxilia, sed & hoc in primis sacrificiorum, ac precum expeto, expectoque: nisi enim totum vos onus sustineatis; quicquid in me incubuerit, ruet. Fauct operi tempus, quia & vacari iam ab studijs inciper, & recens accepta cognitio, ad conuenientem operarum in Provincias distributionem, quæ autumno fiet, magnopere commodabit. Ceterum, quia pars est iudicium incipiat à domo Dei; ad extreum vos verè, atque ex animo per Christi IESV caritatem oro, quæsoque, quicquid in me, siue in vita ratione, siue in administrationis modo desideratur, liberrimè vt mihi vel scripto, vel oratione aperiatis. Tantum enim de summâ bonitate confido, vt vestra mihi monita profectui sperem fore. Quid ad hæc Assistentes responderint, & vtrum quicquam ipsum monuerint, nusquam notatum reperi. Cetera ipse, quantum valetudo permisit, cum curâ, communique gaudio, & profectu peregit. Intervim Regno Cyprio cùm Selimus Turcarum Princeps immineret, atque auxilio Vene-

21
Ex caritate
scenari.

22
Borgia quotan-
nis se colligere
solitus.

23
Inuifere statute
Romanas do-
mos ac Colle-
gia.

24
Supplicatio-
nes, ac preces
statute ad bo-
num Visitatio-
nis successum.

25
Borgia submis-
sio.

26
Patres missi in
classe contra
Turcas.

27
In ea expedi-
tione mortui
magna virtute
Socij.

28
Patris Raynaldi
Galeſij insignis
operarij labo-
res.

29
Dionyſius Vas-
quius Neapo-
lit. Viator
missus.

30
Collegium In-
teramnæ Sam-
nitum inchoa-
tur.

31
Tarquinius
Raynaldus ei-
dem præfici-
tur.

32
Contentinorū
studia in opta-
do Collegio.

Venetis Pontifex, ac Philippus Rex suas classes mitterent; in eandem expeditiōnē sacrī perfundētūs munētibus, aliquot de Societate, Pontificis, ac Venerōrum postulatū, ire placuit. Cum Pontificijs, quos ducebat Marcus Antonius Columna, Ioannes Victoria, Raynaldus Galesius, ac Thomas Radius profecti Sacerdotes, & pari numero fācerdotij expertes auxiliares. Cum Venetis Pater Carolus Farao, Prosper Malauolta, Camillus Porcellaga: & hi cum suorum quisque comitū leuamento. Omnibus Ioannes Victoria p̄rāerat: idem Columna à confessionib⁹ erat. Pro se quisque militib⁹ æquē ac nautis, tum in ceteris, qua serebat v̄sus, opportunam tulerunt opem: tum p̄cipue in morbis, quibus grauter conflicta sunt classes. Eminebat Patris Raynaldi caritas. Non ille vna quapiam triremi circumscribebat labores suos; sed in alias, atque alias assiduo discursu transiliens, indigentibus & doctrinā, & diuinis mysterijs, & manuum obsequio p̄st̄o erat: non modō cum benevolentia, sed etiam cum admiratione plurimā vniuersa classis: donec & laborum magnitudine, & commercio ægrorum concepto exitiali morbo, in Zacintho Insulā, nunquam intermittens, ne vltimis quidem verbis adhortari omnes ad consulendum animis suis, plenus recte factorum, & magna votis ardentissimis moliens, excēdit ē viuis. Inter cetera, si Deus dedisset longiorem v̄suram lucis, ad Græciam, aliasque subiectas Turcarum ditioni terras vel sanguine fuso iuuandas, iam diu vehementer animo incitabatur: iamque satis versatus erat in Apostolicis per agros excursibus: ac nouissimē vrbis Sancti Angeli populos peragrabat, cūm in classē accitus est. Venetus erat, octauum iam annum religiosus, in robore constantis ætatis. Iam in Pharia (hodie Lesina) Camillum Porcellagam Brixiensem olim ex Sancti Antonij sodalitate, eiusque comitem Balthasarem Apianum laborum moles oppresserat: magnumque omnibus mœrorem, ac desiderium sui reliquerant. Postremō in Cretā Frater Laurentius, cuius p̄cipue feruor laudabatur: & Petrus Angelus Manutius, cui multa ingenij, & manuum solertia inerat, mortales exuuias posterunt. Omnes denique videbantur digni eo, quem consecuti sunt exitu, vt in obedientiæ, & caritatis opere vitæ perfunderentur. Ceteri & animarum aliquantā, & magnā ærumnarum diuites p̄dæ, incolumes remeauere. Sub Autumnum Dionyſius Vasquius, qui ab Collegio Romano ad Professos scribendis adiutor epistolis reuocatus fuerat, ad Neapolitanæ Prouincia visenda Collegia missus: quod Salmeroni assiduè urbanis curis, & studijs affixo non vacabat. Vrbis Sancti Angeli domicilium, p̄senteum maximē curam poscebat, subsidijs omnibus destitutum. Interim nouum Collegium Interamnæ Samnitum ponitur. Inuitati enim Interamnates propinquo Angelopolitanorum exemplo enixē postularunt, vt ad ipsos quoquē iuuandos, operam Patres benignè porrigerent. Et quia magna tum offendebatur rei bēnē gerendæ spes, p̄sertim tollendis inter Ciues dissidijs, & ad Collegij firmamenta auxilijs; quod satis foret, ne aut anxiè cum egestate luctandum, aut parū decorè cœpto abstinentium esset, promittebatur: spesque erat p̄ttere hoc, & Sancti Angeli domicilium ex propinquo in multis, quos humanarum rerum varietas offert v̄sibus, mutuas p̄stare sibi operas posse; suscepsum negotium est: atque Tarquinius Raynaldus primus Rector est missus. Ad hæc datum Dionysio negotium inspiciendi, quæ opportunitas offerretur Consentia. Vbi cū Iosephus Blondus quadragenarias in æde principe conciones cœntu prosperrimo habuisset, incredibile exarserat desiderium Collegij. Itaque re ad consilium publicum relatā, cūm maxima esset in compitis, priuatissime do- mibus totius populi expectatio, multique eā de causā vota facerent; is in animos ciuium consultantium impetus incidit, vt non expectatis suffragijs, vno animo, voceque vna clamare cœperint: Veniant Patres: Collegium fiat. Quod cō mirum fuit magis; quod alias eadem res ad eundem conuentum relata exitum non habuerat. Reliquis feracis prædicationis prouentus, vel indē potest intelligi, quod, p̄tter sublatas mali magni minaces inimicitias, multaque aureo- rum nummū millia dominis restituta, atque id genus complura; longē am- plius

pliūs quingenti totius vitæ noxas Sacramento pœnitentiaæ retrahuntur. Dubitatum diu fuerat Siciliensi Provinciae, an Neapolitanæ cōmodius Reginum Collegium, & Catacense attribuerentur: tandem post longam consultationem, & alternata experimenta, Neapolitanæ utrumque attributum. Neapolitanum verò ipsum roborabatur in dies validius, inque communes frequentissimi, & perinde facilissimi ad pietatem populi utilitatem, industriae omne genus latius explicabat. Colonos iam sexaginta, quorum Sacerdotes quindecim, numerabat. Disciplinas, queis vel rudia ad sapientiam imbuuntur, vel culta perficiuntur ingenia, magistri tradebant octo. Accessit hoc anno ordinaria, ac finis controversiarum de moribus enarratio, singulari Clericorum usus, & voluptate. Feruebat diuinum verbum per urbis varia tempora, & in Proregis aulâ, & in regio carcere illo per celebri, vel millenis referto custodijs, & in sacrarum coenobijs Virginum, & per alimentaria puerorum, ac puellarum contubernia: quibus Neapolitana pietas prope miraculum abundat. Feruebant Sacra menta duo, quæ summa Dei benignitas familiaria labenti humanitati remedia aduersus morbos, ac veruostatem animarum, prouidit. Haud minus mille conuiuarum iam ferijs augustioribus diuinæ epulas reguſtabant. Addebat incitatis vltro operarijs amanter Antistes Marius Carafa pariter animos, & auctoritatem: eō maximè, quod benignam operis materiam, siue circumducens cum iuſtraret dioceſim, siue in urbe quæcumque se offerret profissioni causa conueniens, suggerebat. Institutionem Christianæ legis per urbem inducturus hoc anno, cum tempora septem ei negotio apposita delegisset; catechistas in singulis è Collegio collocauit. Præter Salmeronem, qui iam abditus in studia, cumque seculis, vel præteritis, vel futuris rationem habens, apud præsentes auctoritate, quām operā (quæ scilicet diu feuerat, vltro prouenientibus) impendio magis proficiebat: duo in primis sustentabant nomen Collegij, & labores, Ioannes Nicolaus cognomento Peslongus, seu Longipes, & Ioannes Baptista Bonumcor, vel, ut uisitatis, sed corruptius dicatur, Boncorius. Accipiat vtcumque talia lector nomina: mihi ne postulare quidem veniam vacat. Ioannes Nicolaus in oppido natus agri Hydruntini, cui Mons Sardus nomen, Augusto eius anni, quo Sanctus Ignatius cœlo receptus est, in Societatem, iam legum fatis peritus adscriptus Neapolitani, post experimenta, & puerilem doctrinam per annos tres, totus ad animarum institutionem collatus, pœnitentiaæ sacramentum scienter, constanter, ac fructuosè tractabat, apud domesticos, & externos. Namque iam decennium Sociorum confessionibus domi præerat, & à compluribus ciuium earundem causâ celebrabatur. Vir humilitate singulari, patientiâque, & obedientiâ, & caritate, & vndique ad imitabilis exempli formam compositus. Ioannes Baptista Neapolitanus, & nobilis annum non nisi septimum in sacris castris agebat: sed cum accessisset iam ætate, atque doctrinâ robustus, ac famâ etiam notus, ut publicus Pontificij iuris interpres, exercitatâque multis modis caritate, in Sodalitate, quæ per illud tempus nobilissima inter Neapolitanos vigebat, Candidorum nomine, vbi ad ea omnia ardorem religiosi athletæ, & auctoritatem deuotæ Deo personæ adiecit; mirum quantum apud ordines omnes efficiebat. Siue quem implicita conscientia quæſtio torqueret, siue consilij capiendi ambiguitas distraheret, siue nouissimum vitæ discriminem uergeret; tanquam ad vincum præſidium interdiu, noctuque ad eum configiebatur. Et moribundis quidem iuuandis iam pridem ab Sodalitate illâ Candidorum, cui præcipuum negotium erat adesse supplicio ultimo afficiendis, collectam habebat solertiam. Itaque in opere illo summo operum valebat, ac versabatur plurimum, & hoc ipso anno egregiè desiderauit: omnibus eo tempore (sic enim quidam loquebantur) affuturum sibi cor bonum putantibus, si Pater Boncorius adfuisset. Hæc autem, vel inter magisterium quæſtionum conscientia, vel inter Theologiaz diſcipulatum cum ficeret; ut primum studijs summam manum suis imposuit, & incendere suggeſtum cœpit; miroſ repente concursus, & propemodum clamores excitauit. Anno superiori, cum in Collegij templo per ieunium magnum

Hist. Soc. Iesu Tom. 3.

Aa rudi-

33
Neapolitanæ
Collegij status.34
Eiusdem in pro-
ximos fructus.35
Pater Io. Nico-
laus Peslongus
spectabilis vite
probitate.36
Pater Ie. Bapti-
sta Boncorius
proximus pro-
ficius.37
A moribundis
desideratur.

38
Concionatur
egregie.

imminet
concepit
erat in
reputatio
reputatio

39
Vt riuque Socij
mors & exequiæ.

40
Leonettus Clau-
nianus Longo-
bardæ Provin-
cialis.

41
Collegium Ve-
netum in do-
mum profes-
orum.

42
Io Baptista Pe-
rufus primus
Venetiæ Profes-
orum domui
præpositus.

43
Terremotus
Ferrariæ.

44
Ad Nostrorum
riti e configuit.

rudimenta iustarum concionum poneret; vix quenquam veteranorum habuit parem. Loca certatim occupabantur: morum commutations intignes fiebant; colligebantur inter concionem loculentæ pro egentibus stipes: quibus præsens pecunia deerat detractos annulos, gemmas, monilia, velut pignori triebabant, quæ, submissa mox argento, redimerent. Itaque proximo anno Archiepiscopus in templo suo, deque suggesto principe, illam voluit salutarem buccinam personare. Hic verò, dum cupidissimè, & religiosissimè auditur, significaturæ suam erga virum Dei caritatem honestæ complures matronæ, cooperunt inter se, quam ei donarent, corrogare, & conferre pecuniam: iamque summam confecerant luculentam; cum re Pater cognitæ conquestus pro suggesto, vique eo Societatem Neapoli, & instituta eius etiamnum ignorari; severè iussit incæpto absistere: quodque congesissent vel largitoribus reddere, vel quo-cunque arrisisset, piè conferre. Quod ita verè, atque ex animo egit; vt exprefserit, idque plurimum ad illustrandam eius virtutem valuerit. His igitur velut columnibus cùm status Neapolitani Collegij nixus videretur; placuit rerum gubernatrici Sapientiæ modico interuallo utrumque per Autumnum subducere, vt ipsis maturè cœlum potiretur: & tellus disceret, diuinum opus nequam terrenis niti fundamentis, sed speranda, & petenda de cœlo. Ad Ioannis Nicolai exequias is Ciuium sextus utriusque, eorumque clariorum, quorum animas habuerat in disciplinâ, ploratus extitit; vt Collegæ quoquè communis parentis acrius isti memorâ lacrymas associarent. Grauius vniuersam Vrbem commouit desiderium Ioannis Baptiste: cuius èd quoquè miserabilis visa migratio est; quod cùm ad limina Apostolorum, indè perrecturus Lauretum, religiosæ peregrinationis studio Romam venisset; ibi apud Professos quinto die ex morbo, medentium affirmatione nihil periculo, perij: si perire dicendus est, qui commutatur in melius: & ex periculis euocatur in beatam securitatem. Magna certe indeoles, magnarum spes rerum simul elata.

Prouincia Longobardia, loco Francisci Adomi, qui iam munus explerat, præfectus est Prouincialis Leonettus Clauonius. Collegium, quod erat Venetijs, in domum Professorum conuersum est, redditibus Collegio Patauino adiunctis, de fundatoris Andreæ Lipomani, deque Pontificis voluntate. Id censuerat curandum proximus Generalis conuentus, vt vnum potius plenum, dignumque celebratâ vrbis sapientiâ, quām tenuiora duo Collegia haberentur. Domum Professæ primus Ioannes Baptista Perufus præpositus est, cùm ad id loci Cesar Helmius per multos annos Collegio summâ cum laude præfuissest. Ut aliquid litteraria exercitationis in Brixensi Collegio inchoaretur, èd philosophiæ curriculum Patauio translatum est, relicts Patauij Theologis. Ferraria, quoddimpar confluentum numero vetus erat templum, noui iacta sunt fundamenta: vtque iustis Reginæ Barbaræ Ducis coniugis mos gereretur optatis; Barbaræ Sanctæ patrocinio, ac titulo decoratum est. Sed interim Ferraria calamitas insolita, quæ multò quām prosperitas efficaciùs solet alumna esse diuini cultus, vberem pietatis prouentum tulit. Extremo autumno motibus terræ ita crebris, & graibus vrbis tota concussa est; vt effusa in agros multitudine, metu ruina tecta desererentur. Tres præcipue concussions præter modum vehementes foedam ædificijs stragam priuatis, ac publicis attulerunt. Collegium familiaris, tum sacra ædes, Dei bonitate potius, quām firmitate suâ steterunt. Duos prope menses ea calamitas grassata est. Quo tempore, nec dies, nec ferè noctes, Patribus ab consolandis miseris, absoluendisque pœnitentiis, quicquam reliquum otij fuit: èd maiore frequentiâ; quod pleraque alia tempora tremorum immanitas strauerat, cultoresque animarum magnam partem dissipauerat paucor. Ergo cùm sua cuique tecta diram in horas oppressiōnem, infelicemque tumulum minarentur, & nutante vbiue solo, atque inferorum viuis horrificè pandente hiatus, nihil vsquam suffugii, effugie restaret; solatio desperantibus erat domus Dei, & famulorum eius confortio: non quod tutiores ibi, sed quia securiores agerent: æquiore animo cum sacrī obituri viris,

& sa-

& sacra in humo habituri sepulcrum. Confertim itaque perseverabant in templo, neque ad exitum loco, neque ad ingressum patente. Assidue sacerdotum Christi corpus propositum adorabatur, quamplurimis in quintam usque, & sextam noctis horam, aliquando usque ad lucem perstantibus. Multum ibi fundebatur lacrymarum, multum condonabatur iniuriarum, multos annos pressa animo scelerant expiabantur. Ipsa identidem Sodalitates agmine supplicatum acedebant. Denique id, quod Deus publicis hisce terroribus agit, effectum est, ut vniuersa urbis facies ad pietatem renouaretur. Eorum etiam animos, quos ab Societate vel inanes suspicione, vel falsi rumores auerterant, haec Sociorum constantia, & assiduitas, qui ne miserum populum summam in difficultate deserent, cum assiduo perstitebant sua vita discrimine, emolliuit, atque conuertit: ut quorum nuper ferre conspectum nequivieran; eos iam velut parentes intuerentur, & colerent. Ipse quoque Dux serio cœpit ad res diuinam animum adjicere, vehementer Fuluij Androtij, qui Collegio præterat, fidelibus monitis, horratibusque commotus. Quæ res, adiuncto Roma Patris Generalis studio, atque opportunâ Polanci operâ, suboffensem illi mitigavit Pontificem, plane que conciliavit. Venetijs impigre laboratum in subleuandis ægrotorum animis, atque corporibus: quorum vim ingentem è classe, quam contra Turcas proficetam diximus, deportarant. Sed pio persunctos munere religiosos ministros ita è contactu, & fatigatione malum inuasit, ut, qui alios modò iuuerant, alienâ fuerint ope leuandi. Boni duo Iuuenes ultro suscepserunt id laboris, & cura: quii, cum magnâ sedulitate gratuitam præbuissent operam, non tamen caruere mercede suâ. Nam sanctis excitati exemplis eorum, quibus ægrotantibus ministrabant, religiosa vita illeci amore, alter in Societate manifit: alter, quod certâ causâ per leges eâ recipi vetaretur, ad alium concessit religiosorum ordinem. Et quoam supra memoratum est, infestum totâ fermè Italiam fuisse annum; præter alia alibi benignè, & laboriosè curata, Brixia non modò iacentibus passim per urbem, sed pricipue Nosocomio incurabilium subuentum est. Plus ibi quingenti decumbebant ægroti. Tres Sacerdotes curationi destinatos letifera tempestas abstulerat. Ceterorum nemo audebat in periculum se se committere, quod passim ferebat rumor, contagione vulgari malum. Ea re cognitâ, Patres ut tam suam pro Ciuium salute deuouentes, pium suscepserunt onus: nec omiserunt, nisi postquam metu contagionis extinto, Præbyteros, qui succedere vellent, Nosocomij Præsides irruerunt. Tribus itaque mensibus continua inter pericula fideles Christi, eisusque minimorum ministri, nunquam cesarunt expare confitentes, sacrosanctum Viaticum, supremamque uincionem impetrare morientibus, sepelire mortuos, diuinum Sacrificium coram omnibus facere: interque haec sua quoquæ somenta adhibere corporibus: tam promptâ caritate; ut ægrî ipsi admonerent, ne vitas adeo suas obliuioni darent. Et tamen, quæ fuit diuina clementia, nec Patrum, nec Fratrum, quod vice miraculi vulgus circumferebat, quisquam periclitatus est. Duo quoque Brixia missi Veronam, Augustini Valerij Episcopi, post Cardinalis, rogatu, qui institutum ab eo Seminarium ordinarent. Quod usque eo ad Episcopi voluntatem actum est; ut is veller, quandoquidem ipsimet Socij onus abnuerent, saltem per homines regi, quos illi censuerent. Nec ullam egregius Præsul intermittebat viam, qua inducere Collegium Veronam posset. Nicia ad extrema maritimorum Ligurum Petrus Christinus egregio Evangelici coloni funetus officio est. Quadragenarijs in urbe concionibus, re catholicâ sedulò procurata, ad circumiacentia excurrit oppida. Ex quibus duo ita purgauit; nullus ut palam hereticus reliquis factus fit: in ceteris amplius quadringenta capita reconciliauit Ecclesiæ. Dein reuersus Niciam, præter matutinas hebdomadæ cuiusque, & intercurrentium feriarum conciones, secundum meridiem operosis diebus in gymnasio ad discentes, feriatis vero in æde principe ad omnes, qui plurimi affluerant, rudimentariam instituit religionis scholam. Super haec de rebus ad Sacraenta, & Sacerdotalia pertinentibus munia apud Clerum disserebat: Episcopo, qui nun-

Hist. Soc. Iesu Tom. 3.

Aa 2

quam

44
Ex terrore morum facta correctio.

45
Venetijs exercita à Socijs caritas, & patientia.

46
Egregie à Socijs succursum ægrotis Brixia.

47
Petri Christini res Niciae, & circum.

48
Lugdunoësum
Sociorum offi-
cia in Italos
milites.

49
Posseuinini cari-
tas.

50
Malorum li-
brorum lectio
bonorum di-
stributione
compensatur.

51
Rothomagi
multa Posseui-
nus præclarè
gerit.

quam desiderabatur, assiduitate suâ audiendi ceteris siue incitante sitim, siue alleuante molestiam. Indè Dux Sabaudiæ anni firmamenta census promittens, de aduocando Collegio vehementer egit: sed nihil inchoandum visum est noui, antequam, quæ iam in ditione eius coopta erant, solidius fundarentur. Lugdunenses Socij Italiam simuli, & Galliam suâ famâ caritatis implerunt, extremo superioris, & huius principio anni præfitis officijs erga Pontificios milites, qui ab Gallicanâ expeditione reuertebantur, Pars dissipati per viros, agrosque destituebantur graibus impediti morbis: complures vestimentorum, & necessariarum vitæ rerum aliarum inopiam, ad miserandum usque spectaculum, laborabant. Eâ de re Pontifex Pius admonitus, paternâ benignitate, qua plenum pectus gerbat, continuò succurrendum statut: ipsique Lugdunensi Collegio misericordia remedia commendauit, iusso attribui quod opus foret pecuniæ. Illi, qui suâ iam sponte diuinum inceptabant opus, pontificiâ tum facultate subnixi, tum voluntate concitati, discursant per omnem circa regionem, magnam ægrorum vim Lugdunum comportant, nudos vestiunt, fame enectos recreant, perque occasionem corporum, studiosè pariter animos curant. Denique Pontificis caritatis, & suæ, apud omnes circa gentes, igratissimum odorem spargunt. Eodem tempore admirabili felicitate primùm Rothomagi, dein Deppæ Antonius Posseuinus versatus est. Vîsa est promereri eum euentum fortis viri caritas, vel ea ipsa, qua proximum iter ornarat. Nam quo primùm die ab regijs castris discessit; ad obuium pagum coecâ iam nocte peruectus, cùm tectis omnibus à militari turbâ occupatis, nihil usquam receptaculi inueniret, & cœno altissimo sumenta prope demergerentur, & tenebræ conspectum, & consilium eriperent; ad domum processit extra pagum paululum ab alijs secretam, foresque pulsanti respondetur aliud tecti quereret, ibi mori omnes, eo ipso die unum, pridie alterum elatum esse, matrem familias iacere moribundam. Tamen ex necessitate audax, rogatâ saltem, atque imperatâ stabuli copiâ, succedit vna cum comite. Ecce autem vix ad quietis aliquantulum composuerant se in foeno, cùm eiulatus ad aures accedit è tecto superiore; cognitoque matrem familias intermortuam; Posseuinus reputans secum id tempus esse, quo vita suæ præferre animam moribundæ deberet, fiderenter ascendit. Inuenit inter lamentantes liberos, animo defectam anum, quam, porrecto vino, cùm excitasset; ad confessionem hortatur, patienter instituit, comiter audit, rite absoluit. Nec multum temporis abierat, cùm iterum ploratu excitus, iterum ad laborantem iuandam, & ceteros consolando ascendit. Ita nocte in magnanima caritatis traductâ officijs, & spe bonâ anum, & ceteros consolatione plenos relinquens, albescente calo discessit. Parisios autem cùm venisset, ad mercatorem opulentum natione Italem, ex vulnere conclamatum, pœnitentiâ expiadum accitur. Bonus vir, quoniam salutem corporis desperarat, ad saluandam animam curas omnes applicuerat. Ergo, post generalem confessionem, dum cetera componit, illud etiam ex Posseuino quæsivit: Quemadmodum resarcire dampnum posset, quod librorum lectione inutilium, & obscenorum, quos domi habuisset, sibi, & fortasse alijs attulisset. Cui Posseuinus: Quando, inquit, hæc te cura meritò coquit, me audi: Plurimi sunt in Nosodochijs, atque Custodijs, qui orlo abutentes, si quid priorum libellorum nanciscantur, facile lestant: tu facultatem præbeto: simul heredibus testamento iniungito, vt certam quotannis pecuniam in hoc ipsum impendant. Ita, si quid cui per te nocitum est; compensabitur: & quidquid inde proficietur, particeps fies. Paruit ille: & pensione heredibus, quæ visa est satis, iniunctâ, præsentes in eam rem aureos ducentos attribuit: vnde Gallico sermonè omne genus comparatos, compactosque libellos, viritim Posseuinus ipse, per Nosodochia, & Custodias, pro cuiusque captu diuisit. Rothomagum inde profectum, quotidie, vt Galliæ mos est, & Sanctioribus diebus bis, terque dicentem, longè frequentissima, Clero, & Senatu præsente, concio audiuit: quæ religiosam facundiam, nequaquam inanitate sonorâ plausum, sed tacita pietatis instauratione, comprobauit. Ut erant miserrima tempora, & hominum

num partim impietate, partim ciuilibus discordijs, partim assiduo vnu miseria-
rum obduruerant pectora, cum ingens numerus Custodijs publicis attinerentur,
alios complices per urbem angustæ res premerent; excitanda fuit, quæ aduer-
sus hæc calamitosorum genera intermortua iacebat, hominum misericordia, ac
liberalitas. Multi per omnes Custodias distributi catechismorum libelli: aliquot
etiam in medium ferreâ appensi catenulâ. Inter populum verò amplius eorum
libellorum terna millia sparsa sunt. Consuetudo inambulandi sacras per ædes
inter diuina, quæ passim apud profanos, sacrosque homines nullâ religione in-
crebuerat, magnâ ex parte cohibita. In pueris catechesi instituendis, quod
continenter faciebat, non modò illud profecit, vt ad orthodoxam pietatem ru-
dis informaretur ætas; sed etiam, vt Hæreticorum non pauci per eam instincti,
edoctique remigrarent ad Ecclesiæ Sanctæ communionem. Ad hæc, cum haud
paucæ Rothomagi, vt in principe Normandie vrbe negotiorum causâ Hispani-
orum familiæ degerent, interque duas earum præcipuas inueteratae similitates
cunctam diffragerent nationem; id quoquè malum, quamvis rem ante alij fru-
strâ tentassent, diuino aspirante Numine, redintegratâ pace summotum est.
His Rothomagi prioris anni exitu gestis, cum Cardinalis Borbonij Vicario Dep-
pam excurrit, statum eius populi vnâ, alterâue concione exploraturus. Oppi-
dum Deppam est ad oceanum Britanicum (quæ secundo vnius diei cursu Anglia
tenetur.) & arce, & portu, & frequentiâ incolarum nobile: sed iamdiu Calui-
niana pestis foedè vitiarat. Ipsiis Ianuarij Kalendis ante meridiem Posseuinus
verba è suggestu facit: post meridiem catechesim ad exemplum, vt alij postea
prosequerentur, explicat. Iamque post trecentos catechismorum libellos inter
præsidiarios milites, Curionesque, & Ludimagistros, & clausos carcere distri-
butos; redditum parabat mature ad Aquas Sextias (Aix hodie vocant) quod iam-
pridem ab Cardinali Strozio flagitabatur ad Quadragesimæ operam præsto fu-
turus: cum ab oppidi Magistratu, regioque arcis Praefecto religionis sincerissimæ
viro conuenitur, rogantibus aliquantis per subsistat, fauere tempus negotio,
quod Rex peruvicaces in hæresi exterminari iussisset. Eas ob preces quadrudum
subsidet: quibus diebus nouies ad populum pro concione egit, tantâ omnium
frequentia, & commotione ordinum; vt omnem comprehendisse diuina flam-
ma Ciuitatem videretur. Quadrudo exacto sine cunctatione abitum, quin-
equo iam insidentem, iterum Praefectus idem, cunctique Magistratus circum-
sistunt: postque adhibitas frustrâ preces, aperte denunciant: Nequicquam eum
abniti: nusquam exitum inuenturum: suo iusu custodiri portas: nec profecto
se dubitare magnum eâ fugâ diuinæ gloriae detrimentum afferri: denique datam
fidem Aquensi Antistitem eâ curâ liberant, in seque suscipiunt. Tum
Pater eiusmodi constantiam pro diuino interpretans nutu, & scilicet vim insu-
perabilem videns; desijt odiosus altercari. Illi continuo Parisios ad Regis fra-
trem Ducem Alenconium, qui pro Rege res administrabat, & ad ipsum Regem,
& Cardinalem Borbonum dant literas, quibus benè gerendæ rei opportunitatem
demonstrant, si dux, & excitator populo adiit. Qui rescriptere, maneret om-
nino Posseuinus, quoad mitteretur successor. Se Strozio Cardinali satisfactu-
ros. Ita conciones ad initium usque iejunij magni produxit, optimo cum operæ
pretio. Fæminæ mille quingentæ, octingenti viri publicè execrati errores ad Ca-
tholicorum rediere partes. Permagno puerorum numero vel representatus
baptismus, quem Hæreticorum scelus distulerat, vel lustrales adhibitaæ ceremoniæ,
quas ijdem superbâ temeritate neglexerant. Accersitus est Rothoma-
go bibliopola cum optimorum librorum copiâ: quibus statim oppidum, eaque
tota oceani plaga referta est, cum Praefectus (Dominus de Sigogne vocabatur)
vir maximæ pietatis, ad vniuersa eos præsidia dimisisset. Vbi sacrum iejunium
venit, ne tum quidem licuit Antonio ad Aquas Sextias pergere: Sed Rothoma-
gum Borbonius Cardinalis reuocatum Euangelij præconem in templo princi-
pe statuit. Ad Aquas Sextias Ludouicus Codretus missus est: Deppam inchoa-
to operi persequendo Oliuerius Manaræus Prouincialis Lutetiæ venit. Eodem-

Hist. Soc. Iesu Tom. 3.

A a 3

que

52
Catechismorū
sparsa copia.53
Deppam Pos-
seuinus utili-
ter excurrit.

54
Patiens missi in
vicinias.

55
Iterum Posse-
uius Rotho-
magi egregie
operatur.

56
Salutarium li-
brorum salu-
berrima lectio

57
Duorum iuue-
num Hugo-
notorum conuer-
sio ante sup-
plicium.

58
Cohortatio ad
mortem patiē-
ter obeundam

que tempore incidem Pictauium, Regis, & Cardinalis Lotharingi postulatu, præstantes opera missæ Ioannes Maldonatus, Nicolaus Belfilius, Carolus Sagarius, Nicolaus Clerus, Odo Pigenatius, Petrus Loierius, cùm interim Tolosæ, quam belli circumstreperebat furor, decimo indè millario, Gaspare Colignio Perduellium duce, coniunctis cum Montgomerio armis, cuncta vastante, Edmundus Augerius ædem primariam catholicā personare tuba. Hi omnes, aliquæ complures, vbi Societatis domicilia stabant, quos nominatim appellare necesse non est, uno animo, parique conatu diuinum inflantes clasicum, conabantur vbiique per Galliam, ad legitima Christi Domini continere signa fideles copias, & reuocare abductas. Posseuinus Rothomagi coepit in sacro Aduentu per Quadragesimam persequens, inter cetera Sodalitatem instituit ducentarum matronarum, quæ more eius, quam considerat Lugduni Augerius, Nosocomium interuiserent, reque, ac manu iuuarent: sed id curæ adiecit, vt simul paruis pueris, puelli que conualescentibus in tuto locandis stuperent. Iam suam illam pios pro seminandi libros industriam, vt salutarem experiebatur, ita studiosè colens, cùm magna Clericorum vis ad sacros ordines Rothomagum concurreret, quibus diebus eiusmodi hominum permulti concioni intererant; ille de industria in laudem digressus librorum, certos proponebat argumento, & stylo percommodos, quibus se, & populos fibi commissos instruere possent. Qui libri, cùm iam ex compagno apud bibliopolas parati, compactique prostarent, nimis addita ad cohortationem concionatoris, opportunitatis illecebra faciebat, vt passim compararentur. Concilium Tridentinum, quoniam publicè receptum non fuerat, commendabat plurimum, illam vulgandi eius facillimam putans viam, si apud populum in existimationem meritam adduceretur: simulque catechismum Romanum iam Gallicè versum laudans, adhortabatur Parochos, vt, qui alter docere suam nequirent plebem; seftis saltē diebus secundū maximum sacrū, vel cùm opportunissimum ducerent; accommodatum tempori caput ex eo recitarent. Et valuisse commendationem, distractorum ingens codicum vis plānum fecit: nec fermè aliud videbatur solerti viro præsentius contra haeresim pestem medicamentum; quā si Christiani oratores consensu omnes, pro suggestu, commendarent librorum salutiferorum lectionem: darentque operam, vt eorum facilis, ac parabilis copia ad manum cuique foret. Sed ad quotidiam in templo principe fatigationem, labores alios ferrea Posseuinii operistas addens, secundā, quartāque feriā, pomeridianis horis ruddiori atati in parcis duabus, feriā sextā detentis in carcere operam dedicarat. Atque his eò viri conspectus gravior, & cohortatio grauior accidebat; quod eis benignitatem populi inter concionem studiosè conciliabat. Palmare illud huius curæ primum tulit. Inter vinclitos attinebantur duo nobiles adolescentes, qui in haeresi educati, catholicam fidem armis etiam oppugnarant. Tenebatur & virgo catholica famula eorum, nec multo ante mater ibidem obierat. Reuincti erant testibus, natu maximo fratri, cuius corpus repertum erat in puteo, necem attulisse: iamque exacta Quadragesimā supplicium instabat: cùm accersito Posseuinio: En (inquit) Pater, iniquè damnati vadimus ad mortem: sed quoniam Deus, per tuos sermones, ad veram animarum nos curam adduxit; adiutorem eundem te aduocauimus. Statura procera corporis, dignitas oris, ac venustas etiam in imberbium, emicans ex toto habitu nobilitas commiserationem ciebant. Posseuinus, vbi firmitatē propositi explorauit, atque utriusque confessionem, pariterque famulæ, à prima recti, parique intelligentiâ (nunquam enim usurparerant) audiuit; sic assatur: Nobiles adolescentes, quoniam vitâ necessitas habuit; optimo estote animo: magna sunt iudicia Dei: sed is nunquam aufer à iudicio misericordiam, quæ est magna nimis: fine his vinculis nunquam laqueos haeresim exuissetis. Quid si dum Catholicos armis infectabamini, cecidissetis? quantus vos horror exceperis in omnem æternitatem? Fratrem non interematis: at certè per vos non fletit, quia vestrarum animarum (si mori posseint animæ) cædem perpetraueritis. Benè ergo redimitur vitâ breui mors sempiterna.

Agite

Agite, sequimini D̄um, quā vocat vos: ista vobis momento d̄c̄yōr mors vitam pariet immortalem. Vix ea dicta, cūm apparent cum carnifice satellites, & car- pento detecto, quo fontes per urbem circumuehi solent, fratribus, ac famulā in id impositis; Posseuinus, & socius (Pater Ioannes Tellerius erat frater Sena- toris Rothomagensis, qui egregiè Posseuinum ubique iuuabat) ascendunt. Dum longo circuitu vehuntur in forum, ad templorum ianuas carpentum Posseuinus tantisper sibi iubebat, vt morituri diuinissimam Eucharistiam adorantes, nouum robur in ultimum iectum conciperent. Inde primum in virginem suspedio ani- maduersum, quæ, velut innocens agnus, mortem constanter, ac piē tulit. Tum adolescentes in solenne detruncandis suggestum, quod turriculæ humilis instar, rotundâ figurâ, medio in foro stat, introducti. Iamque procumbebat præbitu- rus ceruices maior frater; cūm Posseuinus carnifice sustinere ferrum tantisper iuso, querit secretō, verè ne exra noxiā sit. Nam si malè conscius sit, om- nino, si saluus esse velit, esse culpam publicè deprecandam, & Senatum, quem carcere egrediens palam iniustitiæ insimularit, eā suspicionē liberandum. Re- spondet, ipsos fraudis eius vndique immunes esse. Et Posseuinus, vis ne igitur, vt huius te populi precibus commendem: rogemque, vt vnuquisque pro vestris animis sacrificium semel curet? Peruelle cūm affirmasset; quantum maximè potuit vocem Pater contendens, haud sine lachrymis ad preces populum co- hortans: Si cui, inquit, ea pietas sit, vt velit sacrum pro eis curare; manum at- tollat. Nemo non sustulit. Et ad quadraginta ferè hominum millia, non solum foro oppleto, sed longissimè ad fenestras, & in tectis domorum putabantur spe- ètaculo interesse. Tum dextera, dein ceruix ambobus præcisa, prorsus inno- centibus, vt vix interiectis hebdomadibus sex compertum est, fontibus comprehen- sis: qui nimirum ab se amolituri, in eos culpam coniecerant. Illis sublatis, populum Posseuinus in templum iuinitat parœciæ proximæ, simul vt preces pro mortuis facerent, simul vt sermonem audirent, quem semihora spatio quotidie sub vesperas post Pascha instituit. Ad confirmanda enim per Quadragesimam gesta id curauit, vt in quibusdam parœcijs diuinissima Eucharistia cum appar- tu, ac symphoniam proponeretur: vbi sermonem ipse accommodatum addebat, vt populus orandi Dei rationem, viamque addisceret: & noua dona ex inexhau- sto illo boni fonte, quem immensa Dei intelligentia, nobis patere in hac mundi solitudine voluit, hauriret. Quinquaginta diebus in eo negotio positis, miro concursu populi, & ardore, quō etiam tempore vehementius ad iuuandos ægros, ac pauperes omnium inflammati sunt animi; ad alios alibi labores Posseui- nus discessit. Eodem temporis tractu Oliuerius quoquè Deppa feliciter orsa- impigrè pertexens, & eorum, qui modò resipuerant, constabiliuit in veritate, mentes: & ad mille quingentos præterea ab errore deduxit: atque vt semotis peccatis, quæ fermè hæresum origo sunt, pietas, doctrinaque catholica adole- sceret, dignasque cælo progigneret fruges; Sodalitatem instituit, in quam octin- genti fermè nomina; ipseque oppidi Præfectus dederunt. Sodalium id erat in- stitutum, vt, præter alia pietatis munera, singulis mensibus purgatum confes- sione animum diuino pabulo saginarent, ad perpetuam frugiferæ pietatis viridi- tatem. Eiusdem consilio aduocatus Episcopus est, qui, rem prope ab hominum memoriâ exoletam, ingentia hominum agmina sacro muniuit chrismate: quo- rum in numero primus oppidi Consul fuit, homo sexagenarius, aliquæ eiusdem ætatis non pauci. Purgatae sunt ædes sacræ, atque aræ abrasis, ablatisque pictu- ris, aut tabellis, quibus Hæretici veram adulterare pietatem, ac simplicium, mentibus immistos salubribus pestiferos errorum instillare tendebant succos: si- mul pro vanis, ac noxijs, veræ, piæque historiæ substitutæ. Denique eo in op- pido, vbi nulla impietas aliquandiu receptaculum, ac sedém non habuerat, ita- commutata est forma; vt iam grandioribus natu Hæreticis nullus priuatim, aut publicè honor esset: adolescentiores irrisui essent æqualibus orthodoxis: & Præ- fectus assereret, planè iam sibi compertum, quod ante fieri posse diffidebat, quām proclive sit Ciuitatum moderatoribus, vel retinere eas in priscâ religione,

vel

59
Pater Ioannes
Tellerius Posse-
uinii socius.60
Oliuerij Ma-
narzi res Dep.
px.

61
Divinæ ultio-
nis iudicium,

62
Documentum
divinæ proue-
dentiæ.

63
Res in Pieta-
tis gressu.

64
Nostro cum
prop. itudo
in iuuandis
proximis.

65
P. lo. Maldona-
ti labores fru-
giferi.

vel ab nouâ superstitione abstrahere , si ipsimet solidè velint , atque idoneos nati
sint administrös . Cælestis quoquè Pater viſus est ijs , qui iam germanos filiorum
recepérant animos , pristina paternæ indulgentiæ documenta reddere . Fre-
quens est Deppæ , magnique emolumenti Halecum piscatus . Ceterū ex quo
tempore populariter amplexa Ciuitas hæresim , disiectis altaribus templa spo-
liauerat ; iam non pisces commodos , sed marinos canes inuoluebant retibus : qui
morsibus & retia lacerabant , & pescatores . Hoc verò anno ita respondit captura
ra votis ; vt planum fieret , nihil tam noxiū esse rebus humanis , quām diuin-
rum neglectum : nihil tam salutare , quām pietatem . Illud propriè foemina
primaria clementiæ diuinæ pignus accepit . Agebat misera animam haud primæ
morti propior , quām secundæ , dudum epoto , demissoque in venas impietatis
veneno . Oliuerius Lutetiam redditurus iam Rothomagum venerat : sed quoniam
expectandæ itineris opportunitati aliquot ibi sedere cogebatur dies ; nescio quo
instinctu , ne vacuum elabi spatiū sineret , Deppam regreditur , & commo-
dum in eam , quam dixi , foeminam incidit : & adhortans ad poenitentiam , Deo
miserante , ita permouit ; vt reiecta erroris peste , Christianis mysterijs mira cum
pietate receptis , omnes sperarint mortem illi exordium vita fuisse . Hæc Dep-
pæ dum fuit , haud minus è sententiâ inter Pietauos magni Patris familias agri-
cultura prouénit . Trigesimus agebat annus , cum zizania , radicibus ibi altè
depressis , ita luxuriarant ; vt tandem Regis , fideique catholicae hostes oram il-
lam , cum vicino Sanctonum agro , aptissimam iudicarent , vbi arcem , & regiam
impietatis suæ statuerent : cui & nomen à felicitate sceleris fecerant , regionem
subactam , seu iam quæsatam , ac partam vocantes . At Rex post perduellum co-
natus superiori anno geminâ victoriâ fractos , quia nequicquam expugnantur
armis corpora , nisi exterminetur error è mentibus ; concionatorum fuorum
primario id negotij dedit , vt aduersus corruptas opiniones tela diuinī verbi ca-
pesseret . Quem , cùm populi & animo auerſarentur , & auribus ; ad Societatis
homines itum est , inuitante famâ tum vetustiore , tum recenti rerum , quæ
Deppæ gerebantur . Rex ad frātrem , eundemque vicarium interim suum Pa-
risijs Aleconiensium Ducem scribit , vt primò quoque tempore sex de Societate
in Pietauos mittendos curet . Appellati Patres , & perpensâ negotij grauitate ,
cùm in Collegio nemo esset inuentus , qui non libenter , vel ad euangelizandum ,
vel ad seruendum euangelistis iret ; incunctanter se quicquid virium inesset , in-
tam iustum Regis , Deique , & Gallicæ religiosissimæ nationis collatueros obſe-
quium respondent . Commendarunt Parisenses Proceres , ac nominatim regij
consilij Praeses Senonensis Archiepiscopus Cardinalis Pelleuius alacritatem : eo-
que largius , quod viatici mentione inductâ ; responsum est , neque moris Socie-
tati , neque fas esse quicquam in eam rem postulare , sed debere quemque pa-
pertate suâ , Deique suppeditatione fretum , iter continuò vel sine baculo , &
per aſſuscipere . Quam modestiam ita Senonensis laudauit ; vt Regis tamen di-
gnitati , & causæ quæ tractabatur , consentaneum iudicaret , euangelizantium
curas nec onerari mendicitate , nec distrahi . Sexto Kalendas Martias Pietauium
Patres ingressi . Ceteris in alia oppida Caſtrum Eraldi , & urbem Sancti Ma-
xentij , & Niortanos distributis , in ipsâ Pietauio tres substiterunt . Quorum
duo Carolus Sagerius , & Petrus Loierius , cùm duobus primis in templis , quo-
tidie ante , postque meridiem concionibus , & cathechismo darent operam ;
Ioannes Maldonatus , quanquam venerat potius , vt dum modicâ vacatione
grauiorū studiorum ad nouum curriculum vires instaurat , operarios regeret ,
quām vt opus ficeret ; tamen & Sociorum incitatus ardore , & sperati copiâ fru-
ctus , sibi quoquè binas in die disputationes , grauissimam vnam , leuiores alte-
ram sumpsit . Matutinis scholis disputare de Ecclesiâ latinè in Academiâ cœpit ;
idque argumentum ita tractauit ; vt multos multorum spatio annorum hæresi
infixos vehementer concusserit : quos deinde adiectis de Sacra Eucharistiâ , con-
tra impietatem Caluini disputationibus , ad fidem catholicam planè retraxit .
Locum ad docendum consultò profanum delegit , quod norat Hæreticorum
deter-

deterrimos iurasse, nunquam se limen templi catholici intraturos. Vbi verò factis animos auditorum conciliatos animaduertit; denuntiauit maiore hebdomadâ, sepositis controuersijs, pugnacique stylo, de pœnitentiâ, deque conuenienti ad suscipiendum Christi Domini corpus præparatione sedatè, ac piè locuturum, idque in templo. Quæ res ita illos Hugonottorum iuratos non absterruit; vt primi ipsi properarent in templum, & orthodoxis loca præriperent. Imò viri inter ipsos grauitate præstantes, quorum auctoritas plerosque in sectâ continebat, non modò dissertationibus de Ecclesiâ, Sacrosanctâque Eucharistiâ perstudiosè commodabant aures; verùm etiam catechismo, quem in Collegio Picarræo (florentissimum erat, auditoribus frequens ducentis, & magnam partem Caluinianis) post meridiem explicabat: sedebantque intermixti pueris, & libellum singuli manu tenebant suum: vt nimirum, qui se in superbia scholâ pro magistris venditauerant; in disciplinâ humilitatis non erubescerent pueros confiteri, si non ætate, at sensu. Denique tum reliquorum concionibus, tum Maldonati præcipue doctrinâ, Sectarij Pictavienses edocti, impulsique sunt, nullus ut prospiceret, qui serio de mutandâ sententiâ cogitarat: & mutaturus libenter fuerit, si iussum potestatis accederet, quo videri posset coactus. Id eò maximè compertum, quod regius Provinciæ Legatus Ioannes Hayus, cum, instante Paschâ, per viros graues ostiatim interrogari iussisset, veilent ne catholico ritu sacram Synaxim obire; non pauci responderunt: tum obituros, cùm Rex imperaret: interim, quam ille potestatem ficeret, vti velle. Adeo præposterus pudor (quod & Donatistis olim euenisce Sanctus Augustinus narrat) obligatas tenebat misericordium mentes, erubescerent suo arbitrio ad rectum callem redire, ne ante se faterentur errasse: & præoptantium pertinaciter perire, quam videri abrupte constantiam. Tamque utilis est tempestiuè admotus terror, qui ad cœnam magni Regis intrare cunctantes compellat. Præpotuit tamen in multis veritatis amor, & salutis. Non de plebe modò, & rudi vulgo, sed docti plerique, ac primi in impietatis scholâ subsellij circiter quadringenti errorem pestiferum, & pudorem pudendum vicere. Præter hæc, in corrigendis Catholicis, quibus ut instantâ rerum confusione, prauorumque consuetudine nihil fermè incorruptum, præter nomen, restabat, haud leuius negotium fuit. Præceptores quicunque Collegijs præerant hæresi contaminati, hoc est prope omnes, itemque paedagogi non solum ab Academiâ segregati, sed totâ vrbe exacti. In bibliothecas diligenter inquisitum, & voluminum vis plurima corruptorum igni corrupta, Regio Legato Ioanni Hayo ad hæc conferente auctoritatem. Denique moribus integritas, templis dignitas, sanctis mysterijs magnâ ex parte restituta celebritas. Quæ res ita Piætonum cœperunt animos; vt gloriarentur simul se præstantissimorum Ducum auspicijs, & armis ab perduellum vi, & crudelitate, simul doctissimorum Theologorum pietate, atque sapientiâ ab opinionum tyrannide, ac peste vindicators. Et fuit vir grauis, qui talia facinora æternitate memorie digna ratus, cùm tradidisset accuratè literis; peragrè cohiberi à Patribus, inuidiam eâ temporum iniquitate formidantibus, potuit, ne in vulgus emitteret. De Societatis quoquè instituendo Collegio (vti fermè ubique fit in æstu rerum ad vota respondentium, dum oculis, manibusque comprehensa bona voluntates incidunt) agitari serio cœptum est: ipsorum Caluinianorum plerisque optantibus, ob præstantem opinionem, quam de Patrum sapientiâ perceperant animis. Augerius hoc tempore nullam Tolosæ, circumfrente hoste, capiebat quietis partem, vt adderet animum abiectis, cœrceret temerarios, excitaret torpentes, omnes ad propitiandum Numen alliceret, cum supplicibus ad Deum votis suis, tum concionibus, & priuatis colloquijs, & omni genere Sacerdotalis vigoris, atque sagacitatis. Id Sanctæ Ecclesiæ, id militiae suæ, id religiosissimæ Civitati, amantissimæque debere se dicens, vt noctes, atque dies aduersus hostes excubans idem, ac dimicans, nullam interim in vrbe negligeret partem, si quam animaduerteret effici posse meliorem. Cùm in Custodijs publicis, quæ quinque erant, multitudo ingens clauderetur, quos intoleranda omnia conficiebant;

66
Hæreticorum
ex malo podo-
re pertinacia:

67
Catholici ex-
culti.

68
Collegium So-
cietatis etiam
à Caluinianis
optatum.

69
Augerii Tolose
gesta.

ciebant; Edmundus, qui Nosocomijs ante prospexerat, miseriarium hanc quoque partem leuaturus, Sodalitatem conflauit, quæ sua studia sancto huic muneri dedicaret. Idque eō fuit magis opportunum; quod cum totam Ciuitatem arce inopia premeret, multò in miseros, ab vsu communi, conspectuque semotos, inguebat acerbius. In eam Sodalitatem viri, feminæque certatim ut nobilitate, opibusque præstabant; ita libentissimè conuenerunt. Hæc, atque alia spectantia eodem quamplurima dum Socij per Galliam, maximèque in Aquitanâ prosperrimè administrant; consecuta pax est, quæ tantis rebus moram haud modicam intulit, mali stirpe, quæ tutò videbatur excidi posse, relicta, mox sauius regerminatur. Solutâ tamen periculo Tolosâ, patefactisque pace itineribus, Augerius Lugdunum venit valde expectatus ab Euerardo Visitatore. Ibi & confirmato populo concionibus, & rebus Societatis cum Visitatore transactis, nouum iter aggreditur. Lotharingi Cardinalis accitu Isabellæ Maximiliani Imperatoris filia, quam Carolus Rex in matrimonium duebat, obuiam euntis Remos festinat: eaque in vrbe sacri Aduentus tempore coram Cardinali, ac multitudo ingenti nobilium, successu quo solebat, nempe optimo, verba fecit. Interim Joannes Maldonatus, quem paulatim Socij inseguunti sunt, ex Picciis reversus Lutetiam, auctâ ex intermissione famâ, & auditòrum auditate incensâ, Theologicam repetit scholam: & Ioanni Marianæ, qui sacram interpretabatur Genesim, plus in dies & ad auctoritatem, & ad celebritatem accedebat. Per oppida Campaniæ, & Lotharingiæ Petrus Vela vix vero simile est quanto cum effectu excellentium operum peregrinatus fit. Is erat Sacerdos è Virdunensi Collegio, quod superiori anno pestilentiae causâ dissipatum, non erat consilium restituere, nisi Episcopus, quantumvis impensissem reuocaret, ad perpetuatem aliquid prouideret. His in acie, pugnâque laboriosè versantibus, Guido Roiletto ad triumphantes in coelum migrauit, vir egregiâ religione, sui negligens, cupidissimus animarum, impigerque earum venator, & laborum tolerans: idem benè doctus, & quæ ad agendum, ac docendum instructus. Notat Oliuerius Manaraeus hunc omnium primum in Romano Collegio docuisse Philosophiam. Aliquot deinde annis Ferraria exactis, in Aruerniam missus, pacatè, ac diligenter, cumque domesticorum, atque externorum benevolentia, & profectu Billiomæum Collegium annos multos rexit. Auctoritate non Billomi solum, sed latè circum valebat, per quam & priuatim, & publicè inter eas belli ciuilis tempestates sèpè Ciuibis magnopere commodauit. Multos ab heresi abstraxit: dissidia multorum extinxit: grauia populi vitia correxit. Precepit inopum occulorum misericordiâ tangebatur. Itaque & cum matronis opulentis egit, ut colligerent eis stipes: & cum Ciuitate, ut proprius eorum procurator constitueretur. Talia agebat vnicâ virtute animi, qua & corpus suffletabat exangue, exesum, hostiam viuam in suavitatem odoris Domino sensim liquefcentem. Itaque vix tridui morbo confessus est duodecimo Kalendas Iunias. Mortis genus sanctitati vitæ respöndit, caritatis maximè laboribus acceptum. Cum diuinissimum Christi Corpus suscipere non liceret per stomachi inconstantiam continentis vomitu laborantis; perlatum in cubiculum non modò summissione infimâ adorauit, sed clarâ voce ita compellatuit; ut adstantibus multum excusserit lacrymarum: pauloque post deficiente iam animâ, cum quicquid supererat spiritus, in deosculando Crucifixo, complectendoque effunderet, & summa pietate alloquendo, forte interfuit Billomæus ciuis, homo ferox ingenio, & lingua intemperanti, quem sapientis ante Pater christianâ caritate conatus ad meliora flectere, retulerat pro amicâ monitione maledicta, & contumelias. Is spectaculo adeo sancti exitus, ita compunctus, & emollitus est; ut ibidem in coronâ adstantium prouolutus in genua, de suâ pertinaciâ sapientis veniam, emendationem spondens, rogarit. Exequias Ciuitas publicè, & millo funeralium numero, & præsentia Consulū honorauit. Visitator inter hac Euerardus Mercurianus, per magna viarum discrimina, pari pietate, atque prudenter ordinandis intendebat domesticis rebus. Quæ sane (cum inter tot bello-

70
Lugduni, ac Re-
mis.

71
Maldonatus
Lutetiz Theo-
logiam, Maria-
na Genesim
explicat.

72
Petri Vela apo-
stolica peregrina-
tio.

73
Guidonis Ro-
letti vita, &
obitus.

74
Primus Philo-
sophia, magi-
ster in Roma-
no Collegio.

75
Pauperum amas.

76
Moriturus dñs
nos potest Eu-
charistiam su-
mere gaudet a-
dorat.

77
Placidus mori-
tis aspectu fe-
rox homo e-
molitur.

rum strepitus, in tam prolixis, & crebris peregrinationibus, Collegijs tam sèpè concussis, ac dissipatis, religiosa disciplinæ ordo, qui vt in acie profanâ, item in sacrâ custos virtutis, salus militum, & victoria parens est, inuiolatus teneri nequiret) non modicâ & sapientiâ indigebant, & curâ. Gallia Belgica nihil magnopere nouum offert. Audomarensis Episcopus Collegij templum ab se extrectum in Sanctissimo IESV nomine consecravit: cui cùm daretur, vt fundatori, pro more cereus; profuentibus exceptum lacrymis in altari posuit, prædicauitque valetudinem sibi eo tempore, qua perditâ vtebatur, singulari Dei beneficio restauratam: in documentum id accipiens gratum habentis, clementerque respicientis perfectum opus. Ita demum in proprio Collegij templo cœpit fructus animarum copiosior capi, multis ad meliorem vitæ frugem, nec paucis ad catholicam religionem reuocatis. Restituta, seu potius instituta Tornaci probandis Nouitijs domus. Post dissipatum Geusiorum impio furore, quinto ab hinc anno, satis florens in eâ vrbe Collegium, Pater Ioannes Mortagna, & pauculi, qui cum eo redierant Socij, apud amicum Sacerdotem diuersantes, occupationem suscepserant primæ pueris tradendæ literaturæ, quæ lectionem, atque scriptionem elementariam non transiret. Obtulerant id provinciæ cum aliquo prouentu, & conditionibus multis Canonici: sed tandem ita suscepsum erat; vt integra utriusque parti cessatio esset. Bellè procedebat ludus sub duorum labore Fratrum ex numero adiutorum. Multi restitutum optabant Collegium: sed quia in conditiones non conueniebatur; Tyrocinium introductum est. Ludouicus de Vvingheme Canonicus in eam rem domum cum hortulis duobus in regione optimâ & saluberrimâ vrbis, emptam donauit. Ed postridie Idus Aprilis cum Patre Iacobo Dulio Praefecto, septem Louanio translati Tyrones: quibus breui nouem, tum alij deinde accesserunt. Robertus Bellarius minus Louanij in magnâ sapientiæ operatorum, sapientumque coronâ prosequens concionem latinam eâ approbatione, quæ non laudibus magis, quam emendatorum testimonio morum proderetur, etiam interpretari ex primâ summa Sancti Thomæ parte Theologiam cœpit: cùm vix biennium apud Theologum ipse doctorem sedisset. Adeo per ingenium illud eximium, idemque tum sanctitate morum, tum fusis ad Deum precibus, tum curâ, & labore purgatum, rigatum, excultum, sibi, aliisque idoneus erat magister. Is primus Louanij in Societatis Collegio, consentiente Decano, ac Primoribus Vniuersitatis, publicè docuit: sexque deinceps, magno bono catholicorum dogmatum, sacram doctrinam continuauit annis. Non enim ea tantum ab Hæreticis tuebatur; sed & Michaëlis Bay opiniones damnatas, sensim repullulantes, & pro auctoris celebritate serpentes, vt non mediocriter nobilissimæ Academiæ integritas periclitaretur vt sedebat occasio, dissimulanter, sed acriter, & singillatim arreptas stirpites elidebat. Cameracenses quoquè Socij, Canonici cognomento Care beneficientiâ, qui se velut vnum è Collegio, & studio, & operâ, iuuans etiam in poenitentibus expiandis gerebat, proprias ædes adepti, cum hortis; Maximilianus Archiepiscopus iam de firmando redditibus Collegio, quod tam cupidè aduo- cauerat, amanterque haberat, agitabat ex animo, cùm eius consilia moriendi necessitas disturbauit. Ita cæpti operis cum ipse destitutus esset, tum Collegium in discrimen adductum. Adeo male fundata consilia sunt, quæ mortis fide nituntur. Veruntamen, qui successit illi, Ludouicus Barlaimontius de suâ nihilominus paternâ benignitate sperandum ostendit. At Treuirensé Collegium, quod ad id temporis in teatris, & commodatis apud scholas Academiæ, & ab frequentiâ admodum remotis hospitatatur, hoc anno stabilem sedem adeptum. Quippe vigil, ac pius Antistes Iacobus ab Els videns vnâ operâ possit utriusque parti commodari, quod coenobium Fratrum Minorum Conuentualium fuerat, de benignâ eorum voluntate Collegio attribuit: & ipsos largâ insuper stipe muneros in coenobio Virginum iam deserto ad Sancti Germani, minus ruinoso, & aliquantis instructo redditibus collocauit. Cumque Patres vellet templo Collegij, quod idem consecravit ab Sancto Iacobo nomen imponi;

ad con-

78
Statutus Societatis in Gallia.79
Audomarensis Collegij progressus.80
Tornaci Tyrocinii inchoatur.81
Ludouicus de Vvingheme Canonicus ades donat.82
Robertus Bellarius mini cōciones ac Theologicæ scholæ Louaniij.83
Cameracensis Collegij status.84
Treuirensis Collegij progressus.

ad conseruandam pariter ipsius Principis, qui donarat memoriam, maluit religiosissimus Pontifex ab Sanctissimâ Trinitate nuncupari: quod eius ad gloriam recte facta omnia referri, eiusque nomine consignari oportet: nec fecto solum, sed etiam vestigalibus auctis, cum simul ab superiori Antistite Ioanne à Petre donata confirmasset, ad aeternitatem Collegium roboranit. Factum quoque initium est contubernio tenuiorum adolescentium, ex quibus, piorum collatione, in morum disciplinâ, & literarum educatis, utilium supplementa militum Ecclesiae olim caperet. Per dioecesim Treuirensim Hermannus Tiraeus Collegij Rector, & Ioannes Berkelius, quod proximo anno instituerant, Archiepiscopi missu discurrentes, præter cetera, curarunt, ut Sacerdotes, atque Ludimagistris editæ clarâ voce professioni catholice fidei subscriberent: incasum repugnantibus, Principumque suorum nomine intentantibus minas Hæreticis. Spira hoc anno Maximilianus Cæsar comitia habuit. Eo cum legaretur ab Philippo Secundo Rege Franciscus Hurtadus Montis Acuti Comes, eidem Rex summe id volenti Patrem Iacobum Auellanedam à Präposito Borgiâ per literas postulauit, adiunxitque comitem. Eodem venerat cum Imperatrici Mariâ Pater Franciscus Antonius. Hi duo, cum Spirensibus Patribus opera coniunctâ, non solum germanas, sed exteris quoque nationes pro virili iuuerunt. Quidam à Mahometo, ab Iudaicâ non nemo perfidiâ, multi ab hæresi reuocati sunt. In Xenodochio pulchrè positus labor: quod cum Comes ipse Legatus impetrasset ab Senatu hæretico Socijs adifum, sibique corporum suscepisset curam, dum elemosinas idem, atque vxor propriâ manu distribuunt in opere turbæ, aliaque præstant obsequia; Patres curandis intenti animis, & confirmarunt in religione nutantes, & confessiones ex multo tempore multorum audierunt, & quibusdam ad Sanctæ Ecclesiæ recuperandam pacem duces fuere. Ad hæc inter Mantuanum, & Sabaudium Oratores enata biennio ante dissidia, qua vel Príncipes ipsi conciliare nequierant; per suos famulos Deus (quibus quicquid tribuitur ipsi Deo tribui omnes intelligunt) magnâ cum populi, & Principum voluptate composuit. Imperatrix Maria Isabellæ filiæ Carolo Regi Gallorum desponsa confessarium destinarat Patrem Laurentium Magum: qui, profectus in Poloniâ, cum nequaquam posset in tempus occurrere, perspectâ Auellaneda pietate, atque prudentiâ, idem iussus est cum Reginâ in Galliam proficisci, à confessionibus interim ei futurus, dum Magus adueniret. Sed graui Societatem onere Galli Proceres liberarunt, qui maluerunt in eo loco hominem e suis. Ita Auellaneda, cum ad Galliarum venisset fines, repudiatis, quæ Rex offerebat, locupletibus donis, quanquam per honesto, tamen ultra periculo liber mune- re, auctior abstinentia famâ Spiram recipit se. Haud procul Spirâ est Marchionatus Badensis, cuius Marchio superiori anno cum in confictu Gallico cecidisset, eiusque filios in tutelam Cæsar Duci Bauaro tradidisset; Albertus non prætermittendam occasionem propagandi cultus diuini ratus, Comitem Schuaremberg Marchionatus Präsidem mittens, vna cum illo Patrem Georgium Schoritum ire iussit. Breui restum Comitis, tum Patris humanitate, labore, industria eò venit; vt non magno negotio restitui posse Ecclesiæ cuncta Provincia videretur. Quæ res cum propugnatores impietatis male haberet; literas ab Cæsare exprimunt, per quas verabat quicquam aduersus Lutherani verbi ministros fieri: iisque literis debilitatum nonnihil est saluberrimum opus in medio cursu. Sed deinde, vt referam, liberè repetitum. Augustæ Petrus Canisius non solum aduersus Hæreticos; sed etiam aduersus dæmones bello suscepto, decem nequam obseciores ab nobili virginè solennibus exorcismis abegit: quo facto virginis Pater ad eam diem obstinatus hæreticus, ad deferendam cum pertinaciâ impietatem emollitus est: aliquæ ad pietatem incensi, præsertim cum in columis conspecta ea quoque puella est, quam Roma liberatam demonstrauimus, reique gestæ series dimanauit in vulgus. Tot nimirum modis clementissimus Deus contumacia ingenia despicientium Ecclesiæ Sanctæ ritus, & tot seculorum firmata suffragijs conuulentium instituta, domitum ibat. Nouum Hale-

85
Hermannus Ti-
raeus, & Ioh. Ber-
kelius per Tre-
uirensim dio-
cessim excurrut

86
Patris Auellanæ
da, & Francisci
Antonij respi-
ciæ.

87
Auellaneda Re-
ginæ Gallie cō-
fessor designa-
tus, à tali mu-
nereliberatur.

88
In Badenii Mar-
chionatu Reli-
gio capti re-
stitui.

89
Augustæ Petrus
Canisius Da-
mones expellit

Colle-

Collegium optatos cœpit creare fructus: Sanctorum veneratio, precatio-
nes pro mortuis, supplicationes publicæ, litaniae, hisque similia, quæ prope obsole-
uerant, redintegrata sunt, vniuersæque Ciuitati, testimonio Principum, salus
reddita. Ex Collegio Viennensi per quadragesimam missus Græcum Styriae
caput, Archiduce Carolo postulante, Pater Stephanus Rimelius, rem præclare
gessit. Erat ferè cuncta Ciuitas hæresi corrupta: & apud populum Societas in-
famis, tanquam omnia hominum factis, & Sanctorum inuocationibus arrogan-
ter, nihil Christo salutis auctor, eiusque gratia tribueret. Hac enim strophâ
lanij animarum Hæretici fucum faciunt populo, & simplicem Diabolo mastant
gregem. Aerumnas prædicant Christi, vt ad nequitiam prolectent, per sum-
mam impietatem peruerentes Dei consilia, & misericordiâ abutentes, & sa-
cerdos sanctum sanguinem, quem ad extinguendum peccatum fudit, non verentes
(quod horrendum est cogitatu) somitem facere peccatorum. Verum cum di-
cere ad populum cœpisset Stephanus, neque vñquam abslet Archidux, eoque
cuncta simul nobilitas, & populus frequentissimus afflueret, apud permultos,
præter cetera, id est effectum, vt admirantes simul doctrinam, simul vitam So-
cietas longe ab Hæreticorum criminibus discrepantem, quod in eam temerè
conceptum habebant odium, id in obtrectatorum malignitatem iure conuer-
tent. Brunæ quoquè, cum Olomucensi Antistite profectus eò Alexander Hel-
lerus, auditus ex concionatorio tribunal tanto cum momento; vt existimatû
sit ruentem ibi in exitium pietatem vñus sustinuisse. Atque hic domum pro-
bationis Antistes, Græci Collégium meditari Archidux cœpit. Viennæ inter-
pestilentiam, famemque, quibus vexata est grauter, ducenti fermè ab hæresi
expediti: tametsi Patrum conatus tum sparsæ calumnia, tum miserrima apostata
impudentia retardauit. Dissipata calumnia est, sub virili habitu admissa in
Collegium per fenestras quinque ipsos annos foemina, quam tandem de-
prehensam vterum gestantem, & in custodiā datam. Fabula, quamvis tam
impudenter, ac stulte ficta; tamen, dissipantibus Hæreticis, apud summos, &
infimos sparla, non parum de famulorum Dei auctoritate detraxit. Sed iam
erat prope solemne, vt quotannis noui aduersus Iesuitas monstri aliquid ex Hæ-
reticorum officinâ mendaciorum fecundâ prodiret. Nam & eodem tempore
Olomutij pasum serebant Patrem Ioannem Merquitum Saxonem, qui ibi con-
cionabatur, VVitembergæ conatum Lutheri monumenta corrumpere, eamque
ob rem virginis cæsum, atque probroscie cæsum: nihilque adeò per ebria volue-
batur guttura, atque flagro cæsum Iesuitam: cum tamen nunquam, ne fuisset
quidem VVitembergæ Ioannes: Ceterum huiusmodi perfrigidæ, monstrosæ
que fallacie, quia non diù viuebant, nec nisi ex nouitate quicquam mellis, aut
sellis habebant; ideo necesse erat subinde progenerari, suggestique nouas pru-
rientibus linguis: quamvis interim noxam res inanissimæ haudquaquam ina-
nem afferrent. Illud acerbè, & insolabiliter Christi IESV milites cruciabant,
quod, per fædissimam commilitonum interdum fugam, incruentum non da-
batur gerere bellum: ac perniciosem aliquandiu hoc anno scandalum versatum
Viennæ est. Adamus Hellerus veteranus iam cœlestis vexilli comes, primisque
annis admodum laudabilis, frater Alexandri, quem modò Brunæ velut conser-
uatorum nominauimus, cùm paulatim, remissa custodiâ sui, simul rebellandi
copiam intestinis hostibus, simul externis intrandi præbuisset; ad extremum
tandem nequitie, & impietatis deuolutus, ab Collegio Conuictorum Pragen-
sium, cuius prefecturam gerebat, infami se fugâ proripuit. Quem, vt ad de-
serta reuocare signa, Provincialis Magius grauissimâ epistola conuénit, quam
hoc loco subscribi placuit totidem verbis. Carissime frater (fratrem voco, si ta-
men adhuc fraternitatis nostræ affectum retines) precor tibi ex animo eam sa-
lutem, à qua respicias retro, post manum ad aratum missam, excidisti. Vix
mihi potuit adhuc persuaderi, te castra Dei, cui nomen tantâ pietate, & animi
propensione dederas ante multos annos, fratrem etiam tuum tecum in eandem
gloriam adducens deseruisse, & in vastum carnis, & sanguinis gurgitem te de-

Hist.Soc.Iesu Tom.3.

B b

nuō

90
Hæze Collegij
fructus.91
Græciū Pater
Stephanus Ri-
melius primò
missus præcla-
ra gessit.92
Brunæ Patris
Alexandri Hel-
leri viles cō-
ciones.93
Hæreticorū fa-
bulæ Viennæ de
Societate.94
Adami Helleri
defectio.95
Magij ad eum
epistola nobi-
lis.

nuò immersisse: tot tamen fuerunt indicia, tot conuenientia testimonia; vt dubitationi nullum locum potuerim amplius relinquere. Quæ tua defectio tanto mihi accidit ingratiior, atque molestior; quanto mihi etiam fuit insperator. Dormiui semper tibi in utramque aurem. Quomodo enim de te quippiam huiusmodi vel suspicari potuissem, quem veteraniū militem existimabam? Quem statuonem suam non minus fiderent, quam fortiter reterentur, aduersus omnem hostium impetum, non dubitabam? Cui, quod tibi vehementer confidemus, munera non vulgaria commendabantur? Sed, vt video, mea me de te se felli opinio: & non solum Deo, à quo, quod piè illi dicasti, sacrilegè abstulisti; sed mihi quoquè, sed omnibus nobis fratribus tuis insignem iniuriam fecisti, pro bono malum reddens. Cum enim de te tam bene opinaremur; tu tuo turpi facto mendaces nos fecisti, quia nos decepisti. Et utinam nos tantum, non autem te, fereandum æquo animo istud esset. Nos enim quid inde detrimenti, præter dolorem, præter solitudinem? at tibi soli ad damnationem reputatur ista defectio: quia fidem tuam irritam fecisti: quia mentitus es Spiritui Sancto. Non enim arbor perit si ramus frangatur, & recusat socius esse radicis, & pinguedinis oiuæ, in quam, cum oleaster esset, insertus est inter bonos ramos. Sed ne quis me putet blasphemum, quod tò dixerim damnationem habere, quia Societatem deseruisti; duplii quemuis syllogismò, dialecticorum more, conuinco. Scribitur Numerorum trigesimo. Iste est sermo, quem præcepit Dominus: Si quis votum Domino voverit, aut se constringerit iuramento; non faciet irritum verbum suum, sed omne, quod promisit, implebit. Sit igitur primus Syllogismus: Quicumque virorum voverit Domino, & non impleuerit quacunque voverit; is transgreditur præceptum Domini: atqui Adamus Deo voverat, quod relicto huius mundi strepitu, in secessu Societatis illi soli esset inseruiturus, quod tam non impleuit, Societatem deserens: ergo Adamus in hoc, quod non impleuit ea, quæ Domino Deo tam sanctè voverat, & deserens fraternitatē irrita fecit verba votorum suorum, transgressus est mandatum Dñi, & consequenter damnationem habet. Diuus Paulus prima ad Thymotheum quinto docet Timotheum quales viduas debeat admittere ad vocationem perpetuam castitatem in obsequium Christi, & Ecclesiae eius: & monet transgredientes votum illud habere damnationem. Sit ergo secundus Syllogismus. Quicumque rem bonam, ac piam Deo vovit, nisi persolverit, quod vovit, sed irritam fecerit fidem voti sui; habet damnationem: atqui Adamus vovens perpetuam paupertatem, castitatem, & obedientiam in Societate IESV, rem bonam, & piam vovit; ergo si non persolverit, quod vovit, sed irritam fecerit fidem voti sui; habet damnationem. Quamobrem quo in statu verseris tu ipse videris, Adam, Adam vbi es? Vnde discellisti? Quo te precipitasti? ex ponte in mare, ex famulatu Dñi in seculum: vbi quidquid est; concupiscentia carnis est, concupiscentia oculorum, superbia vita: ex semita salutis in viam perditionis. Dic mihi, obsecro per ilium amorem, quo te semper à me non solum diligi, sed vehementer etiam amari expertus es, dic mihi, quæ te dementia, quæ te Aeu decepit? Siccine, miles Christi duodenarius, militia Christi assuetus, post iuramentum militare, post votum perpetui obsequij, ducis tuī castra deseris? Non dimissus à Duce, non absolutus à iuramento, in hostium te recipis cuneum, & eorum, qui, cum temporalia à te extorquere non potuerunt, animam, quæ eis pretiosior, conantur perire? Ita ne etiam fidei aduersarijs præbes triumphi materiam? Quanto consultius fecisses, si ad eos, quos facit Deus habitare unius moris in domo, cum quibus & tu aliquando dulces capiebas cibos, & ambulabas cum consensu in domo Dei, declinas. Non in tot, tantosque incidisses laqueos diaboli, à quo iam captiuus teneris, ad ipsius voluntatem. Nec erat cur à fratribus tuis metueres te vel in cisternam inclusum, vel Ismahelitis venditum iri. Ab amantibus enim ista non sunt timenda. Sed prout ducebaris à carne, & sanguine ire voluisti, nullā habitā ratione Dei, nullā salutis tuæ, nullā ad ficationis proximorum, de quibus mandauit Deus unicuique, nullā demum

96
Societatis de-
sefiores dapa-
tioem habe-
re coniugans
tur.

fraternæ consolationis, & erga Societatem, quæ, vt bona mater, te aluit, te influit, te sacrauit, gratitudinis. Obsecro te, per misericordiam Dei, cuius simulatum deseruisti, obsecro te, inquam, considera diligenter, & in conspectu Domini, ac Creatoris nostri attentâ cogitatione dispicias, quæ sequuntur. Quod omnium caput est, grauissimè offendisti Deum, & Patrem Domini nostri IESV Christi, cui fidem non seruasti. Et quæ poena huiusmodi homines manet? Audi Apostolum dicentem Hebraorum decimo: Irritam quis faciens legem Moyſi, sine ullâ miseratione, duobus vel tribus testibus, moritur: quantò magis putatis deteriora mereri supplicia, qui filium Dei conculcauerit, & sanguinem testamenti pollutum duxerit, in quo sanctificatus est, & spiritui gratiæ contumeliam fecerit? Scandalizasti multos. Quid tum? Audi Christum dicentem Matthæi decimo octauo. Qui scandalizauerit vnum de pusillis istis, qui in me credunt, expedit ei, vt suspendatur mola asinaria in collo eius, & demergatur in profundum maris. Præcipitasti te, & sanguinis Christi efficaciam sacrilegum, quantum in te est, mutilasti, dicente Christo Lucae nono: Nemo mittens manum suam ad aratrum, & respiciens retro, aptus est regno Dei. Dices, longum erat, graue erat: non poteram tam immania, tam diuturna portare. Vae ijs, qui sustinentiam perdiderunt, dicit Scriptura: & tu putas huiusmodi caluis rationibus te excusationem habiturum de peccato? Fucum facere poteris cæcipientibus, sed Deus non irridetur: cum acceperit tempus, ipse iusticias iudicabit: & si iustus vix salvabitur; quid respondebis petenti rationem villicationis tuæ? Benè currebas: quis te non solum impediuit, sed de medio cursu reuocauit? Pondus, & pondus: onus, & onus respondebis mihi. Et nunquid decet sub spinoso capite membrum delicatum viuere? Delicatus es, si vis & hic cum seculo gaudere, & postea regnare cum Christo. Et certè necedum à Iudeis quinque quadragenas vnâ minus accepisti: nec dum nocte, ac die in profundo maris fuisti: necedum plus omnibus laborasti: postrem necedum usque ad sanguinem restitisti, & de laboribus conquereris? Næ tu delicatus es miles: & quomodo coronaberis nisi legitimè certaueris? Quomodo denarium diurnum accipies, nisi usque ad vesperam in vineâ Christi, tanquam operarius inconsuibilis, laboraueris, & sudaueris? Verum te certare velle, & laborare dices in vineâ Christi, non in Societate. Sed audi tu me vnum verbum. Nonne pacto conuenisti cum Domino, vt laborares in istâ parte vineæ, non in aliâ? Vinea hæc Domini est: ipse condit operarios: ipse vnicuique assignat partem, & stationem. Si quis eam deserat, vt ad aliam transeat; ordinem Domini perturbat: & tantum abest vt mercedem accipiat; vt pro mercede punitionem sit consequitur: non quia non laborauit; sed quia non laborauit iuxta voluntatem Domini. Ait enim Matthæi septimo. Qui facit voluntatem (non suam, sed) Patris mei, qui in cœlis est; ipse intrabit in regnum cœlorum. Alioqui audi petram illam, super quam fundata est à Christo Ecclesia, Actorum quinto: Anania cur tentauit Satanás cornutum, mentiri te Spiritui Sancto, & fraudare de pretio agri? Non ne manens tibi manebat, & venundatum in tuâ erat potestate? Quare posuisti in corde tuo hanc rem? Non es mentitus hominibus, sed Deo. Quicquid feceris, extra desertam à te fraternitatem, quantumvis bonum, quantumvis honestum, quantumvis sanctum; non ad iustitiam, sed ad iniquitatem tibi reputabitur: oratio ipsa fiet tibi in peccatum. Quomodo enim opera tua placere Deo poterunt, si persona non placeat. Respicit Deus prius ad Abel, deinde ad munera eius: nam Deus intuetur cor, & ex conditione cordis iudicat externa, ait Diuus Bernardus: contrario modo ac homines faciunt cor ex verbis coniectantes. Qui autem fieri potest, vt tu placeas Deo; si Deo fidem fregisti: si ab eius vocatione te subtraxisti, ipso vel inuito, imo & repugnante? Conscientiam tuam appello. Ergo in damnatione es. Quid hinc conficitur? Absoluvi non potes, absoluere non potes, sacrificare non potes, concionari non potes, conuersari non potes, quin abyssus abyssum inuocet peccatorum. Nolo enim te ignorare mysterium hoc: quod, præter peccatum tuum, poenâ excommunicationis illaqueatus es,

Hist. Soc. Iesu Tom. 3.

97
Quod mala cō-
trahant.

98
Excusationes
in peccatis.

99
Ad redeundum
incicamenta.

Satanæ traditus es: hoc non ignoras, si memoriâ tenes. Quid igitur mihi faciendum erit, fortè interrogabis? Consilium tibi non denegabo. Furtum commisisti nullâ auri magnitudine compensandum. Si vis, ut tibi dimittatur peccatum; restitue malè ablatum, idest te ipsum. Reuertere vnde discessisti, & fiant nouissima tua meliora prioribus. Quanto te amore, ac studio semper sim prosequutus conscientium tuum pectus non ignorat: eamdem caritatem, & nunc senties tibi esse paratam. Quid facis in seculo, qui maior es mundo? Reuertere, reuertere ad pusillum gregem. Occultum est delictum tuum: non dum factum notum multis: facile ista ruina implebitur: nullo te odio prosequimur, sed potius amamus; & quia amamus, vicem tuam dolemus: considerantes nos ipsos, ne & nos tentemur. Te querimus, non tua: animæ tuae salutem sitimus, non tuarum rerum cupiditate tenemur. Quid ergo moraris in mari magno, qui potes esse in ponte? Scimus legem Christi esse, ut alter alterius onera portemus. In spiritu lenitatis tecum agemus, memores enimus benignitatis, & mansuetudinis Christi, & Apostolorum eius Petri, & Pauli. Egressere de domo Patris tui, & de cognatione tuâ, si vis, ut concupiscat Rex decorem tuum. Omnis mora periculorum plena est, & inimici hominis domestici eius. Nec te terreat magnitudo laborum. Audi Apostolum dicentem: Momentaneum esse, & leue quicquid tribulationis patimur in praesenti: quod tamen supramodum in sublimitate æternæ gloria pondus operatur in nobis. Vide igitur quam non sint condignæ ad gloriam illam passiones nostræ. Quod est tribulationis nostræ, momentaneum est, & leue; quod gloriae, æternum est, & pondus etiam supramodum in sublimitate. Quid in incertum tibi dies, & annos numeras? Transit hora, transit, & pœna: nec accedunt sibi, sed cedunt potius, & succedunt. Noli ergo timere, magis autem redi ad seruitutem Dei, indutus animositate regia ad imitandum illum, qui propter te humiliauit semetipsum, factus obediens usque ad mortem, mortem autem crucis. Alioqui audi Spiritum sanctum Apocalypsis secundo: Habeo aduersum te pauca: quod caritatem tuam primam reliquisti. Memor esto itaque vnde excideris, & age pœnitentiam, & prima opera fac: si autem veniam tibi, & mouebo candelabrum tuum de loco suo, nisi pœnitentiam egeris: quam, si Deo adiuuante, impleueris redeundo; gaudium erit magnum super peccatore pœnitentiam agente, non solum coram Angelis Dei, sed etiam coram fratribus tuis: nec deerunt patres, qui filium prodigum redeuntem suscipiant, & complestantur. Benè valeas. Viennæ, die tertiatæ Aprilis Millefimo quingentesimo sexagesimo nono. Rationum id robur, comminationis hæc caritas, & viri grauissimi auctoritas, quam parum apud obduratum pectus, & in ultimum præcipitans exitium valuerit, res ostendit. Impudens transfuga, post desertam Societatem, religionis quoquæ Catholicæ infamis proditor, Viennæ propalamè loco superiore cum populo caput agere, Dei Ecclesiam, itemque Societatem proscindens maledictis, maximo popularium Hæreticorum gaudio, eorumque fauore, qui de Senatu erant. Tandemque homo & votorum sanctitate religiosorum adstrictus, & sacerdotali castimoniae detinutus, tremendo Dei iudicio, penitus in suarum cupiditatum potestatem traditus, incestas nuptias celebrare sustinuit: infamia, & turpitudine, contra sapientiam, & sanctimoniam pugnans. Sed adeo exitiosam, exultantemque impudentiam diu diuina mansuetudo non tulit. Pestilentia paulò post ipse, & quam duxerat meretricula, infelicem animam euomuere: quanquam fuit rumor, ipsum tandem morti proximum edidisse signa pœnitentia. Quicquid sit, Dei quidem infinita est pietas, sed iustitia quoquæ formidanda. Hoc iterum anno Magius Provincialis Poloniæ visit, tum capta confirmatus Collegia, tum Vilnenus constituturus. Est Vilna caput, ac metropolis totius magni Ducatus Lituanie. Magnus enim dicitur ille Dux, quod & minores habet sub se Duces: & regio ea amplitudine patet; ut facile Italiam superare dicatur: quanquam magnam partem occupant sylvae, paludes, & stagna. Vnde fit, ut hyeme magis, cum concreta gelu etiam fluminum sola sustinent plaustra, quam per aestatem com-

100
Adami Helleri
acerbus exitus

101
Magius Polo-
niæ iterum
visit.

102
Lituania Italiam
amplitudine su-
perat.

mercijs pateat. Vilna sita est in opportunâ planicie, neque inamæna: duobus alluitur fluminibus: alteri Vilna est nomen, vndē cognominis vrbs: alteri Villa, idque maius, in quod & Vilna influit. Annona, nisi insignis calamitas, qualis hoc anno graffata est, incidat; est ibi vilissima. Vrbs porrò, quamquam te&torum pleraque ex materiâ, vt alibi per eas oras, imprimis ampla, & nobilis: ad hæc frequens, non Lituanis modō, sed Polonis, Germanis, Italos, Ruthenis, Tartaris, & gentibus alijs: eoque multarum inibi vsus linguarum est. Status religionis deterrimo erat loco. Ciuitas catholica censematur, vt aliae fermè regiæ: magnam tamen partem, ac templorum multò maiorem occupabant Rutheni. Quod nomen, cùm propriè Roxolanorum, seu Russorum nationi conueniat, quæ Russiam, siue rubram, siue albam (sunt enim duæ, eaque per magna prouincia) incolit; tamen iam & sectæ factum est proprium: Ruthenosque per ea loca nominant, qui Græcorum sequuntur siue schisma, siue hæresim, cuiuscunque nationis sint. Ad hæc, præter Iudeos, præterque Tartaros Mahometanos, multi multarum sectarum hæretici erant: qui tamen extra Zuuiiglianam synagogam opibus Palatini recens demortui exædificatam, nullam dum potuerant inuadere sacram ædem, nec publicam sibi superstitionum suarum condere officinam. Porrò fructus ex Collegio vberrimus sperabatur: præsertim in tenerâ ætate instituendâ: eò præsertim, quod nec Rutheni, neque alij Sectarij ludimagistrum, siue concionatorem habebant ullius nominis: Populus autem, vt ferè in vniuerso Poloniae Regno, suapte sponte propensus ad religionem, ac simplex. Valerianus Vilnenis Antistes vir optimus iam duobus ante annis, coëmptam loco maximè accommodato è regione Curia Episcopalis domum assatim instruxerat, facile tringita capacem habitatorum: & vestigal attribuerat, quod annuis vietiis alumnorum prope quadraginta sufficeret. Quæ tamen, quoniām Collegium numerosum, & Academiam generalem meditabatur; vocabat initia, domique amplificandæ, ac templo extruendo necesaria comparabat: nil metuens vehementius, quâm cùm iam quintum ac sexagesimum annum ageret, fractissimâ valetudine, mors cæptis ne interueniret: tametsi aduersus subitos quoquè casus diligentissimè aicbat testamento sibi esse prouisum, per quod omnia Bransbergeni Collegio ad condendum Vilnense legebat. Prouincialis Austriae Magius, cui Prouincia tum contributa Collegia Polonica erant, Stanislaus Varseuitius, is, quem anno ab hinc quarto Romæ ad diutum Societati memoratum est, vndē nunc auctior pietate, ac literis ad Sarmatas fuos remittebatur, aliquje explendo Vilnensi Collegio destinati, ad tertio Kalendas Iunias Posnaniam attigerunt. Aberat vrbis Antistes Adamus Carnouius ad Casarem paulò ante ab Sigismundo Augusto suo Rege legatus: tamen sacros hospites hospitaliter excipi suas in ædes iusserat. Quod ita est factum Procuratoribus Episcopi, & Canonicis, & Ciuitate omni officiorum genere certantibus: vt profiteretur Magius nusquam sibi humanitatis amplitudinem repartam tantam; quantam in Poloniâ, vel in ijs, qui se ab Ecclesiâ segregabant, homo alienigena, Papista, Iesuita quotidie experiretur. Nam & à Posnaniensi Palatino, Hæreticorum propugnatore alioqui acerrimo inuitatus est, acceptusque in eius suburbano tum splendide, tum imprimis modestè, atque benevolè, vt diceret Magius: si tantum vir ille castæ religionis haberet, quantum humanitatis à naturâ, & urbanitatis acceperat; dignum profecto fore, in quo omnes amando, colendoque certarent. Nec prætermisit ipse occasionem ingerendæ diuinæ lucis, qui exemplo Christi Domini propterea inuitationem non repudiarat, vt meliores interim dapes coniuatori suggereret: sed grauoris operæ, & prolixioris negotij res erat. Ita nihil ultra processum, quâm, vt amicitiae semina iacerentur. Porrò Ciuitas nihil auebat ardentius, quâm, quandoquidem eam nacta Iesuitarum copiam erat; apud se in perpetuum retinere: nihil non moliens, vt Collegium statim excitaretur. Quoniām autem in præsens retinere non poterat; ex Senatus consulto decreuit vniuersis cōpiosum viaticum, perque honestos viros, nomine totius Senatus, cum præfatione perho-

Hist. Soc. Iesu Tom. 3.

B b 3 nori.

103
Vilna situs.104
Fecunditas, ac
frequentia.105
Status Religio-
nis.106
Russia duplex.107
Ruthenique di-
cuntur.108
Valerianus Epi-
scopi cura de
Collegio Vil-
neni institu-
do.109
Stanislaus Var-
seuitius in Po-
loniam remit-
titur.110
Posnaniësum
in Magium, ac
socios huma-
nitas.111
Præfertim Pa-
latini Posna-
niensis.

112
Magius Sena-
tus viaticum
reuefat.

113
Varſauiam adit
ad Regem.

114
Stanislaus Var-
ſeuitius eū lau-
de cōcionatur

115
Agitur de Col-
legio in Russiā
condendo.

116
Magius Vilnam
Collegium de-
ducit.

117
Verba eius ad
Valerianū Epi-
copum Vilnē-
sem.

norificā delatum est. Sed cùm accipiendam grātē voluntatem , remittenda pecuniam Magius censuſſet; amantissimi Ciues vltro ſpeculantes viatorum, coſmoditates, fi quid deeffe ſubolſacerent; id diligenter vel ignorantibus ſub miniftrabant, vel etiam repugnantibus obtrudebat, certatim & ſua plebe quoquē munuſcula deferente: quæ (quia nihil præterea accipiebat) quam optimo paue illorum curru impleuit. Nec potuit denegari communī auditi, quin verbi Diuini pañem Pater Stanislaus Vafeuitius de ſuggeſtu porrigebat. Itaque frequentiſſimæ, ſecundiſſimæque concioni in Curiā Sanctæ Mariæ Magdalenaæ cæleſte epulum dedit. Digrefſi Poſnaniā, Pultouiam veneunt. Hic Socijs relictis, Varsauiam, vbi tum Regni comitia habebantur, Magius cum Proprouinciali Francisco Sunerio, & Vafeuitio Pontificis Internuntij Vincen- tij Portici accitu, excurrit. Ibi quoquē magna humanitatē excepti: & Magio iam noſ Rex in omnes viſus patrocinium dērulit: eiusdemque iuſſu coram eo, & Senatu, & cunctis Episcopis Vafeuitius haud fine approbatione eſt concio- natus. Ante omnes lætata Reginula eſt. Ita vocabant fororem Regis, nomine Annam, pietatis mæmoranda virginem. Attulerat ei ab ſummo Pontifice Vafeuitius literas, per quas hortabatur, vt fororis ſuæ virum Sueciæ Regem Ioannem ad Eccleſiam reuocandum ſuſciperet. Inter Episcopos contendit vehementer Preſmiliensis Valentinus Herbortus, vt Collègium in Russiā pri- mo quoque tempore conderetur: quod nibil minore studio iam pridem Sophia & genere matrona, & pietate clarissima perurgebat. Itaque ſimul ac Pultouiam Magius rediit, Patrem Iacobum Vuiecum Vangrouicium cum cetera ex- ploraturum miſit, tum propriè diſpecturum, Leopoli, an Preſmilia condī praefaret. Ipſe, cum ſuo manipulo non mediocriter aſſumptis ē Pultouienſi Collègio Socijs aucto, Vilnam, cùm Epifcopus longiorem terre expectationem non poſſet, protinus iter intendit. Deoque propitio, & bono eius Angelo ducit, tandem cuncti ſoſpites, tametsi indē humus vbiq[ue] ſoſto ſubſtrato pro cubili fuerat, ad finem peregrinationis longiſſimæ peruererunt, milliaria ab Austria Viennā permensi Germanica, quorum ſingulis quina Italica continentur, cen- tum ſexaginta: longius interuum, quām Viennā Romam: vndē nonniſi qua- draginta ſupra centum numerantur. Accelerato per noctem itinere, quid loci, ac temporis paulo longior ex quinque horis, matutino urbem intrarunt: ne cum officiollissimi Antiftitis altercandum benigitate foret, qui magnificum occurſum equitum, & alia honeſtando ingreſſui compararat. Cuius vt in con- ſpectu religioſa cohors venit (& pontificali fulgens amictu, aurea circum colum fluente torque, circumſtantē Canonicon, & virorum nobilium præla- rā coronā, compositus ad maiestatem in ſellā confiterat) incredibilis gratula- tio, atque vberes fuerunt lachryma. Magius ornatam etiam verbis magniſ- cam eius pietatem, & Societatis in eum obſeruantiam ratus, veneſando illo, planeque probo ſuo ore, vt vel ſpectaculo eminentis modetiæ, & grauitatiſ, omnium ad ſe oculos, & amores raperet, talem habuit orationem. Tandem aliquando, Reuerendissime Präſul, homines expectatiſſimi tibi, & cupidissimi tui diuino beneficio adſunt. Ambigebam ego, vndē nam hæc verba ordire: & cogitabam excufare principiò aduentus nostri tarditatem, vt ſtati (quod pre- ciipient Rhetores) quicquid primam huius congressus minuere poſſet gratiam, amolirer. Sed, vt primū frui tuo conſpectu datum eſt; tua singularis humanitas, & ſumma benignitas, quam vultus optimi & pollicentur, & exhibent, per- ſuafit nibil eſſe ſalutationis officio præuertendum. Ante omnia igitur Præ- ſiſti nostri Generalis, & cunctæ Societatis, & nostro, qui preſto ſumus, nomi- ne, plurimam tibi studio tanto, quantum maximum humanus capere poſteſt an- mus, ſalutem dicimus: omniaque fauſta, felicia, diuturna: &, poſt hanc vitam, beatam aternitatem precamur ab eo, à quo omne datum optimum, & omne donum perfectum deſcendit: ſimulque tibi omnem operam, cunctosque labo- res noſtros dedicamus, & tradimus: ſatis gnari viciſſim in te, disciplinæ noſtræ deſenſorem acerrimum, & conſeruatorem ſtudioſiſſimum, fore. Societas qui- dem

dém nostra, vt sanctis morem gereret votis tuis, nullā importunitate temporis nullo Collegiorum incommodo, hunc, quem in conspectu iam, & iure tuo habes manipulum, per iniurias coeli, per viarum erumnas, per incerta casuum ad id usque terrarum misit. Misit autem libentissimè geminā de causā. Primum, quod curas omnes, atque cogitationes tuas in eā religione sustentandā, atque restituendā defixas esse cognorat, in qua tuendā, atque instaurandā cunctis ipsa quaequā suis viribus elaborat. Deinde quod tuorum experta, quibus præoccupata est magnitudinem meritorum, cūm partem assequi nullam referendā gratia posset; hac saltem significatione profiteri se non ingratam curauit. Nos vero gratias immortales clementissimo Duci, Deoque agimus, qui nos tandem per quicquid molestiarum, atque discriminum fuit, incolumes huc perduxit, ut te, quem absentem obseruabamus, contemplari, ac venerari præsentem, atque excellsum istum, cunctisque virtutibus exaggeratum animum coram admirari possemus. Tibi deinde, Ecclesiaeque tuae Vilnensi gratulamur omnes ex animo, quod pietatis, ardorisque erga diuinum cultum in tuum pectus summa bonitas tantum effudit; ut singularis quædam longè, latèque per exteris quoquā gentes excitata opinio sit Apostolicæ sollicitudinis tuae: & in spem ubique boni omnes erecti fore, vt catholica sacrosancta religio, per homines nescio quos nouitios, & adolescentulos labefactata, breui per sapientiam, & grauitatem tuam in statum pristinum reponatur. Quod profectò, ne vel grauior ætas, vel inclinata impedit tua valetudo, magnanimè pater, vereri non debes. Aderit enim secunduti Dauidis souenda virgo Sunamitis: aderit ea virtus è cœlo, quæ ultra maternos annos prouectæ Saræ non modò prolem, sed & eiusmodi dedit, per quam ad uniuersitatem gentium felicitas, ac benedictio permanaret. Deus noster bonus est, potens est: nunquam abest ijs, qui pro ipso laborant in remigando. Si non adsit in primâ vigiliâ, si cellet in alterâ, si ne in tertiatâ quidem apparet; at certè adest in quartâ: increpitoque vento, ac mari, & factâ tranquillitate magnâ, perseverantes deducit in portum voluntatis eorum. Ad extremum reliquum est, Præf禄 optime, vt & muneribus, quæ de longinquâ regione adueximus, præstantiam tuam, pro nostrâ tenuitate honoremus. Alia præbebunt alij. A nobis quantulacunque sunt, accipe nos ipsos, & nostra nobiscum omnia. Accipe, qui te clementissimum nobis Dominum, & indulgentissimum patrem exhibes, obsequissimos seruos, & obseruantissimos filios. Vnum est, quod vereri nobis conuenit, ne eueniat tibi, quod olim Dauidem querentibus, qui pro homine statuam inuenerunt. Digna quidem vota Saulis fuerunt, propter immanitatem, quæ frustrarentur: & digna tua sunt, propter caritatem, quæ superentur. Nam, quemadmodum decuit innocentem hominem ad exitium, quærenti, simulacrum offerri; sic æquum esset tibi, tot animalium spectanti salutem, vel flatuas animari. Sed id quoquā merito tuo, precatuque, præstabit spero is, qui potens est de lapidibus istis suscitare filios Abrahæ. Iam ad tarditatem excusandam obsequij nostri, inexsuperabilia occupationum impedimenta commemoranda essent. Verum præstat simpliciter profiteri, si quid in eâ re peccatum est, iam nos abundè poenarum dedisse, quibus optatissimâ tuâ præsentia interim, magno nostro dolore, carendum fuit: & nunc denique connifuros, vt quicquid cestatum est in itinere, compensetur in opere. Talia disserente Mag'o, venerabilis senex graui suauitate vultus, & decoris lacrymis approbat. Et vbi ille conticuit, haud item sine lacrymis respondit, gratias agens Deo, qui iam se proximè finem votorum suorum perduxisset: sèpiusque confirmans, nunc demum sperare se gregi suo bene consultum fore, nunc vineam Vilensem, situ squalidam, vepribus horrentem, & ab syluestri apro ductatam redintegrandam, & in eam speciem excultum iri, vt nulli pulcherri marum cederet. Tum paternâ indulgentiâ cunctos prandio exceptit, eorum se spectaculo pascens: sacram illam coronam, quasi filios, quasique nouellas oliuarum in circuitu mensa sua contemplans, breui fructiferas in domo Domini futuras oliuas. Sexto post die, cūm in Collegium magno, & honestissimo comitatu

118
Manufcula
Epitopo obla.
ti beneuole-
tiz ergo.

119
Episcopi pia-
benigaitas.

120
In Collegium
per honorificè
recipitur.

tatu venisset, post decantatum in facello de Sanctissimâ Trinitate sacrum, salutatus est primum oratione latinâ, tum hebraicâ, dein latino carmine, itemque hebreico, postremò græcâ oratione. Sub eâ in studiorum laudem, ad excitandam iuuentutem, declamatum. Quæ, cùm ipsi collegæ omnia præstisissent; postea quinque nobiles pueri suum quisque breue carmen ex ordine addiderunt. Indè per diecēsim literis missis, quibus, & constitutum Collegium, & ad proxima Sancti Stanislai solennia scholarum (nam tantum pueri quidam nobiles, aut Episcopi propinquai ad id loci recepti erant in disciplinam) exordia desuntiabant; Sacrum Diuo Alexio diem quintumdecimum ante Kalendas Sextiles haberet natalem Collegij, & anniuersarium obseruari voluit: quod eo die ab Lucouensi olim Episcopatu ad Vilnensem ipse fecisset gradum. Primus regendo Collegio præfetus est Varseuitius: cui, cùm egregia contigisset apud omnes fama virtutum; minor tamen vero contigerat. Idem in Sancti Ioannis curiā conciones habebat. Magius, rebus aptè compositis, cùm inter cetera Vilnæ etiam singulis diebus sacris ad Italos inquilinos verba fecisset; extremo Augusto in Prussiam iter intendit in curru, quem donarat pro potestate Episcopus, addito & viatico, & qui ad Lituaniæ fines Augustam usque omni humanitate deduxit. Provinciali digresso Vilnenes College totos se ad exornanda studiorum initia, quoniam religionis in eo agebatur dignitas, contulerunt. Namque Hæretici, ut sunt gloria animalia, & meretricia frontis, ante solebant Catholicos fatigare, passim injectis quæstunculis, & quassare, iactantes se intoleranter simplici populo, & insultantes. Porro inter eorum Sophistas fatebantur omnes apud Andream Volanum, qui Palatino Vilnensi erat à secretis, Caluinianæ insipientiæ rudem esse. Is adiuncto sibi Andrea Tricesio, & aulicorum globo de eodem grege Caluini, cum Lutheranorum etiam concurso tentandam sibi Iesuitarum facultatem putauit: & ad Collegium profectus, de sacramento Eucharistia quid Patres sentirent, interrogauit. Qui, cùm sententiam catholicam ita explicassent, probassentque maximè auctoritatē Sancti Ambrosii, & Augustini, quibus se stare hæretici aiebat, ut nemo dissentire, nisi obstinata pertinaciâ posset; tamen nihil commutatus discessit. Tum Patres ante omnia infringendos Hæreticorum illos spiritus, comprimendamque plebis lasciendæ procaciam rati, de cunctâ Philosophiâ theses, atque ex Theologiâ nominatim de verâ corporis, & sanguinis Christi in Sacramento Eucharistia presentiâ, deque communione sub vna specie, sustinendas proposuerunt. Quæ, cùm ad valvas templorum septem dies peperdissent, ad disputationem ventum est. Ioannes Haius Scotus Rhetorica designatus magister propugnabat, Praesibus Varseuitio, & Balthassare Hostenino. Ingens ad audiendum etiam Hæreticorum numerus conuénit: at ex his, quanquam semel, atque iterum, ac tertio inuitatis, nemo vnu toto triduo, quo disputatum est, conferere manum voluit. Ita res inter Catholicos gesta, & Hæreticorum argumenta serio tractata, & magnificè refutata sunt. Haud facile dictu est, quantum illæ disputationes, aliæque subinde pari felicitate, & eadem Hæreticorum fugâ editæ, Catholicorum & animos confirmarint, & vultus: itemque aduersariorum temeritatem frenarint. Deerat ad cumulanda vota Episcopi, & Collegij perficienda fundamenta templum. Nam nec proximi Sancti Ioannis usum nisi maligne concedebat ei præpositus Petrus Ruitius: & ad nouum condendum nec situs coemptus reperiebatur idoneus, & Episcopus incipiebat desperare impensis se susseceturum. Hæc reputans, simulque illud Varseuitius quâm nihil solidè effici ad populi excitandam, alendamque pietatem sine templo posset; ad Diuinum consil'um, & auxiliū studiosè confugit: impensèque oranti succurrit, si petetur à Rege ipsum Sancti Ioannis templum, omnino impetrandum. Quodque magis rem animo agitabat; eò certiore spem capiebat. Probauit confilium Episcopus: Rex quoquè, præter multorum opinionem, probauit: confirmauit Pontifex: confirmauit & Deus. Nam Ruitius, qui nullâ conditione, quoad viueret, consensurum se demonstrarat; paucis diebus post perlatum à Rege beneficium

121
Stanislaus Var-
seuitius Colle-
gi Vilnensis pri-
mus Rector.

122
Andreas Vol-
nus Vilnensis
Collegium te-
rat.

123
Contra Hæ-
reticos de Eucha-
ristia dispu-
tatum à Socijs.

124
Templum San-
cti Ioannis Col-
legio addicatur
singulari Dei
prudentia.

ficium est mortuus. Inter hæc Magius , cùm postridie natalis Deiparae Bransbergam venisset, cum omnes recreauit fausta narrans nouelleti Vilnenis exordia, tum est ipse vicissim mirificè recreatus conspectu maturus frugum, quas Bransbergensis adulta iam, ac robusta vinea procreabat : ita sacra in templo feruebant opera : ita gymnasium florebat : eas Conuictorum nobilium contubernium, eas Clericorum Seminarium spes ostendebant. Nouum Collegio Rectorem Patrem Philippum Vidmanstadium doctrinâ virum, & religione maximis parem imposuit. Et Tyrocinium in secretâ domus parte, vndè postea magna in Prouinciam omnem vtilitates profectæ, constituit. Elbingam item, & Gedanum excurrit. Hic nobilem Ciuitatem miratus æquè, & commiseratus est. Quippe omnia tenebat, & planè dominabatur impietas. In Catholicorum reliquis mirus inerat ardor Collegij. Sed gemere, & vota facere licebat, aliquid moliendi facultas longè aberat sub dominatu Lutheri. Elbingæ res meliore loco, & Catholicos ad Christum confitendum audentiores reperit : eoque etiam ferocius insanæ factionis incentorem Sebastianum in Iesuitas totis latibus, & gladiatoriâ firmitate vulantem, dirisque deuouentem, quicunque ad eos, hoc est ad Ecclesiam accederent. In singulas conciones quinas exigebat marcas : tanti populo sempiternum exitium vendebat: vtque tantò sèpius, ac quæstuosius Christum auarissimus latro, nouisque Iudas venderet; quater in hebdomadâ præconium iterabat. Magius ex Prussiâ transgressus in Masouiam, dum Pultouiensis Collegij res componit; literas accepit, per quas, & à Presmiliensi Episcopo ad Collegium Presmilia statuendum (illam enim sedem omnes præoptabant) aduocabatur, & à Posnaniensi Varsuam accersebatur. Huc raptim profectus, de Collegio Posnaniensi conuénit, tabulasque confecit : & iuuit causam templi Vilnenis, quam diximus, quæ commodum eo temporis momento apud Regem agebatur. Ad transigendum de Collegio Presmiliensi, quoniam ipse properabat in Austriam anno cadente, Proprouinciam Surensum misit.

Hoc Borealium Prouinciarum statu, in Hispaniâ Collegium Carauacense duodecim incolis, & scholis instructum est. In maioris quoquè Balearis Collegio, Prorege, ac præcipua nobilitate, quorum votis, ac precibus Prouincialis Cordesius tres magistros duxerat, primordia honorantibus, doceri cæptum feliciter, & subinde conflata Deiparae Sodalitas, & templi iacta fundamenta. Granata Theologia inchoata. At Segouia, quia Ciuium quidam plurimum, auctoritate pollentes non sinebant comparari necessariam gymnasio domum, & præceptorem publicè conduxerant, quo ostenderent alijs sibi doctoribus opus non esse, scholæ sublatæ sunt: ne collata in iuitos beneficia pro maleficijs, & obsequia pro contentionibus haberentur. Academia Salmaticensis Collegium Societatis in suum corpus, velut membrum, cooptauit, additâ exceptione, ne quid contra instituta Ordinis committeretur. Hueta, atque Oropesa in Tolestanâ prouinciâ nouis Collegijs initium factum. In Concheni diœcesi non ignobile oppidum Hueta est. Iam indè ab anno millesimo quingentesimo quinquagesimo primo Doctoris Ioannis Ramirij non dum in Societatem allecti, apostolicis excitata laboribus, contubernium apud se nostrorum hominum expeterat, per quos perpetuò exercerentur, quæ tractare ipsum in tempus videbat. Quam cupiditatem quidam è Clero, qui, Ramirij eiusdem suasu, Complutum ad exercitationes spirituales adierant, in Patriam regressi, multò acriùs, ac latius incenderunt: sed defuit optatis potiundi facultas, donec eam sapientiâ, ac bonitate suâ Deus ita subministravit. Anno millesimo quingentesimo quinquagesimo nono Petrus Ortitius iuuenis Huetensis dum Compluti studet, aggregatur Societati: in quo Patruus Stephanus Ortitius honoratus imprimis, ac locuples Sacerdos omnem posteritatis spem reposuerat. Is, vbi tam diuersam consilijs suis initam à Petro viam cognovit; vehementer dolens, missò fideli nuntio, nihil omisit, quo reuocare ad se iuuenem posset: etiam atque etiam admonitum, seu clericalem militiam, seu popularem rationem mallet; facturum se, vt

125
Bransbergensis
Collegij status
optimus.

126
Pater Philip-
pus Vidmantia-
dius Collegio
præficitur.

127
Gedani, & El-
bingæ quo lo-
co Religio.

128
Posnanië Col-
legium recipi-
tur.

129
Res Hispaniæ.

130
Segouiz scho-
la iublatæ.

131
Huetae Colle-
giū inchoatur.

132
Petri Ortiti ey-
ronis firmitas.

se, vt nec opima sacerdotia, nec patrimonium abundans desideraret. Quæ omnia, cùm tyro Christi, qui maiores in opprobrio Crucis honores, atque diuitias degustarat, constanter repudiasset; Stephanus dum crudus fuit dolor, iram aduersus nos aluit: sed paulatim, diuinâ permulcente gratiâ, & sacerdotibus ijs, qui Societatem optabant, opportunè subijcentibus, quantò satius foret, quam destinarat filio fratris pecuniam, ignarus quo tandem modo absumentam, in Collegium conferre, vndè ipse, & cognati, & Ciuitas decus, & comodum sempiternum caperent: redditum enim ad ipsum in omnem posteritatem quicquid indè proficeretur; probato salutari consilio, accersitoque rurus Ioanne Ramirio, cum aliquot Socijs, seculi anno sexagesimo tertio, eorum consuetudine, & industria, cum Stephanus ipse, tum Ciuitas vniuersa prosecit plurimum. Tandem biennio post receptum à Borgiâ Collegium, & rebus paulatim explicatis, hoc demum anno senescente, missi sunt incolæ, Petri Seuillani ductu primi Rectoris. Vnica schola instituta est, in qua pueri elementarij literis imbuerentur: quæ postea, rogatu Ciuitatis, atque collatu in sumptus, in tres commutata est grammaticæ clasæ, magno oppidanæ iuuentutis, & circumpositæ bono. Iam pridem Ferdinandus quoquè Aluarus Toletus Oropœa Comes, vt Collegium suæ ditioni impetraret acriter decertabat. Amabat enim hunc Ordinem impensissimè, & popularium suorum nihil minùs studebat salutem. Ad hæc Franciscus Toletus eius frater iam indè ex eo tempore, quo cum Carolo Quinto in Germaniâ fuerat, ex multis super eâ re disputationibus auditis, omnino apud animum suum statuerat, adolescentium Seminaria, vndè docti, piisque Ecclesiæ ministri proferrentur, præsentissimum esse remedium, siue curandis, seu certè leuandis laborantis seculi morbis. Ergo cùm Oropesæ, id genus alimentarios congregare ipse vellet adolescentes, Collegium, per quod instituerentur, dudum exoptans, cùm ad ordinanda exordia, tres Socios aliquot ante annis impetrasset, vbi Prorex in Peruuiam abijt, ita enixè postulauit, oravitque; vt quanquam in proximo generali conuentu reiectum negotium erat, iam nouæ locum repulsa nullum reliquerit. Quare missis hoc anno Collegis, ludoque aperto, amantissimi, ac religiosissimi Proceres, ingenti cum populi gratulatione, voti compotes facti sunt. Decimo septimo Kalendas Aprilis Franciscus Consaluius ex oppido Alesone Episcopatus Calagurritani oriundus, post exactos septemdecim religioso in cultu annos, & quinque postremos, in cruciatibus ex pectoris dolore grauissimis, tandem Compluti desitivuere. Ex Tyrocinio missus in Lusitaniam, cùm Grammaticam, magno discendentium ad mores, literasque bono, doceret, læsâ valetudine reuocatus Complutum est, nec tamen valetudini melius factum. Doctus erat latinè, grecè, hebraicè, humanasque, & diuinæ disciplinas optimè tenebat, sed eminebant celestium dona virtutum. Super cetera donum consilij, prudentiæque Sanctorum vulgo ferebatur illi inesse: vsque eo, vt Rector Complutensis, & Toletanus Prouincialis Francisci Consaluij grabatum sibi pro quodam oraculo esse, præcipuâque eius ope Prouinciam se, & Collegium regere confirmarent. Nec minor inerat vis siue de more domesticos exhortanti, siue priuatos conferenti sermones. Pauca verba, sed ponderis magni promebat. Quæ dona ex familiari cum Deo communicatione, qua vtebatur assidue, haud temerè censembar trahere. Ad Patrem enim luminum accedentes quid consequens est, nisi viluminentur, & incalecant? Quantum vis animi ex infirmitate corporis imprimere poterat, nunquam ab opere desistebat: & Tyronibus usque ad mortem suo conclavi instituendis præfuit. Nullum inter Religiosos vitium oderat peius, quæm quæ caritati fraternali dictis, factisue aduersarentur. Scommata, & quæ aliacumque, per exigua licet, vndè caritatis sapor hebetaretur, appellabat cudentes prunas, quæ exurerent animas. Cuius morbi si quæ vñquam initia in Tyronum quopiam deprehendisset; vindicabat seuerè, & protinus elidere conabatur. Obedientis aiebat esse, quicquid imperetur, totum vbiique esse. Sed viri patientia, cuius de promenda spatium amplissimum habuit, prorsus admir-

133
Oropœa Col-
legiū institui-
tur.

134
Patris Franci-
sci Cösaluijvir-
tutes, ac mors.

135
Consilium, at-
que prudentia

136
Verborū pon-
dus.

137
Religiōtæ cari-
tatis studium.

mirabilis memoratur. Tantam enim, inter acerrimos dolores corporis, hau-
riebat animo voluptatem, considerans eam esse Dei voluntatem, & ita sibi fie-
ri, quod placitum Deo esset; ut foras in terioꝝ lātitia emineret, occultarique
non posset. Mortis properandæ ea causa fuit. Feria quadragesimæ sextâ, qua
excitati Lazari historia legitur, sacro in uitante tempore, ad sacrificandum è lecto
surrexit. Sacro peracto dum scipionem, cui solebat inniti, inter prehenden-
dum è manibꝫ lapsum colligit, apoplexiâ percussus, paucis post horis expira-
uit. Prolixiori stadio Bartholomaeus Bustamantius, multarum gloriâ palmarum
nobilis, finem imposuit, quod & athleta iam clarus erat ingressus. Nam atate
iam maturâ, latinè, græcque doctus: item Philosophiæ, & Pontificij Iuris, &
Theologiae laureâ donatus, architecturâ quoquè præstans, ad hæc multo se-
culi limatus vsu, latèque notus ad Societatem accessit: cùmque se ad Franciscum
Borgiam (vt primâ horum annalium proditum parte est) contulisset; eum
vnice dilectum sibi comitem Borgia, & à consilijs adseuit. Arctius indè coniunctis
caritate animis, cognitisque vicissim, & auctis virtutibus, cùm in rectâ Tyz
ronum institutione penè omnia Franciscus poneret; Septimacense, quod pri-
mum Hispaniæ fuit, Tyrocinium condens, Bustamantium ei magistrum præ-
cit. Indè transflatus in Bæticam, non modò eam Prouinciam ipse multis admi-
nistrauit annos; sed prope fundauit, auxit certè vehementer, ac roborauit.
Eandem postea, cùm ex secundo generali conuentu reuersus ex Vrbe esset,
itemque Toletanam Visitator lustravit: donec ætate præcipiti, impetrata pú-
blicorum vacatione munerum, ad euangelizandum se per vrbes, & oppida,
quem laborem nunquam inter alias curas omiserat, totum contulit: Collegijs
interim, quæ ipse idem inchoarat perficiendis intentus. Ergo, ad Seguritanî
explicândâ exordia, cùm totam hyemem in aspero illo, & perfrigido cælo,
non leui cum valetudinis noxâ exegisset; rebus tandem compositis, Trigueroû
ineunte Junio venit, fastigium templo impositurus. Hic verò fessam annis, ærum-
nisque fragilitatem humanam, ita labor itineris aggrauavit; vt paucis post ad-
uentum diebus, magnis febris, & lateris dolore prosterneretur. Non sefellit
vigilem seruum Domini appropinquantis aduentus: & Triguereñibus conti-
nuò dixit, adesse se, vt ultimum apud eos spiritum exhalaret. Dicebat quoquè
per opportunè mortem adire, cùm eâ tempestate, procuratiōnis publicæ one-
ribus expedito, sine alieno incommodo vacaret mori. Grauissimè iam laborans
circumstantes hortabatur, vt de rebus diuinis assidue, nullo metu creandæ sibi
molestæ, loquerentur. Nam auditonibus ijs nequaquam fatigari se, verū le-
uari. Vbi perlatum est Sacrosanctum Viaticum, lecto tenèri nequit: sed, ve-
lū iuuentæ vegetus robore (adeo integra vigebat pietas, tantumque ex vita
presentiâ virium habuit) impetu exiliens, politis humi genibus, Dominum, &
Saluatorem suum, summâ & animi veneratione, & corporis, adoratum exce-
pit. Aliquot ante obitum horis, cùm vsum mentis ad cetera mali vis ademis-
set; visus est diuinitus ad diuina constantem retinuisse. Ita continenter, aptèque
vel Psalmos, vel salutationem Angelicam pronunciabat, pollice dexteræ, salu-
tarisque digito, pro multo vsu, ita coniunctis, tanquam globulos rosarij ad nu-
merandas preculas pertractaret. Tertiâ ante meridiem horâ, undecimo Kalen-
das Iulias septuagenarius, plenus dierum bonorum decessit. Populus frequens
in templum conuenerat, quemadmodum haberet, & num quicquam spei reli-
quum esset, studio cognoscendi. Qui, vbi ex improviso Sacerdos cum apparatu
funebri sacrificaturus apparuit, intellectâ indè Patris morte, in ploratuin, ac
lamentationem miserabilem versus est. Magnum, & Sanctum virum, ac suum
præcipuâ caritate parentem vulgo amissum querebantur. Haud ferè alius com-
pluribus Hispaniæ, præsertim Bæticæ, populis fuit doloris sensus. Quippe eâ
erat virtute, vt, apud quos fuisset, eorum apertos Deo, sibi, Societati arctissi-
mè copularet. Optimi vbique exempli, prudentiæ excellentis: animi constan-
tiæ nec laboribus unquam, nec annis, nec morbis fractæ. Sobrietatem religio-
sam, & consueta sua ieiunia ad extremum vsque non modò intermisit nun-
quam;

137
Bartholomæ
Bustamantij e-
gregia facta
virtutes, & fi-
nis.138
Bartholomæ
Bustamantij e-
gregia facta
virtutes, & fi-
nis.139
Primus in Hi-
spania Nouitor
magister140
Secundus Bæ-
ticæ Prouincia
lis.141
Visitator eius-
dem, ac Toleti.142
Morbis deam.143
Sacrum Viati-
cum in igni pie-
cate excipit.144
In deliratione
morbis unquam
meas à diuina
declinat.145
Populi existi-
matio.

- 146 Abstinentia, ac pietas.
- 147 Peculiare studium in Euchristiam.
- 148 Erga Deiparā te, atque alios afficit.
- 149 Fallaciā seculi quām deploret.
- 150 Zelus boai pūblici.
- 151 Bona initia pōni curabat.
- 152 In Floridam mitti depositit.
- 153 Collegiū per eā constituta.
- 154 Quāe ceneret seruāda ad Collegia cōdenda
- quam; sed ne de summo quidem rigore in ciborum delectu quicquam remisit. Preces Sacerdotalis officij, quandocumque facultas suppeditauit, coram Sanctissimo Eucharistiæ sacramento, deque genū semper exegit. Eodem modo ibidem quotidie tres ipsas Rosarij partes in laudem Deiparæ absolvebat. Peculiari etenim studio ad diuinissimum Eucharistiæ mysterium bonus immensibenefficij, thesaurique existimator afficiebatur: ac Reginæ coeli obsequijs mirè erat addictus: cuius in honorem, quicunque se locus officeret, excitabat homines, & instituebat ad Rosarij obeundas preces, præsertim cum inter viam in agricultas, aut pastores incidisset. Diu exoptarat formulam precandi nasci, qua Virginis ab ipsāmet Virgine obseruantiam postulareret: tandemque Sanctum Bonaventuram huiusmodi quadam vsum cum inuenisset (Dulcissimè Domine IESV, dignare me infimum omnium peccatorum sacratissimam Virginem Mariam matri tuæ reverentiam debitam exhibere. Et tu, clementissima Dominæ mea, mihi indignissimo peccatori impetrata, ut perfectè sim tuæ deditus servituti, & tibi omni tempore obsequar purâ mente: ac deuoto corde continuo tuæ benignitati assitam) hanc & ipse latus arripuit, ac sapientissimè usurpans ceteris auctor erat, ut frequentarent. Nec dubium, quin vberrimos ex hoc cultu perceperit fructus: inter quos, & illa quoquè prope Conimbricam tutela, cum per præcipitia vna cum iumento, cui insidebat, ruens, haud dubio miraculo, in abrupta rupe stetit in columis, ponere debet. Nam & tum maximè, cum ex angustâ semitâ fallentibus vestigijs volutari in præceps iumentum coepit, salutandæ Virginis intentus agebat. Quoniam satis vtrumque cum seculi, tum Christi Domini seruitum expertus erat, rerum vitæ huius, quarum studio mortales insaniunt, vilitatem altissimè penetrarat: ac si quando de hac fallaciâ sermo nasceretur, vehementi solebat cum gemitu erumpere: Quid tot Proceribus, quid tot Principibus, quos ego ipse vidi, auctum est? Ego Carolum Quintum tantâ cum maiestate. Ego hos, illosque Dynastas noui, quos videbatur ne ipsa quidem mors adire proprius ausura. Ego tot Pontifices, Cardinales, Antissites, Doctores, Concionatores celeberrimos, atque eminentissimos noui, & iam non sunt. Perijt memoria eorum cum sonitu. Hosque inter sermones incendebatur usque eo, & commouebatur; ut singultiens, ac flens vbertim interclusâ voce eriperet se de medio, & fugâ in cubiculum abderet, acres ad seculi contemptum in auditorum, ac spectatorum animis relinquentes aculeos. Vt erat impiger, industrius, & ardētissimæ caritatis, genus operæ nullum recusabat, vnde commoda publica iuarentur. Si suo tamen permisus esset arbitrio; vel pueros prima elementa literarum docendos, vel Nouitios Societatis instituendos suscepisset. Tantum existimat interesse quemadmodum initia ponentur. Ob eam rem puerilem catechesim omni loco, ac tempore pro virili prouexit, conditis etiam vernaculo rythmo versiculis, per quos teneræ mentes religionis semina, cum cantus illecebraw, iucundiùs acciperent. Annum iam sexagesimum septimum agens, oblatâ spe numerosâ ad fidem conuersionis, in Floridâ nuper Hispano imperio adiungi cæptâ; summis votis eam expeditiōnem depoposcit: peritiam tam longâ ætate collectam in Euangelij fundamentis recte ibi ponendis, optimè dicens collocatum iri: idque faciebat in orbis eo tractu idcirco libentiis; quod minimè illic agendum cum Europæis foret: ex quibus, quod fermè pecunia lucra sectarentur, longè occupatio maior, quam solidus animarum fructus rediret. Prudentiâ viri, ac pietate compertâ Lainius monuit, vt propagandæ Societati, nouisque instituendis, Collegijs daret operam: velut præ sagiens non infelicem euentum. Nam Triguerum, Caraucam, postrem Seguram, & magnâ ex parte Gades colonias ipse duxit, ac multa interim obseruauit ei curæ accommodata: quæ non alienum fuerit delibare. Ante omnia dicebat ad id opus propagandæ familiæ requiri homines, qui animarum ministerio plurimum, at pecunia negotia minimum trahent. Quippe Numini curæ esse operarios suos, ut quamdiu muneri suo ipsi non defunt, nihil deesse illis patiatur. Proinde minimè ingerendam apud Collegij molitores redditum

dituum mentionem : sed consuetis erga Ciues officijs strenuè , ac fideliter immo-
randum . Si sermonem ipsimet auctores inferant ; simpliciter indicandum quis
in quoque domicilio religiosorum numerus legitimus sit : eosque comiter ad-
monendos , ut animaduertant num ipsorum facultas alendo sit ei numero . Quod
hac moderatione suggestur excipi libenter , amicèque , velut à fideli consilia-
rio profectum , non tanquam ab negotiatore , aut parte aduersâ , quæ suspecta
meritò haberi queat . Hac ipse simplicitate sapienter vtens , quæ hoc in gene-
re tractauit , sine contentione , strepitique transegit . Eaque modestia , atque
prudentia amabili quasi escâ , ita infimorum æquè , ac summorum animi capie-
bantur ; vt Ioannes Villaregij Dominus ad Patrem Borgiam scriperit , videri
Deum , vt quibusdam Sanctis ; ita Bustamantio , non tantum ostendisse quid ,
sed etiam quemadmodum agi deberet . Et planè visus interdum est Deus , tum
suggeſſiſſe viro consilia , tum mirabiliter comprobasse . Narrabat dux Methym-
na Sidoniac Alfonſus Petrius Gusmanus , cuius in ditione erant cetariæ nobiles ,
ac fructuosa ſupra Gades , Bustamantium inter pifcatum Thymnorum ex Co-
mitem Nieblæ (mater erat Duciſ ipsius) precatum , vt quoniam ſubiectis ei po-
pulis proſuturum Trigueri Collegium parabatur , ſymbolam & ipſe ſuam con-
ferret , aureos mille : qui tribus pensionibus , quod minori incommodo præbe-
rentur . Cumque Comes primò excuſaſſet eius anni extra modum malignam
capturam , cuius iam tempus prope totum exierat , deinde bonitate Patris , &
preſtio operis compulſa , non modò , quæ petebatur , ſummam , ſed & ſemel to-
tam continuo edita ſygraphâ præbuſſet ; Bustamantium ad eam benignita-
tem , velut diuinitus iſtinctum dixiſſe : Atqui ſcito , quoniam ita liberalis Deo
es , iſum tibi hoc eodem anno centuplum redditurum . Ac protinus eueniſſe
rem , & prioribus , & posterioribus annis inauditam . Paucissimis , qui residui
erant apti capturæ , diebus , adeo exuberaffe prædam ; vt centies mille aureorum
nummum , detractis impendijs , lucri ſit factum . Quod pro miraculo celebraſſe
Dominos , & memoriam ſuis codicibus conſignaſſe . Porro Bustamantius , vt ad
negotij inchoandi modetiam regendi , prouehendique ſolertiaſ adiungebat ;
ſic apponebat utriſque perficiendi conſtantiam : quod vel nouiſſimum oſtendit
Seguritanum incepſum : cuius perficiendi gratia , tantâ cum valetudinis iniuriâ ,
aduerfiffimo tempore anni , loco ſibi infeſto perfeuerauit . Collegiorum dotes
laudabat maximè , in quas publicè nihil Ciuitates conſeruent : qualis erat Caraua-
censis . Quicquid enim Reipublicæ nomine , publicoque conſilio detur , cùm
adeo multi communib⁹ deliberaſionib⁹ interſint , tamque frequenter magi-
ſtratus mutentur ; maioriſ non raroſ ſtrepitūs , & contentionis , atque adeo in-
uidiæ , quam emolumenti rem eſſe . Ab minutis familijs instituendis animum
valde alienum gerebat : quod in ijs ratio disciplinæ domeſtice , in qua plurimum
reponebat , ſuſtineri ægerimè poſſet . Qua tamen in re condita ab ipſo Colle-
gia intuenti videri poterit ſecum pugnaſſe . Ita nimirum comparatum eſt , vt
quæ quisque traçat , vel exigua neget , vel putet in ijs exceptionis inefſe cauſas :
ſicut his locis populorum neceſſitas , & magnitudo publici profectus Bustaman-
tio perſuadebat . De cetero ne illud quidem probabat , quodquam præmitti Col-
legij partem , dum domicilium , ac necessarij reditus toti Collegio compararen-
tur : quod Fundatorum ex nimiâ cum pauculis illis conſuetudine , quamvis nil
videant praui exempli , tamen quia non eum , quem in iuſtiſ familijs mirari con-
ſueuerunt , agnoscunt ordinem ; velut expectatione eluſā , ſtudium ex facili in-
teſcat . Si Ciuitas eiusmodi eſſet , vnde non mediocres animarum fruges , &
olim Collegij incrementum expectari liceret ; quamvis principiō dos modica-
offeretur , neutiquam prætermittendam exiſtimabat . Faciliores enim in eius
modi Ciuitate ab tenui ortu ad conuenientem modum processus , quam alibi à
magno fore . In administratione Societatis fidem prope ſuperat , quantum cupe-
ret , ſtuleretque conſtitutiones vigere , integrèque feruari . Quod in hominē ,
qui tantæ ætatis , tamque multa expertus hanc arripuerat diſciplinam , tantum-
que pollebat ingenio ad architectandas per ſe viuendi formas , multò eſt com-

Hist. Soc. Iefu Tom. 3.

Cc men-

155
Mira in agen-
do dexteritas .156
Divinacius pre-
dictio .157
Collegiorū dōl-
tes malebat nō
tribui à Ciuita-
tibus .158
Minuta Colle-
gia nolebarin-
ſtui .159
Neque præ-
mitti partem
familie ante
Collegia benè
inſtituta .160
Conſtitutiones
quam cuperet
in Societate
vigere .

161

Nouorum præsidum vitium est noua moliri.

162

Ex probis Recloribus dormorum probitatis penderat.

163

Qualem ipsaxim administratio formam probaret.

164

Pro Collegio Romano vel vendi se cipiebat.

165

Visitatores crebros vbi necesariorum putaret.

166

Eiusdem obedientia in signis.

167

Conuersatorum Dynastis sine diminutione virtutis lug & magno alacritate profectu.

168

Agentes cum proxinis sine velut adamantinum signum, non sicut cera.

169

Lusitanæ res.

mendatius: eò etiam magis; quòd talium solent opīniones, moresque in figuram suam induuisse. At ille recentium Præsidum, maximèque iuniorum, communem esse morbum aiebat, aliquid, noui moliri, quod quodammodo pro iudicio, ac testimonio foret, ipsos esse cum potestate. Sæpe habebat in ore. Provincialium operam in eo potissimum versari, impendique debere, vt rectè insituant, ac forment Rectores. His probè excultis, totam domum haud magno negotiō compositum iri: sin autem secus fiat, vbi quid in superiore desideretur, nec magnum, nec stabile esse, quod cum inferiore proficitur. Negabat Religioso clavo idoneos, quorum domestica vita, ceteraque virtutes apud subiectos sustinere non possent auctoritatē exempli, dolens se se iam per ætatem, ac valitudinem minus præstare, quam vellet: quanquam re ipsā vel robusto, valente iuueni anteiret. Solitus etiam dicere tum maximè sibi, cùm, iam adeo haberet propinquam mortem, cœlum verò adeo procul, duplicandum esse cursum. Cùm verò tantā se ipse primū severitate acciperet, tum ita conniteretur, vt disciplinam ad regulas, & constitutiones vbiique accommodaret, vigebat vbi- que sub eo, florebatque religio: nec spatio quinque annorum, vt idem obseruauit, vnu quisquam è Prouincia Bæticā, se præside, ab Societate discessit. Nec verò austeritatem amabat fastidiosam, ac tristem, quæ interdum animo virtutibus vacuo extrinsecus inducta velat vicia magis, quam sanat: sed maximè probabat solidam animi virtutem, quam exterior cultus non horridam, sed amabilem ficeret: scriptisque ad Patrem Borgiam, cui semper (vt dictum est) carissimus, & maximè auctoritatis fuit, vt præfuturos per Prouincias Nouitijs, aliosque id genus homines Romæ, vbi spiritum hunc integerrimum seruari cognorat, aliquandiū curaret Societatis moribus imbuendos. Collegium Romanum, quod commune semper, & vniuersale vocabat, sic habebat in pretio, tantique ad rem catholicam ducebat momenti; vt non solum in eorum temporum angustijs adiumenta vnde cumque vigil conquereret, verum etiam profiteretur libenter operam, libertatemque suam Saracenis, si quid id valeret, eius iuuandi gratia venditurum: toto in orbe Christiano nullum, se quidem iudice, esse pium opus affirmans largitate piorum dignius. In Hispaniā, & id genus longinquis Prouincijs sumini necessarios arbitrabatur frequentes Visitatores, ad coniunctionem membrorum, & capitis: per quos super alia doceretur accuratiū Generis quid quaque in causā esset, ne quando Præsidum quisquam considereret per literas quæcumque vellet probaturum: neu tenaciū suis adhaereret inuentis, sed missa ab Vrbē decreta, cum fide omnes, curāque seruarent. Hæc, aliaque vir prudentissimus cùm ad Patrem Borgiam, pro veteri familiaritate, vsuque scriberet; vbi parendum ipsi foret, nihil per se posse excogitare dixisse, nihil nisi ad parendum natum. Adeo iussa non modo sine hæsitatione, sed & alacriter excipiebat, & solertia vires ed conferebat omnes, vt effecta quamaptissimè daret. Primam videlicet, ac summam religiosi viri prudentiam in eo verti intelligebat cardine: oportere inferiorem prudentiæ suæ diffidere, & ad nutum fingi superioris. Ita enim profecto est: cuius obedientia labat, is, quantumuis oculatus sit, in religiosâ republicâ nihil videt. Illud postremò in magni huius viri laudibus numeratur, cùm siue pro sui munéris vnu, siue ad animarum auxilia minimè infrequens apud Dynastas, & magnas potestates ageret, etiam apud omnes gratiā, & auctoritate polleret, multum illis suæ bonitatis indidisse, nihil de illorum ambitione traxisse. Erat quippe non ceræ similis, vt apud Cassianum de iusti mente disputat Abbas Theodosius, quæ characteri signantium cedens, pro eius formâ, atque imagine figuratur: sed, velut adamantinum signum, quod suam inuolabilem semper figuram custodiens in eam vniuersa, quæ sibi incurrent, transformaret.

Olisippone restitutâ cœli salubritate, restituta quoquè sunt ordinaria pietatis aduersus proximos munia: ac præcipue explicata est caritas in adiuuandâ multitudine, quam post mala pestilentiae, vt fit, penuria rerum oppressit. Eboræ Regis, & Cardinalis, Regiæque domus præclara edita sunt erga Socios indulgen-

dulgentiaæ documenta : & Socij tum domi exercuerunt feruidè pietatem , tum cunctâ in Ciuitate , tum denique in multis circa Oppidis . Eâ familiaritate Cardinalis , eâque religione versatus est in Collegio , non modò ut ab ceteris religio- forum pijs actionibus non abesset ; verùm etiam vnâ cum ijs conueniret frequen- ter in locum voluntarijs flagris destinatum , se pariter ipse diuerberans . Extre- mum sub annum Georgius Serranus in Provincialatu Leoni Henrico successit , liberato tum quodd tempus explerat , tum vt Cardinalis confessionibus vaca- ret : quod ipsumer per literas enixè flagitanti Cardinali , Borgia ita concesse- rat ; vt inter Socios Leo , non in aulâ sedem haberet . Iam pridem pariter cum Societatis muneribus id Leo tractabat muneris : verùm iam Cardinalis per at- tem infirmior hominem expeditum optauerat : cuius sententiam in consciencie suborientibus in singula prope momenta causis perobscurus , & gratibus , in- terrogare securus sub manu posset . Huius principio anni Sebastianus Rex Col- legijs , quæ iam pridem impetrarat , Angrensi , & Funcialensi perpetuum vecti- gal attribuit : pauloq post in vtrumque Collegæ missi duodecim : terni Sacer- dotes , totidem domestici vsus administrati , reliqui literas percepturi . Sacerdo- tes Angram profecti Ludouicus Vasconcellus Rector , idemque moralium quæ- stionum interpres , Balthassar Barreria , & Petrus Gomius Ecclesiastæ : sed si- mul cum his muneribus alia omnes omnia conaturi . Angra princeps est vrbs in modico sinu Insulæ Tertiæ . Hæc vna est Insularum nouem , quæ & Arfores , & communicato ex eâ , quam diximus , nomine , Tertiæ nuncupantur , & Flandricæ interdum : quodd à mercatoribus Belgis , dum Olisipponem peterent , longius in altum auctis , anno salutis humanæ supra mille , & quadringentos vndequin- quagesimo inuentas ferunt . Rectâ regione ab Lusitanâ in occidentem nauigan- tibus , post leucas ducentas quinquaginta (quidam trecentas numerant) occur- runt , ab æquatore in Septentriones partes quadraginta sublatae . Indigebant maximè culturâ : & Lusitani Reges , vt rectores perpetui , atque procuratores ordinis Equitum Christi , decimis earum , concessu Romani Pontificis , frueban- tur . Indè consilium , quod à conscientiâ vocant , quarente Sebastiano , vt pri- mūm gubernacula regni cœpit , quid officij ab se præstari eâ gratiâ oporteret , in- troducendum Societatis Collegium censuit . Nunquam ad id loci Societas in- eas Insulas , quanquam tentatâ sèpius nauigatione , tenére cursum potuerat . Tan- dem hoc anno pridie Idus Maias , qui dies in Pentecosten incidit , destinati Col- legiæ , cùm Olispone concendissent , quanquam non sine iactatione , ac pericu- lis , tamen Sancto afflante Spiritu , sospites in Portum Angrensem Kalendis Iu- nijs inuecti sunt : omnium ordinum summâ lætitia , & gratulatione excepti . Ci- uitatis apparatam illico scapham ad ipsam nauim , vndè educti in littus deporta- rentur , officiosè misit : in qua regius Prætor , & quidam Magistratum , & alij Primorum honorificè occurrerunt . Episcopus , cum Vicario , & Clero , inge- nitiq populo præstolabatur in littore , ac descendentes , inter hilarem tormen- torum strepitum , & communem gratulationem , benignissimo amplexu lætus exceptit : continuoq ad gratias Deo agendas , & optima precanda auspicia in- Deipara ædem deductos , in hospitium introduxit . Sed nemo vnis maiore stu- dio , & liberalitate nouam coloniam firmandam , ornandamque suscepit , quæ Ciuis quidam ceterorum Ciuium longè primus . Is , præter cetera , quæ conti- nenter adiecit , commodauit primò , deinde dono dedit , opportuno situ , aedes cum horto , & ædiculâ quoquè sacrâ . Ciuitas optionem liberam suminâ beni- ginitate fecit , sedem , vbi maximè arrisisset , metandæ . Sed Patres , Ciuis dono contenti , voluntatem publicam pro re acceperunt . Munera quoquè sua con- tinuò exorsi in ædiculâ domesticâ , in principe templo , & misericordia , læto- rem in dies aduentum Ciuitati fecerunt suum . Erant vulgo deprauatissimi mo- res : Sacramentorum sepultus thesaurus : iniustis compendijs , & inimicitijs irre- titia omnia . His , & ceteris morbis allatum paulatim remedium . Magnus pe- cunia numerus per iniquitatem auersæ , reuolutus ad Dominos : diuinorum my- steriorum publicatae opes , cum profectu incomparabili morum , vulgo iam cum

Hist. Soc. Iesu Tom. 3.

Cc 2

lætitia

170
Cardinalis cù
Nostris reli-
gioſa confue-
tudo .

171
Angrensis Col-
legij exordia .

172
Eiusdem Col-
legij condon-
di causa .

173
Ciuium erga
Nostræ beni-
ginitas .

174
Insignis per
Socios anima-
rum profectus

lætitia celebrante, nunc primùm Christianam speciem Angræ cerni. Confessionum generalium vix ad id loci fando auditarum, vbi necessitas explicata est, & degustatus experiendo fructus, nemo fermè erat, qui pacare conscientiam nisi per eas posset. Duo illa ad communem multorum, & mansuram utilitatem pertinuerunt. Primùm coactæ vnum in angulum, quæ sparsim degebant lupæ: vt vel loci infamia, & intuentum adeentes oculi à flagitijs cohíberent. Deinde Custodijs extructo in conspectu Sacello, additoque presbytero, spectandi sacri facultas oblata. Ceterūm præstantissimum initio editorum Angræ operum existimatum est dissidiorum, atque odiorum extinctio. Alterā, quæ habita concio est, septem resartæ amicitiae, ac deinceps aliæ, atque aliæ, multis vi tro ab concione protinus ad pedes inuicem accidentibus, & rogantibus veniam. Ad catechesim, quæ diu singulis diebus est habita, non puerorum maior, quæ aliarum ætatum celebritas visebatur: cantiunculæ piæ mirum quantum teneriorem affecerunt ætatem: quas cùm arripiuissent, passim, vice profanarum, per lucem, ac tenebras cantitabant. Idque regio Prætori ita placuit, vt editio quo què vetuerit alia concini, quo sanctus ille mos penitus prauum extruderet. Duæ institutæ literariæ classes ornatissimo, & commendatissimo exordio autumni initio: paulòque post quarto Idus Nouembri obiit Franciscus Bernardius nondum Tyrocinio absoluto, veteranæ virtutis frater, sedulus Marthæ operum minister, spectabilis modestia, humilis, obediens, precum amicus: denique iam dignus domicilio emeritorum: cuius ad sepulchrum vetulæ precatum itare cuperunt. Episcopus quoquè amantissimus, & animi in Collegium verè paterni, cui ex bibliothecâ instruictissimâ, quam ex peculio suo parauerat, magnam librorum portionem testamento reliquit, sub idem tempus dececessit: eo latior, quod & iam Collegium Angræ vidisset, relinquereque, & suprema erga se Patrum officia cum fide, ac studio dies, ac noctes experiretur. Nouem, quas diximus, Insularum maxima est, cui ab Sancto Michaële nomen: nec opibus cedit Tertiæ, quanquam portus illam, & commercij opportunitas clariorem fererunt. Sed hanc naturæ etiam miracula nobilitant. Dislat ab Tertiâ leucistriginta. Insulanos iam olim Collegij desiderio captos rerum, quas Angræ fieri audierant, secunda fama vehe mentius flammauit. Itaque missus eò per Autumnum Petrus Gomius, cùm bis sacro quoquè die ad concessionem diceret; non modò cupidissimè auditus est, sed & obrutus pœnitentium quotidiano concusso: sic distributis temporibus, vt antemeridianum fæminis, pomeridianum ad multam noctem viris impenderet. Et apparebat verè rem, atque ex animo agi: adeo quorum grauissimè animi ægrotabant, primi ad medicum properabant. Itaque & ibi insociabiles ante paces composita, & perperam parta recte redhibita, & ex longo retextæ confessions, putriæque conscientiarum, & inueterata vulnera ad sanitatem producta: & carceri sacrificium ibi quoquè prouisum: & egestati miserorum benignè consultum: & alia gesta, quæ nouam rerum fi ciem induxerunt. Inter hæc, quanquam vix otium ad respirandum dabatur impigro Sacerdoti; tamen ad collaudandam Procreatoris inæstimabilem potentiam, quædam Insulæ miraculorum inspexit. Vedit caminos duos, qui dies, noctesque globos ingentes sumi eructabant: propè quos lapis effodiebatur, vnde alumén siebat. Vedit excelsum montem, cuius è vertice igneus torrens effusus longo tractu fluxit, adustam materiam torquens, ferrariarum officinarum scoriæ similem, permanente adhuc limite, quacumque occurrit. Quod flumen antequam erumperet, tantum cineris (vt è Vesuvio olim) egestum est, ac deuolutum in mare; vt spatij non parum mari semoto ad aridam adiunixerit. Hiatus alibi terræ vidit, per quos euadente fumo, fragor intus audiebatur, ex imo spirantium ignium, non secus atque si vehementi follium spiritu cierentur. Haud procul os patet halitu hominibus innoxio, mortifero belluis. Vedit, & in planitiæ non magnâ fontes aliquot inter se mirè dissimiles. Calidas quidam habebant aquas immisæ manui tolerandas: alius omnino feruentes, itaque æstuantes, vt bullis maximis intumesceret: alius viginem habebat vrentem. His ab exordijs Angrense Colle-

175
Franciscus Bernardius pri-
mus Angræ de
Societate mor-
tuus.

176
P. Petri Gomii
labores in In-
sula S. Michaë-
lis.

177
Huius Insulae
mira.

Collegium magno non modò Tertiæ, sed circum quoquè positarum bono Insularum deinceps profecit: ac proximo quidem anno, qualem supra in Italia descriptimus, terror iuuit diuinum opus. Contremuit cuncta Insula motibus post hominum memoriam immanissimis, & creberrimis. Fuit cùm uno die decies octies mouit. Nec verò labascens dumtaxat solum mortales exanimabat; sed insuper verebantur, ne, quod in Sancti Michaëlis, aliisque Insula factum nouerant, ruptis cauernis, alicunde flammarum se se torrentes ejicerent, quibus omnes inuolerentur. Notabile enim verò humanæ imbecillitatis documentum, in medijs oceani aquis vltimum ab terrâ, & igne discriben. Ergo attiniti in agros effundebantur: sed ante ad confessarios festinabant ita confertim; moraque impatiens; vt, occupato à prioribus loco, longius affusi inceptarent clarâ voce peccatorum enarrationem, & à Patribus, quin peragerent, agrè cohiberentur. Hæc Angræ dum fiunt, Funciale neque minus laborum, atque industria, neque fermè felicitas nisi vnâ re dispar fuit. Eò gratior Insulanis Societas venit, quod miseriore vtebatur fortunâ, paucis ante annis à Prædonibus Gallis foedissimè deuastatâ Insulâ, ac direptâ: vt quidam fortunatam iam dicerent iacturam illam, quæ noui huius auxilij caufam accelerandi dedisset. Memoria etiam vigebat rerum à Patribus post deuastationem missis ad communem omnium solatium, ac leuamentum gestarum. Eò etiam Sacerdotum fidele præsidium id loci magis necessarium erat, quod quamvis non magna Insula sit; magno tamen commercio ab Italîs, Hispanisque, & Belgis, & Gallis, aliisque nationibus celebratur: vt non solum integritas morum, sed & religionis castitas munimentum desideraret. Quin eo ipso tempore hæreticus è Rupellâ venena furtim spargebat: qui ad Collegij aduentum desperato successu, Olisipone, quo fugerat, captus, meritas dedit poenias. Distat Insula hæc ab Lusitanâ, flexo inter diem secundum Africæ oram per Athlanticum oceanum cursu, leuis centrum quinquaginta, supra æquatorem duas, & triginta partes, priscis mortali bus haud dubie, cùm Fortunatas norint, ante quas sita est, minimè ignorata, & ijsdem fortassis adnumerata: cum quidem adeo beatum nomen, siue feracitate multipli ci, siue præstantiâ fructuum earum nulli magis conueniat: sed, quæ rerum humanarum alternatio est; pariter cum Romani Imperij occasu intermissâ oceani nauigatione diu latuit. Quoad seculi proximi anno vigesimo reperita, indè nomen accepit, quod totam cùm sylua occupassent, materiâ scilicet abundabat. Itaque igne subdito septem annis tenuisse incendium ferunt, eaque ratione culturæ apertam, adeo felici gremio mandata excepisse semina; vt multis deinceps annis in sexagesimam frugem multiplicata reddiderit. Quanquam & indè conueniat à materiâ nomen, quod ingentem cedrorum ingentium copiam educet: vndè arcæ, & alia pretij non vulgaris elaborata, latè per terras omnes deferuntur. Cumulat porro soli felicitatem indoles bona gentis, in omnia sequax quæcumque ducatur, & omnium capax artium honestarum, maximè pietatis, si duces, magistrique non desint: quo maius, & ei beneficium à Collegio accidit, & paratiorem facri coloni segetem inuenerunt. Septimo Idus Martias cum Socijs nouem Olisippone soluerunt Sacerdotes Emmanuel Segueria, Collegio idem, & concionibus præfuturus, Petrus Coresma recti, prauique difficultates explanaturus, Melchior Ohueria commune cum alijs munus propriè tractatus Pœnitentiae Sacramentum. Nono die peruecti, antequam in urbem admitterentur, vsumque promiscuum, quod ab recenti venerant Olisippensis Iuis incendio, expiare contagionis periculum solenni secessu amanter iussi. Fatigatis nauigatione hospitibus ad instaurandas cum animi, tum corporis vires non importunè ea quies cecidit. Et quoniam primarius ciuus Hernandus Faucella excepit in suburbano suo in eâ regione sito, quam primam prædones hæretici occupabant, vt solent talibus initij notari omnia, conuenienter factum gens obseruauit, vt vndè vastitatem importantes aditum habuerant se statores errorum; indè sinceræ religionis magistri, ac defensores ingredierentur, pro virili omnia meliora facturi. Post quartum, & vigesimum diem intra moe-

Hist. Soc. Iesu Tom. 3.

Cc 3

nia

178
Terremotus in
Insula Tertiæ
animabus fatu
bris.

179
Funciale
Collegij ortus.

180
Quædam de
Materia Iulula.

181
Sociorum in
Materiam ad
uentus.

182
Eorundem ini-
bi fructus.

183
Aduersarium
hibeat Prae-
rem.

184
Res indicæ.

185
Feruor publi-
cæ mortifica-
tionum Goæ.

186
Prouincialis
Quadrrij exem-
pla.

187
Et Melchioris
Cænacij.

188
Aliorum seque-
lia.

nia recepti, perhonorificè in conductâ domo Collegium statuerunt, vbi duæ la-
tinitatis expositæ classes, & in proximâ Sancti Sebastiani æde, explicatio cæpta-
moralis Theologiae, maximo sacerdotalis ordinis leuamento. Nec moenium
ambitu contenta solertia; sed per pagos, & oppida peregrinationes apostolico
ritu obitæ, catechismique vbiique doctrina, & cantus inductus. Plurimum hic
operæ, & maximum pretium in confessionibus fuit: ad quas ex totâ Insulâ curre-
batur, & maxima pars populi reperiuit à primis annis: aduersus Patrum labo-
res, & caritatem obseruantia, benignitate, profectu, urbanis pariter, oppida-
nisque, & paganis certantibus. Deo laus, & gratia, qui & Sacerdotibus indu-
striam, & docile cor populo largitur. Ne tamen sincera esset vsquequaque læ-
titia; Insulæ Prætor, quem minimè suspicareris, effecit. Simon erat Consaluius,
Ludouici nostri, & Martini Consaluij frater, dissimillimus eis. Is ab initio statim
parùm sibi gratum Collegij aduentum haud obscurè significans, siue, vt vulgo
interpretabantur, quod talibus vitæ suæ spectatoribus, ac testibus nihil egeret,
siue quæ alia causa, vbiunque se locus obtulit, tum ne coemeretur certa sedes,
tum alibi, perpetuum se aduersarium præbuit. Nec verò eò solùm quod contra
agebat, Collegio incommodabat; sed multò magis, quod germanoram apud
Regem gratiâ fretum multa audere passim rumor ferebat. Vbi, quamvis culpa
Ludouicus vacaret, quis tamen multitudini eum satis vñquam purgaret, existi-
manti, si non corrigi per eum, at certè successorem accipere potuisse? Ita ex fra-
tre in fratrem, tum ex socio in Societatem permanabat inuidia. Ut famuli Dei,
quibus popularem alioqui gratiam, vt fieri solet, iniqua vexatio conciliare de-
buisset; extra omnem propè misericordiam, prout rarus est æquus rerum
existimator, sed magis exosi & suis premerentur, & alienis malis: omnia
luentes quæcumque vel in se, vel in alios amicus ille (nam & talis volebat videri)
peccasset.

Sed ab Oceani Insulis, quæ ad nauigationem Indicam tum aperiendam, tum
deinceps frequentandam plurimum habuere, habentque momenti, & noster in
Indiam pèrgat labor. Visitatoris Consalui Aluarij exemplis, ac monitis vehem en-
ter inflammata sunt in Goano Collegio Sociorum studia ad omnem perfæcta vir-
tutis conquisionem, præsertim ad sui contemptum, & proximorum caritatem.
Quaterni singulis hebdomadis publicum Ciuitatis Nosocomium, quod incurabi-
lium vocant, adire lauandi ægrotorum pedibus, sternendis lectis, sordibus pauci-
menti tergendis, alijsque eiusmodi officijs, adhæc catechismo explicando, &
confessionibus audiendis magna afferentes adiumenta & animis, & corporibus misero-
rum. Verum cùm publicè Visitator, antequam Goā discederet, domicilia ad mer-
diem posita inuisurus, omnes plurimum ad idem studium, quod mortificationis
dicimus, durandâ mollicie sensuum, inanibusque ignominiaë suspicionibus abolen-
dis, adhortatus esset; nimirum stimulos currentibus addidit. Antonius Qua-
drarius iam tot annis Prouincialis, exinde omnium primus positio pallio, tunica-
tus, nouitio comite, progressus in publicum, mancipia, & infimam plebem re-
ligionis docere sumمام occæpit, & ad christianum officium concionabundus
impellere, stupentibus ad id spectaculum, qui hominem norant: nemo autem
erat, qui ignoraret. At ille è triuio rectâ in Nosocomium pergens, admixtus non
ullis, qui præuerant collegarum; aggreditur vlerosorum pedes ablueret, sordi-
dissimum quemque, & secdissimis deformatum vleribus vendicans sibi: nec mi-
nus intra Collegij septa domesticos mouit, cùm omnibus viritim abieetus humi
in coenaculo pedes exosculatus, expedito ibidem flagello acriter in medio se fu-
cecidit. Geminus Melchiorem Nunnum, quanquam ætate, & valetudine
fractiorem incitabat spiritus. Itaque non modò pari habitu ad infimam erudien-
dam plebem itauit in vicis; sed cùm inopum, & ægrotorum turba vestimento-
rum penuria laboraret; cum aliquot comitibus, ad aliquid eius generis ostiatim
emendicandum egressus, ingenti ex benignè collatis onusflus sarcinâ per vias
gradiens, omnium ad se oculos, Deum in famulo laudantium vertit. Persimilis
ceteros primorum Patrum cùm haberet ardor; iuniores, vel verecundia im-
pulit,

pulit, ut quemadmodum robustiora gerebant corpora, ita duriora aggrederentur. Nihil penè cogitando fingi tam aut asperum, aut despicatum potest, quod nō votis excederent. Alij per urbem incedebant, baiulorum instar, sarcinis onerati. Alij, cùm seruilia in Nosocomio obirent ministeria, cibos dein sibi ostiatim emendicabant, vel, inter mendicorum greges, ad coenobiorum ianuas propalam vescebantur. Aegrorum alijs foeditissima amicula, & cunctam Nosocomij supellectilem linteum publicè purgaram in flumine. Hæc, & alia gemina horum, leuisima, & honestissima erant ex ijs, quæ certatim à moderatoribus flagitata nequaquam impetrabantur: sed neutri commodo carebant suo. Quippe, vt illi recte perebant, quia parentis ardor modum nescit in votis; ita hi recte negabant, quia prudentia imperantis modum requirit in factis. Ecce autem inexplicibili auditi par, ac vera materies. Goanæ urbis regionem vitiato aëre lues aggreditur. Præter ceteros minus incommodè affectos, circiter nongenti decubuerunt omni ope destituti. Quadrius quid Romæ, alibique Societas in eo calamitatum genere fecisset iam probè gnarus, ac memor, corrogatâ stipe, suscipiedum Collegio sanctum opus putauit. Commodum feriæ interuererant literarum, & Collegiæ iam centenariam prope summam explebant, vt tolerabile onus esset. Diuiditur tres in partes vitiata regio, sui cuique è Collegio Sacerdotes, itemque Sacerdotij expertes, ad animas curandas, & corpora attribuuntur. Pro se quisque viriliter labori admouent manum. Cùm permulti in sordido quopiam turgiolo, ne storeā quidem subiecta, qui vulgo ibi lectus est, humi iacerent, ipsi lectulos curabant, ipsi præparabant cibos, ac deferebant, ipsi aderant morientibus, & exequias faciebant mortuis, & humum effossâ foueâ postremum injiciebant. Initio medici, iisque Ethnici remedia præscribebant: quæ cùm nihil prodessent; Quadrius è Salfettis Petrum Alfonsum è Societate, magnâ virtute à Deo ad ægros curandos donatum, accersit. Cùmque medicum simul christianum, qui è tempestate Collegio medentium præferat, exorasset, vt ipse vellet miseros inuisere, quæ is medicamenta præscriberet, Petro Alfonso suâ manu confidendi negotium dedit. Indè cœpta multo pluribus vita seruari, & valetudo restitui. Duos menses, atque dimidium pius labor tenuit: nunquam, quamvis literariæ occupationes redissent, quoad usui fuit, intermissus: quem Deus ita propitus respexit, vt nemo quicquam indè morbi contraxerit. Iam verò, quod consequens est, vt se habilio a diuina prudentia instrumenta reddebat cœlestes operarij suæ quisque cultu virtutis; ita ad alendam, propagandamque pietatem alienam acrius, & fructuosius admouebantur. Goæ, atque in sedibus circumiectis terminille octingentos quadraginta ab Idolorum seruicio liberarunt. In Salfettis maximè profectum. Additum ibi nouum templum in Sancti Andreae patrocinio, in eoque Sacerdos cum Socio constitutus. Nonis Aprilis prima apparatu magnifico sacrosancta Hostia immolata. Goæ hoc anno, Sebastiani Regis iusu, laudatum illud consilium, quod mensam conscientiæ vocant, institutum est, præside Archiepiscopo: in quo quicquid ad Regis conscientiam pertineret, sedulò tractaretur. In eo consilio nominatim à Rege Quadrius adnumeratus est cum altero de Societate, qui ibidem Goæ deligeretur. Delectus est Melchior Nunius. Nec licuit in præsentia id muneris declinare: nec sanè è re publicâ videbatur, ne rei tam necessariæ, tamque utili nouis Indiarum Ecclesijs subtrahentibus operam suam, his, quibus Rex imposuerat, mora obijceretur. Iam prius optabatur, vt Ecclesijs ab Societate vel omnino conditas, vel magnopere auctas, quas eadem ad eam diem præter morem, legesque suas ob aliorum penuriam Sacerdotum administrarat, Archiepiscopus paulatim capesseret, perque Curiones ab se impositos procuraret. Huc ergo dum Visitator incumbit, impetratum est, vt ab suburbanâ Bazacini, pagique Maym Ecclesiâ regendâ liberaretur. Porro exercenda caritatis, quam Goæ valetudinis vitium, hanc in orâ Piscaria materiam annonæ grauitas præbuit. In id mortales angustiarum adacti, non modò vt multos miserrimè fames enecaret; sed etiam paissim filij à parentibus, ab viris vxores, fratres à fratribus venderentur: atque adeo se ipsos haud pauci pere-

189
Aegra Ciuitati in seruitum à Socijs.190
Petrus Alfon-
ius ad ægros
curandos vir-
ture donatus
huc à Salfettis
aduocatur.191
Nouum tem-
plum in Salset-
tis.192
Summa gentis
in opere in Ora
Piscaria con-
sultum.

perexiguâ mercedulâ manciparent. Quod incendium cùm latè Ethnicos inter, & Christianos fureret; Pater Henricus Henricius corrogatis ex locupletiorum liberalitate pecunijs, per varias Sodales loca dispositi: vbi, tanquam Xenodochijs institutis, inopi turbæ, quod satis foret trahendæ vitæ, & quidem alicubi quingenis quotidie diuidebant. Illud factum benè, quòd terrenarum frustratio messium vberem extulit cælestium frugum annonam. Ethnicorū complures rarae caritatis exemplo pellecti, & beneficio obstricti facilè ad baptisimū venerunt: multi inter agendam animam tesserâ patriæ beatæ donati, vt hinc digressis, illuc receptus pateret. Sed certissimus ille, & pulcherrimus fuit questus. Infantes, puerique non pauci, quorum deplorata iam erat salus, empti vilissimo pretio de parētibus ethnicis ad vitam æternam per balneum vitale transmissi. Pater Visitator, cùm ad hæc loca venisset, miseriariū immanitatem commotus; quòd aliunde non suppeteret, summam pecunia haud modicam olim alicunde extricandam, mutuam sumpsit, & contulit. Qui, quoniam caritas benigna, & patiens est, post exercitam benignitatem, etiam locum habuit exercenda patientiæ. Reduentem Meliaporā Ethnicus locorum præses, hac viâ Christianos sperans ad incendium oppidum, quod iniuitate domini fatigati deseruerant, reuocari posse, cum socijs captiuum abduxit: sed quinto die, post non pauca inflicta incommoda, inter minas frequentes necis, liberum, Lusitanorum territus metu, dimisit. Cocini ad septingentos baptizati: duæ nouæ conditæ Ecclesiæ: altera in Pago Palurti tribus pallium millibus admotâ Coccino, in Sancti Iacobi dedicatâ nomine: altera in regno Porcaënsi, decem circiter ab Coccino leucis: quanquam hic nō erant tranquillæ res. Consueti Molucas Insulas, atque adeo Dei Ecclesiam concussere motus. Rex Ternatinus, Caciles Aërius, qui tot per annos Lusitanorum opes, & rem christianam profundâ, dirâque simulatione attrierat, ab Lusitano homine manu prompto Martino Alfonso intersectus est. Spondebant indè sibi vulgo Europœ gentes, vafermo, potentissimoque proditore sublati, cursum rerum secundiorem: sed, vt sunt hominum consilia cæca, spesque fallaces; semen bellorum id facinus, ac tantum non summi exitij fons exitit. Quippe Ternatini, compertâ sui Regis nece, cum sponte, tum incitante Regis filio Babu, armis sumptis Lusitanorum arcem graui obsidione cinxerunt. Quæ pertinaci conatu producta, quanquam Consalvius Pereira ex Amboino, & Ioannes Regulus ex Bacciano auxilium tulerunt; nunquam tamen remissa est, donec propugnatores ad deditiōnem compulit, vti anno insequenti commemorabo. Hos inter tumultus necesse fuit Sacrorum Christi militum aduersus impietatem tendentium præclaros conatus infringi. Cùm interim, vbi otium stetit, egrexiæ in Bacciano floreret pietas, in Amboino regerminaret. Nec in Iaponiâ Meacentem Ecclesiam Niquisoxones Bonzius siuit tranquillam esse. Cùm anno superiore nullis machiniis aduersus Christianam legem quicquam profecisset; in Vatandonum, quo niti illa potissimum videbatur, impetum vertit. Aliquot sui similibus fraudulentis capitibus in sceleris Societatem assumptis, multa tanquam publicæ administrationis peccata à Vatandono commissa coaceruat: obseruatoq; tempore Nobunange malitiosè describens, hominem vehementer incendit. Itaque cùm ad Regnum Mini Vatandonus omnium earum fraudum ignarus Nobunangam salutarius pergeret; obuios habuit missos ab Rege equites cum acerbo nuntio: Vetusse Nobunangam ad ipsius conspectum admitti: atque adeo suis in Regnis hospitio excipi. Paulò post arcem quoquè Vatandoni iubet æquari solo, atque ex censu plus vicenum aureorum nummum annum vestigial auferret. Triumphare hinc Bonzius: insultare Ethnicorum superstitionissimi quique: iactare suorum Deorum vim, ac vigilantiam: qui hominem religioni bus nouis cum veterum iniuriâ fauitem meritis accepissent poenis. Contra Vatandonus admirabili constantiâ apud eos, qui super eâ re se compellarent, nihil dubitanter profitebatur, eam calamitatem grauem sibi non esse, quando Ludouicus operâ suâ Meaci inuolatus maneret. Id adeo iustum se existimare, tantique facere; vt non grauatè eâ gratiâ sit etiam fustuarium subiturus. Nec quicquam

193
Exhibitæ cari-
tatis fructus.

194
Visitatoris be-
nignitas, & pa-
tieatia.

195
Bella in Molu-
cis.

996
Res Iaponicæ.

197
Vatandoni ca-
lamitas quod
Christianis re-
bus fauere.

198
Evidem Con-
stata.

quicquam posse tam formidandum contingere, quod ab talis viri patrocinio aliquando abstrahat: quin potius si Pater ejiceretur; cum eo se se, posthabitis vxore, liberis, ac fortunis omnibus, abitum extorrem. Interim, Iaponum ritu, in calamitate, luctuque positorum, capillum, ac barbam radit: cumque eo prope ducenti. Ceterum nequaquam permisit verus ille mundi parens, ac Rector Deus longum impios suam frui malitiæ. Decem circiter post menses Nobunanga Meacum venit: ad quem salutandum, cum vnde Regulorum cursus ingens fieret; Vatandonus quoque ex arce sua Tacazzuqui, septem ferme ab urbe Meaco leucis adfuit. Quem vbi Niquoxones, alijque aduersarij conspexere; nihil expectabant aliud, quam ut Regis iussu capite plecteretur: sed omnino fecus euénit. Vatandono suam strenue agente causam, Nobunanga, cognitâ criminationum varietate, & miseratione emollitus: siue gaudens alienam pro libidine alternando fortunam exercere dominatum, siue eius indigena operâ, in bellum, quod ab Regni Auae Principibus imminebat: quem tam acerbè ante multauerat, pretiosâ ueste donatum, iussumque capillum, & barbam nutrire, amplioribus dignitatis, & vestigialium ornamentiis instructum, in pristinum gratia locum recepit. At improbus Niquoxones in exitium, quod immerentibus struxerat, merito suo prolapsum, apud Nobunangam grauissimum scelerum accusatus, & verbis ab eo in magnâ Procerum coronâ perquam-probrosis deformatus est, & ab omni publici muneri functione deiectus. Multa interim Ludouicus Almeida in Ximo Euangelij causâ pertulit. Cosmus ad omnium Iaponia tutamen Ecclesiarum, & progressum intentus, sub initium anni Almeidam ad Bungi Regem destinauit: vt simul ei gratularetur victoriâ, per quam duorum regnorum, de quibus dimicabat, dominatum obtinuerat: simul ut multa è religionis vsu commendaret. In his erant præcipua, vt Amacuandoni, quem fratres, quod Christianis faueret, magnâ ditionis parte exuerant, patrocinium susciperet: ob eamque rem tum ad Dynastam sibi parentem, vt Amacuandono adesset, tum ad Saxumanum Regem, ne eius fratres rebelles soueret, literas daret. Deinde ad Tonum Ximabaradonum scriberet, auditum sibi Patres non amplius ad eius oppidum, yti erant soliti, commeare: rogaretque, vt velle accersi, & multos Christianos inter suos populares effici: id enim gratissimum sibi fore. Postremò vt Arimano Regi, & Bartholomæo, quod alicubi se eius fautores hostium præbere visi erant, vellel ignosci. Hac præcipue tractatus Almeida, medio Februario profectus, niuum magnitudine, pluuiarum cluione, ac ventorum procellis propè confectus, ad Regem peruenit. A quo non humaniter solum, sed etiam comitatis suavitate tantâ exceptus est; vt plus studij, amorisque, atque adeo blanditiarum, ne materna quidem indulgentia posset expromere. Literas, quæcumque petebantur, ex Ludouici sententiâ scriptas, sedulò misit per certum latorem ex aulice nobilitate. Ludouicum vero ipsum inde abeuntem Aquinzuensi Toparchæ in regno Chicugenio, Europæis Ducibus tunc potentia prope pari, ad quem proficicebatur, commendauit epistolâ, quæ subscripta est. Veniet istuc frater Ludouicus te saluturus. Vir est, in quo ego meos oculos sitos habeo. Rogo hospitaliter accipias. Lex, quam prædicat, sancta est. Iubeto tuis in terris promulgari, vt ego facio in meis. Hanc epistolam viro è suis primario dedit, qui coram commendationem pluribus explicaret, magisque incenderet. Itaque exceptus est cupidissimè Dei præco. Diebus ibi decem moratus assidue disputans aduersus Ienxuanorum impietatem, quæ Aquinzuqui hæresis dominatur, totum interire hominem docentium; tandem Ciuium triginta reuicit, edocuit, baptizauit: quorum viginti oppido erant docti, ac nobiles. His ita gestis, cum videret iam Bonzios intumescere, molirique turbas: vt redditum sibi illuc in tempore tanto apertiores muniret, quanto res in præsentia pacatores reliquisset, maturauit proficiisci: simul etiam studens occurrere ad Sanctioris hebdomadæ, & Paschales ferias in sanctâ Coim conforzione Omuræ obeundas. Hoc consilio Aquinzuqui Dominica Palmarum abiens, Tacaxim postridie venit. Inde vix soluerat, cum ventus vehemens.

199
Refinatur,
& aduersarius
Bonzios deiici-
tur.

200
Bungensis Re-
gis studium er-
ga Christianâ
rem.

201
Aquinzuien-
sis Ecclesiæ pri-
mordia.

202
Ludouici Al-
meide ærum-
na pro euangeli-
o.

203
Spoliatur a pre-
dojibus in su-
mo frigore.

204
storum pro ye-
fimento sunt.

205
Christianorum
in Almeidam
benignitas.

206
Pater Franci-
cus Capralis &
Organitus in
Iaponiam ve-
niunt.

207
Patrum per Ec-
clesias distri-
butio.

mens à prorū incumbens secedere vicinum in sinum coēgit: vnde mox septem leucarum transuerso cursu ad Arimani Regni terras appelleret. Sed dum ven-
tos declinat, incidit in prædones. Actuariolo perpusillo, & inermi, Christia-
nis aliquot viris bonis agentibus, vehebatur: & iam secundā aspirante aurā Ari-
manum legebat littus; cūm decem obuiam fuit prædonum parones: ex quibus
duo ad actuariolum admoti, eo statim nullo negotio potiuntur. Nihil erat præ-
dæ nisi hominum vestimenta. Hæc rapere aggressi ad vnum omnes, ne interulâ
quidem linteâ relictâ, nudant: tum ad nauigolum etiam spoliandum versi, nec
remos, nec transtra, nec quicquam è nautico instrumento reliquum ficerunt,
verberibus onerantes, si quis contra hisceret verbum. Christianorum ærum-
nosa manus, procul à terrâ, duo circiter millia passuum deprehensi, ac desti-
tuti, non præsidio solum, sed consilio quoquè carebant. Nox erat horrida,
& coeca, tempestas perfrigida, & circa terra vndique altâ niue rigentes. Ita-
que gelu conficiebantur: nec suppeteret, quod vacua, ac deplumis nauicula
propelleretur. Accessit subinde ventus ab occidente perlans, longiusque ab
terra differens: vt amissâ spe littoris, vnicum relinqueretur solatium expectatio-
lucis, si quid forte intolerandam vim frigoris solis radij temperarent. Sed horri-
dus illuxit dies obducto nubibus cœlo, tanto cum venti impetu, marisque æstu,
vt omnia præsentem intentarent mortem. Omnia dum sæpius scrutantur, de-
mum tria storum putrum fragmenta in nauigij fundo inuenere: quæ vel ad
manus non venerant prædatorum, vel potius vt inutile impedimentum negle-
ixerant. Earum vna Almeidæ, & vni nautarum attributa est, quæ vix humeros
obtegebant: altera tres lapones, simul cum Almeida Socio inuicem arctè com-
plexi imposuere ceruicibus: tertiam conati sunt nautæ in vexilli formam con-
cinnare, si quomodo ad littus adeundum iuaret, haud irrito conatu. Duas in-
ter Insulas, Deo gubernante, pulsi peruenere ad plagam quinque leucis procul
Tacaxi, [vbi à pescatoribus amicè accepti]. Indè Tacaxim famâ perlatâ Ximab-
rani mercatores, & Cocinocenses, qui fortè illic agebant, continuò cum equis,
& vestium luculento paratu adfuerunt. His pescatoribus liberaliter muneratis,
secum omnes Christianos Tacaxim ducunt. In itinere obuiam vnum ex optimis
Bungensisibus habuere cum perbonâ veste sericâ ad recreandum Almei-
dam ab Rege missum. Tacaxi Cocinocum pergendum fuit mercatorum indige-
narum flagitatu. Quod simul ac ventum, & calamitas cognita; vix quispiam
omnium fuit, qui non suum Almeidæ indumentum ferret: quæ tamen, vno ex-
cepto, quod vir locupletior dederat, remissa sunt omnia, cum actione gratia-
rum. Quod enim promptior pij populi era: benignitas; eò magis erat tenuitati
parendum. Et scilicet videre erat, quā largiter hīc quoquè bonus Dominus
pro se factæ iacturæ centuplum redderet: sed æquè bonum decebat seruum dul-
cissimâ contemplatione promptæ Domini benignitatis, quæ copiam omnem su-
perat, persuuentem, geminam vestem non possidere. Interim in cunctis per
eum tractum Ecclesijs religio sat is prosperas progressiones habebat, cūm ingens
ad perurgenda sancta exordia momentum, & Societati, & Christianis accedit
omnibus. Franciscus Capralis, qui mittebatur Cosmi loco Socijs in Iaponiâ
præfuturus, Organitus Brixiensis, & Balthassar Lopius Sacerdotes, post ex-
pectatam in Amacænsi portu per sesquianni tædia transmissionem, Iaponiam
tenuerunt. Ad Xiquium appulsâ naui, eò confessim, præter Ludouicum Froëm,
quem vt in Meaco positum, immoda locorum interualla disiungebant, om-
nes conuenere Patres, de Societatis, deque Ecclesiarum Iaponicarum statu
consilium habituri. Rebus diligenter, ac piè perpensis, instauratis de more
votis, usurpatisque religiosæ disciplinæ vilibus in commune ministerijs, nouo
quisque impetu ad publicæ utilitatis studia rediere. Balthassar Acosta Firan-
densibus procurandis Ecclesijs, quod iam pridem faciebat, restitutus est. Bun-
geni Ecclesiæ Ioannes Baptista Montanus, Balthassar Lopius Cocinocensi, Mel-
chior Figeredius Omuranæ præfectus. Gaspar Villela accitu Consalui Aluarij
Visitatorijs in Indianam nanigauit, vñaque cum eo Alexander Vallaregius, quem
in insu-

In insulis Goti strenuè Ecclesiam amplificantem, ob afflictissimam valetudinem, Borgia in Europam reuocabat. Organtinus Ludouico Froi solarium, auxiliumque missus ad urbem Meacum, cùm omnia reperisset bellis infesta, Sacaj aliquamdiu interclusus, vix anno labente Ludouicum vidit. Capralis continuò aggressus circumire, ac visere Ecclesias, Almeidam secum ducens, Omuram, venit, vbi solemne lustricum iam splendide paratum erat. Distulerat ad hanc diem Bartholomæus coniugis, matrisque, & filiorum baptisma, ne festinans popularium animos supra modum offendere: quod, tametsi consilio faciebat optimo; tamen plurimos ab religionis amplexu retardabat, ancipiti curâ suspensos: cùm hinc Bartholomæum quidem ipsum Christianum scirent, inde nequaquam communicare cum intimis eadem sacra viderent. Quæ Bartholomæus intelligens, & vsu Cosmi vehementer ad capessendam verè pietatem incensus, & prouincia rebus iam tranquillioribus, conuocato procerum coetu, in hac verba eos fertur allocutus. Qnō spatum haberetis planè, ac penitus de veritatis lege cognoscendi; ad hanç diem domus meæ conuersionem distuli. Nunc autem, quoniam vobis satis existimo nota, atque perspecta omnia; decreui operam dare, vt mei omnes Christiano baptismo expientur: tum vt eorum, quantum in me est, saluti prospiciam; tum vt vobis, ceterisque omnibus palam faciam, debere apud me maioris momenti esse Deimetum, eique gratificandi studium, vt id exequar, quam cuiusuis rei respectum, vt negligam. Quod si forte cuiquam vestrum ingratum est; ego, & mea domus hac sumus contenti forte, vt cum Deo maneamus. Vos aliam vobis domum deligatis licet. Hæc bonus Princeps tantâ ingenuitate, constantiâque dixit; vt Procerum vna vox fuerit, quod videretur de se, suâque domo consuleret: sibi nihil esse cur Dominum mutant. Ergo ritè omnibus comparatis, coniux, cui Maria: filius, cui Sancius inditum nomen: filia, & mater, ceterique sanguine iuncti, ac fere centum è populo sacro fonte magnâ ceremoniâ, & gratulatione lustrati. Capralis post hæc ad reliquas perrexit Ecclesias. At Cosmus qui in Xiquio manferat, postquam nouum subsidium, nouisque Socijs dux aduenerat, tanquam omni perfunctus munere, nihil iam amplius deberet terræ (Quis non sapientie diuinæ seriem in his quasi tempestiuitatibus admiretur?) Sexto Nonas Octobres latus, quod fidelium triginta circiter superstitione millia, præter ingentem numerum iam vitâ functorum, in Iaponiâ relinqueret, quod nulla ante eius cum Sancto Xauerio aduentum aura Christianæ lucis aspirauerat, migrauit in cœlum, Christiani, vti par erat, & parentis, & adeo sancti, deque se meriti, tum postremam valetudinem, tum verò abitionem grauissimè acceperunt. Instaurata ab longo tempore confessione, quando monent Sancti nemini esse sine poenitentiâ decadendum, suscepit rite supremis mysterijs, denique & paucos, qui de Societate intererant, amantissimè complexus, attentâ, fidelique negotiatio ne inter ultimas Gentium multiplicata Domino talenta redditurus, gloriosos que fructus bonorum laborum percepturus excessit. Vigor in corpore, & splendor in ore quidam mansit, velut etiam num spirantis. Die Sancti Francisci coacti ex finitimiis locis Patres, ingenti Christianorum concursu, funus, quam licuit honestissimè, celebrarunt. Sed supra omnem apparatum pietas illud Christianorum, gemitus, & lacrymæ honestarunt. Præter impressa manibus, & pedibus certatum oscula, ita ad aliquid sacri, vice pignoris eius rerum impletandum certatum est; vt vestium, cum quibus in seretro iacuerat, nihil planè reliquitur sit. Castellanus natione, iamque Sacerdos Hispanam classem in occidentem Indiam, & indè in Molucas fecutus: tum porrò Goam delatus ad Societatem se adiunxit. Annos circiter sexaginta vixit, duos & viginti in Societate, hosque prope omnes in Iaponiâ: eò deductus, ibidemque relictus à Sancto Xauerio. Vitam initio Amanutij ita sustentauit, vt nullum pulmenti genus ex carnibus, nec panem, nec vinum, neque oleum, neque lac, aut quicquam lacte consecutum gustauerit: sed tantum modicâ orizâ pessimè condita, atque herbis mortem arcuerit, inter Bonziorum infectiones, & frequentia mortis.

208
Bartholomæi
Reguli Chri-
stiana fiducia.

209
Reguli familia
facto fonte lo-
ta.

210
Cosmi Turria-
ni sancta mi-
gratio.

211
Is fundator Ec-
clesie Iaponi-
cae post Xau-
rium.

212
Defuncti decor-
in ore sumus

213
Aestimatio pro-
bitatis.

214
Eius vita sum-
ma.

mortis pericula. Quod aspernum duritiae genus non tam necessitate sequebatur, quam voluntate: tum quia acerbissimus erat sui vexator: tum quia necessarium existimabat Iaponibus, pro regionis ingenio, & assuetudine incommode- rum patientissimis, si quicquam proficiendum esset, Christianae feueritatis non vulgaria exempla in conspectum dare. Sed viri labores, & quotidiana pro Euangelio mortem, si hoc loco perseguiri iuuet; annales haec tenus Iaponicos ne- cesse fit iterari. Hunc Iaponia nouum in caelo patronum accepit: sed multo plures acceperat paulo ante Brasilia Ignatij Azebedeij, & Sociorum triumphali occasu: quem etiam est cum cura, ac pietate referre. Principio anni Azebedius in Lusitaniam ad Vallem Roseti Collegij Olisiponensis villam (vt supra est demon- stratum) suas augebat copias, exercebatque in christianam militiam, destinans e tota Brasiliam tenebrarum Principem, eiusque funestos exercitus exturbare. No- ni subinde varijs e regionibus aduentabant commilitones, plerique religionis studio pedites, qui magnam cum voluptate sanctis amplexibus excipiebantur, magnoque certamine, dum singuli lauare eis preparatos ad euangelizandum pedes contendunt. Iamque, praeter multos religiosi vexilli veteranos, Tyro- nes conuenerant plus quadraginta, quos in superiori aedium parte ab cetero- rum secretos commercio, cum Ignatius non preceptis magis, quam exemplis Tyronum ipse munia antecapiens instituere coepisset. Veterani nouo incitati ar- dore, pro se quisque magnis precibus insisteret, ut pariter ipsos ad tanti momenti expeditionem, perinde ut Nouitios, suo magisterio reformaret. Ita extra contu- bernium, quod mutatum non est, cetera facta communia. Praeter sacram, bina- que de more conscientiae excusiones, binas quotidie omnes in preicatione, atque meditatione, dato campanam signo, vnam ante, alteram post meridiem horas po- nebant: multisque longiora spatia, ut cuique aptum erat, concedebantur. Sa- pe interdiu separatim singuli, vesperique simul vniuersi salutatum ibant diuinissimum in Sacello Sacramentum. Quam venerationem non modum ex pietate, sed & quadam urbanitate presenti Domino debitam, itemque meditationem fa- crorum eius cruciatuum plurimum commendabat Ignatius. Senos idem, septe- nosue, alios deinceps alijs succedentes, in arctiore secessu exercitationibus spi- ritualibus per se se, ut ad suam voluntatem fingeret, excolebat. Addebat igni Sancti Spiritus ventilando quotidianum ardentis linguae flabellum, nihil fere in cunctis sermonibus, nisi labores, ærumnas, erucem, ac sitim animarum loquens. Quæ, cum ex intimo animi sui sensu traheret; ad intimos quoque audientium animos transmittebat: eò etiam efficacius; quod acris multo in agentis ma- nu, quam in ore dicentis expressa crux eminebat. Primus infima tractare mu- nera, primus arripere aspernima, ministrare mensæ, purgare culinæ vasa, do- dum euertere, affictare se se, ligna ex sylva ferre, aliaque id genus. Eò fiebat, ut virtutis formam, mira confessione, in tactis, dictisque magistri puleherrime extantem, audi intuentes discipuli, ingentibus haustis spiritibus, (quicquid vi- quam durum, aspernumque perpepsi est, omnia hominum, damonumque ten- tamenta quodammodo prouocarent. Dumque ad maiora inhiant, è presenti materia singulis laboriosissima quæque appetentibus, non alibi solum tota domo insignia cernebantur virtutis exempla, sed ipsum cœnaculum dixisse po- nitentia magis ergastulum, quam necessitatis perfugium. Quippe summo in- rerum silentio sacrâ dumtaxat lectione, vel se se verberantium crepitum personante, hic stans in medio, ille abiectus humi, ille emendicans, alijs alij poenarum formis, quam capiebant buccellam excruciant: ita ineuitabile pendentes tri- butum corpori; ut interim quæstum inde animi multiplicem exerceant. Con- gruebat mensæ collocutio familiaris à mensâ. Non illa scilicet exinanitio erat (quod parum cautis ex facili eueniat) pietatis; sed sanctorum inuicem commu- nicatio sensuum, atque desideriorum iucunda inflammatio: quam freligiosa comitate subinde exhilarabat varijs modis Ignatius: nec raro de Sanctorum vir- tutibus excitato sermone. Cum enim qui cuique in sortitione menstrua conti- gissent coelites, eos singuli magnam celebritatem suo die venerarentur; adscita in- auxi-

208
Ignatij Azebe-
dij, & Sociorū
mors.

209
Familia
mors
sociorū mors.

209
Quæse, & So-
cios ratione
præmuuiuerit.

210
Ipse Sociorum
exercitationes

211
Azebedius in
sui contemptu
ceteris præt.

212
Exempli vis;

auxilium aliquot Sociorum manu, quibus deinde mutuas reddebant operas, cùm suos ipsi quoquè honorarent Patronos; de eius Sancti viri, qui eo die cole-
retur laudibus perconctabatur Ignatius, præmio proposito, qui præstantis i-
mam dixisset. Præmium autem erat, vt permitteretur vel se ipse flagello cæde-
re, vel à quopiam publicè obiurgari. Vbi vellem interfuerint nimium sui aman-
tes, vt viderent quād dulcis, ac blanda sit Euangelicæ Philosophiæ facies, cuius
quasi triste, ac formidabile nomen horrent. Denique quæ vsipiam in Societa-
tis Tyrocinij, ad corpora, animosque exercendos fiunt; in eâ fiebant Villâ: eo-
que intentiùs, quod vniuersa illa cohors animo asperima olim toleranda præ-
cipiens, non ad mediocria se certamina, vulgaresque cudebat laudes: vndè fie-
bat, vt ipsâ in umbrâ facinora ederent quavis luce dignissima: gratum spectacu-
lum patri cælesti, qui in abscondito videt. Tale fuit illud Francisci Petrij Godoij,
qui coquo datus adiutor, quod in præstituto tempore vacare meditationi ne-
quiuerat, compositis à prandio sui ministerij rebus, cùm ad optatum recessisset
cum diuinitate congressum; coquo, qui se illum, cùm tempus esset, aduocatu-
rum dixerat, oblitus; genibus flexis ipsas horas septem, insigni cum animi vo-
luptate, orans permanxit: quoad re cognitâ, quia vesperi in cœnaculo non ap-
paruerat, euocatus, interrogatusque cur ad cœnae signum non præsto fuisset;
tum primùm se euocatum fuisse modestè, hilariterque respondit. Is Oppido
Tirrigijs Toletanæ dioecesis ortus ex eo se ferebat, & habebatur iuuenum nu-
mero, quos robustos, valentesque ceteri vocant, & admirantur. Et genera-
sam indolem conuersus quoquè ad diuina impetus palam fecit. In Salmanticensi
Collegium, impetrato ad spiritum exercendum aditu, vt Societatis amor subiit,
expelli domo nequaquam potuit: barbâ etiam sibi ad moræ necessitatem fœde-
curtatâ: labrique superioris crinibus, quibus ante prælongis gloriabatur, ab-
scissis. Qua piâ pertinaciâ eodem loco receptus, & Methymnam ad Tyrocinium
missus, inter alias peruvicaciae humanæ subigenda exercitationes, quoniam stu-
diosus mundiarum fuerat, stans medio in cœnaculo vesci solebat, obsoleto cu-
linæ mantili vice mappæ os tergens: quod & ad perficendos dentes, qua par-
te folidissimum erat, penitus inferebat. Quicquid verò ministerij, operi-
religiosi obiret, sic impensâ obibat curâ; vt admirationem spectantibus commo-
ueret. Et fuit, qui percunctaretur, quid ita vasis culinæ mox rursum fœdandis
tanto tergendis opere elaboraret, vt non munda solùm, sed & nitida efficeret.
Cui ille respondit: se quotidie vesperi, quicquid inter diem egisset, Regina cæli do-
no offerre: eoque conari, nihil vt non purgatissimum, atque nitidissimum, tan-
tae videlicet Reginæ conspectu dignum offerret. Instituebat Tyriones egregius
Magister, sanctusque vir Balthassar Aluarius, qui ad ceteram soleritiam disci-
pulorum mentibus præclaras quasdam insculpebat sententias, quæ rerum agenda-
rum & stimuli, & forma essent. Talis erat illa: Nemo degeneret à præceptis
cogitationibus filiorum Dei: quam Godoius, vt excelsò, nobilique ingenio con-
gruentem maximè arripuit, frequentauit etiam in supremo confictu. Sed
obeundæ fortiter mortis occasionem mira Dei prouidentia, ex naturæ maligni-
tate, præbuit. Inerat oculo (sinistro verisimile est, qui Sacerdotio magis est
necessarius) cœcum vitium. Id vt Balthassar, dum nescio quid ex eo latere
porrigit, nec ille videt deprehendit; de remittendo domum ad suos agebat: cùm
interuenit Azebedius, & in Brasiliâ tolerabile incommodum ratus; summè vo-
lentem sibi comitem assumpsit: eò libentiùs, quod non iuris modò Pontificij,
sed, & canendi, quæ magno apud Brasilos facultas usui est, benè peritum co-
gnouit. Atque ita effectum est, vt tyro magnanimus eidem oculi vitio, vndè
optatissimum bonum perdiderat, gloriösus deberet: & idoneus inueniretur
triumpho, qui non videbatur aptus militiae. Ad eam gloriam nunc sese ne-
sciens totâ vi corporis, atque animi, vna cum Socijs pariter ardentibus, sub
Ignatio præformabat. Verum ante omnes ipse ardebat Ignatius, & diuinis vo-
luptatibus complebatur: vt aperte profiteretur, nequaquam se huic Vallis Ro-
seti secessui simile imposterum totâ vitâ sperare tempus. Pariter cum hoc præ-

Hist. Soc. Iesu Tom. 3.

Dd

paran,

213
Virtus blan-
dior est quād
credatur.214
Francisci Petrij
Godoij simp-
lex, & constans
obedientia.215
Eiusdem fer-
uor in signis.216
Brasiliam ade-
undi occasio.

217
Apparatus pro
Ecclæ fīs Bra-
filiæ.

218
Quandiu expe-
cta nautis,
quæ ad mortē
Socios vexit.

219
Sociorum di-
stributio in na-
uum conicepe-
ta.

220
Hominum, ac
Maris procelle
in Socios exci-
tantur.

parandorum animorum ardore , quæ domicilijs , templisque in Brasiliâ statuen-
dis , Euangelijque propagationi vñi futura essent , comparabantur . Variorum
artificiorum periti Fratres , quicquid ab animis instruendis interquiescebant ,
suis cuique è ceterorum numero adiutoribus attributis , hic ligneas cruciculas
fabricari , & tabularum pictarum fulcra , & loculos : hic pingere : ille vestes ad
sacrorum vñsum : ille ad Sociorum indumenta conficerere : alij disputationes , tra-
ctationesque vel ad doctrinam , vel ad pietatem exscribere : alij alia , vt poscebat
vñs , approparet , signum profectiōnis auidissimè expectantes . Ceterū
Oneraria illa , quæ conducta fuerat ad vrbem Portus , quanquam de suis aliquot
Ignatius miserat , qui accelerarent , oppidò nimium procrastinabat : quare op-
periendum fuit , dum cum regiā classe iretur . Ludouicus Fernandus Vascon-
cellus Brasiliæ Præfectus mágno cum apparatu ad colonias instituendas ab Re-
ge mittebatur . Cum eo prefecturus Ignatius , qui nauigationis appetebat tem-
pus , præque locorum angustijs in tanto numero Sociorum , Vallifrosetana Villa
minus iam erat valetudini secunda ; invitatu Patrum Sancti Rocchi , Olisippo-
nem ad Tyronum conclauia , adhuc propter pestilentiam vacua , suos traduxit .
Ad quindecim id dies egerunt , eodem disciplinæ ordine , quem in Villâ tenuer-
ant , multis per vrbem adscitis edomandi fastus generibus , & aliquandiu in
obsequio Nosocomij exerciti . Ita prouidentissimus Deus nobilem cohortem
ad gloriosum , quem illi destinauerat exitum , omni virtutum genere munitum
ibat : intento etiam Ignatio , vt si quos experimenta , vel Societati , vel Brasiliæ
minus idoneos ostendissent ; tempestiè separaret . Aderat iam dicta profectio-
ni dies : resque , ac Socij in varia distributi nauigia erant : cùm Oneraria Sancti
Iacobi tamdiu expectata ex vrbe Portus Olisippone appulit : cumque eā missi
ab Ignatio ad celeritatem curandam Socij , tam aduerso vñi cursu , atque pericu-
loso ; vt mortis præsentis conspectu deterrii potuissent , nisi pro gustu accep-
sissent deliciarum , quas petituri in Brasiliam contendebant . Continuò in eam
Onerariam præcipuo Sociorum corpore , & sarcinis ferè cunctis translati , Ignatius , cum Iacobo Andradâ Sacerdote , atque Socijs amplius quadraginta con-
scendit : reliquos Petrus Diazius in Prætoriâ ducebat . Pater Franciscus Castrus
cum lectis tribus Sacerdotij expertibus nau impositus , quæ Orphanorum voca-
batur , propterea quodd multos vtriusque sexus impuberes pestilentia Olisippo-
ne nuper orbatos in eāRex ad frequentandam Brasiliam transmittebat : quorum
in itinere cura permitta Castrus est . Ibant de Societate quantus nunquam oce-
num illum concedit numerus , capita vnde septuaginta , præter nonnullos ,
qui eo consilio vehebantur , vt si probassent suam inter nauigandum virtutem ,
in Brasiliâ aggregarentur . Evidem non vereor ne exaggerare rem , tragicè v-
dear , si ad apparatum tantum contremuisse Tartarum narrem : & ante alias Bra-
siliæ Tyrannos spiritus insolito terrore concusso , omniaad procul arcendas pie-
tatis copias tentare adortos ; terras , & maria miscuisse , mouisse fluctus , tempesta-
tes armasse , furiosorum hominum incitasse mentes , ac manus : nec verò , quæ sunt
Numinis abdita consilia , sine effectu . Quin ipse Ignatius tam prosperum ad id loci
rerum cursum formidans , tanquam mens aduersi quidpiam præfigeret , ex nau ad Borgiam quarto Nonas Iunias scribens , post enumerata , quæ vehebat co-
piosa auxilia , subiicit : Quanquam mea peccata minantur mihi aliquid in mari ,
ac fuggerunt , minus conueniens esse ire me cum tam bono comitatu , totque
vita degenda adiumentis , quam multa ferimus . Decimo , postquam vectores
concederunt , die Nonis Iunij , secundis aspirantibus ventis , vela fecerunt sep-
tem numero naues . Interim dum afflatus expectarentur idonei , alijs in suā quo-
què nauī res componentibus , in Sancti Iacobi onerariâ Ignatius dimidiā parte ab
malō ad puppim secretâ sibi , perfectam rectè instituti Collegij formam descrip-
sit . Is erat sacrarum rerum ordo , ea vitæ quotidianæ distinctio , signis ad va-
rias pro temporum ratione actiones tintinnabulo editis : ea exercitatio virtutis ,
quæ in pacatissimè vrbis , domusque tranquillitate laudaretur . Gaudebant nautæ ,
militesque , & ceteri vectorum , pulcherrimo ordine , innocentissimæ vitæ exem-
plis ,

plis, comitatu tam sancto. Ignatius, cum singulos piaculari globulorum serto ad precandum, & consecratæ ceræ Agno donasset, comitateque, ac dexteritate religiosâ demeruisset; paulatim ita diuinarum rerum intendit studio; vt iam non pars dumtaxat, sed tota nauis, sacri instar Coenobij, videretur. Inuocabantur in commune quotidie pio cantu ex litaniarum nomenclatura cœlites. Missa citra Sacrificium celebrabatur, postque eam concionem habebat Ignatius. Explicabatur ab meridie catechismus: cui ea cuncti simplicitate intererant; vt & Nauarchus, & Gubernator, alijque Primores gauderent se se interrogari: deque pio præmiolo, quod Ignatius proponebat, cum ingenuitate, dignâ nobili, christianoque animo, dimicarent: eorum indole parvulorum, in quam se formet necesse est, qui mentem cœli capacem amet. Aberant ludi, nulla audiabantur iurgia, nullæ impiæ, aut absurdæ voces, neque cantiones, nisi quæ secundum explicationem catechismi sanctissime adhibebantur. Hoc ordine ad Insulam vique Materiæ, vnâ cum reliquâ Prætoris classe, magnâ omnium lætitia, octauo die ventum est. Ibi consilio habito, Vasconcellus, quoniam timebatur malacia, neque aliâ tempestate Africæ ora, quam Guineam vocant, præterue hentibus exitiosa magis reperiebatur, cum decreuisset aliquantis per opperiri certiores ventos, Portuensis Nauarchus commeatum petijt ad Palmarum, vnam è Fortunatis Insulam, progrediendi: quod neque Ludouico, neque Ignatio consilium probabatur, ob pericula Pyratarum, quibus ferebantur ea infesta maria. Sed cum instaret Nauarchus, & plerique mercatorum, suamque agi rem magnam contenderent, quod ibi partem onerum maximam deponendam, assūmendaque alia haberent, nec dubiè policerentur in tempus vnâ repetendi cursus Brasiliæ occursum, Ignatio suam, post Nauarchi, & mercatorum commoda, securitatem habente, abeundi veniam Ludouicus quoquè dedit. Tum Patres enixè instare, suadereque Ignatio, ne secum omnia in periculum daret: maneret ipse cum classe: vicarium Sacerdotem in Sancto Iacobo mitteret. Sed noluit magnanimus vir perpetuum suum, quæ laboris, periculique haberent plurimum assūmendi sibi, morem abrumpere. Ceterum nequis eorum, qui vnâ vehebantur, fortè minus volens in discrimen adducetur; vniuersos in communis affatus, sérìo admonuit iter pericolosum fuscipi: integrumque esse, cui animus ad mortem, si opus foret, fortiter obeundam minùs suppeteret, cum reliquâ manere classe. Quâ denuntiatione nihil territis, sed potius accensis ceteris, quatuor modò Nouitij tutiora fecuti manserunt: qui paulò post omne religiosæ vitæ consilium penitus abiecerunt. Adeo qui exceptiendis nouis Dei donis ingratum peccatum occludit, etiam veteribus spoliatur: talentumque non exercenti adimitur. Tertio Kalendas Iulias in Petri, Paulique Principum Apostolorum solenni, omnes æquè Socios Ignatius, atque vectores confessione purgatos epulo diuino refecit, sacrâ operatus in aediculâ Sancto Iacobo dicatâ. Postridie que è Materiâ discessere eadem, qua prius, eo etiam maiore omnium religione; quod iam satis vectores nouo illi vitæ cœlestis genere affueverant, & palam cuncti prædicabant, quando ita cœlestibus muniti præsidijs irent, iam se nec Hæreticos, nec casum quemquam pauere. In Ignatio quoquè nouam indè sanguinis pro Christo fundendi emicuisse cupiditatem narrant, quam frequentibus suspirijs, incensisque de eo argumento sermonibus declararet. Postridie quā illi abierant, ad Vasconcellum nuntius Kalendis Quintilibus afferunt, ad portum Sanctæ Crucis (qui in eadem Insulâ Materiâ est) quinque Galicanas Hæreticorum è Rupellâ naues adiectas, Iacobo Soriâ Præfecto, qui perduellum ex factione Admirali vicarius, Papistarum, ac nominatim Iesuitarum hostem se capitalissimum ferret. Instruit aliquot Vasconcellus nauigia raptim ad pugnam: & solatio in omnes casus manu quoquè Sociorum assumptâ, vbi primum illuxit, aduersus prædatores egreditur. Sed illi Belgicâ naui captâ, prædâque abactâ alia, & inter captiuos religiosis quoquè Franciscanis duobus, & Funcialensis Ecclesiæ Sacerdote scholæ Magistro abductis, congressu non expectato, è conspectu celerrimè euolarunt. Et Vasconcellus in Portum, vndē

Hist. Soc. Iesu Tom. 3.

Dd 2

abie-

221
Religiosa na.
vigatio Ignatij,
& Sociorum.

222
Oneraria Por-
tuensis ab clai-
fe disiungitur.

223
Optio datur
Sociis periculu-
euadendis.

224
Quatuor No-
uitij à pericu-
lo recedentes
Religione de-
serunt.

225
Iacobus Soria
hæreticus &
Archipyrate.

abierat, se recepit. Interim Portuenses mercatores modicâ prouecti aurâ, tandem proximè ad Palmam, octo circiter millia passuum, venerant, cùm vento repulsi violenter aduerso, recipere se in stationem coacti sunt, vrbi Palmæ aduer-
sam, quæ Tertia cohors vocatur. Hic nobilem, atque opulentum virum Bel-
gam veterem amicum, cum quo vnâ fuerat educatus fortè Ignatius, reperit: à
quo non humaniter solum vnâ cum Socijs, sed sumptuosè, ornatèque tractatus
est. Quinque dies in statione illa constitere: totoque eo tempore humanissi-
mus hospes nunquam deslitus suadere Ignatio, vt indè ad urbem Palmam ter-
râ pergeret: iumenta, & quicquid opus foret ad rem, Sociosque transuehendos,
prolixè deferens: super omnia periculum Pyratarum in mari memorans, lon-
goque flexus nauigationis, cùm pedestre non plus trium leucarum iter esset.
Tam multa dixit, adeoque amanter; vt Ignatius animum induceret amici con-
filio, atque beneficentiâ vti. Ergò onerum partem, perrecturus indè per Insu-
lam, è naui iussit efferrri. Sed postero die, cùm Sacrificium peregrisset, in quo

226
Ignatium nul-
la consilia ab
itinere mariti-
mo, & obeun-
da morte di-
vertunt.

Socios omnes munimento salutis æternæ Sacrosancto Christi corpore imperti-
uit, mutato prorsus consilio, ab sancto Altari discessit: siue existimaret posse
leuitati tribui, nimiaeque prudentiæ, si tanto cum motu rationem itineris, mo-
dici compendij gratia, immutaret, Nauarchique, ac ceterorum offensionem
metueret: siue religioni sibi duxerit comitatum naualem, cùm quo tantum
emensus oceani, tantum emensus erat, in ipso necessitatis articulo, si quid
periculi immineret, deseruisse: seu quid aliud eius menti Deus obiecerit. Illud
certè notum erat, non raro solitum Ignatium noua ab Sacrificio consilia repor-
tare. Fratribus hanc vnam mutata sententia rationem exposuit. Cogitabam,
inquit, ad Hæreticorum declinando incursus, terrestre iter tenere: fed nobis
quid possunt Hæretici facere, nisi vt tanto citius perueniamus in cælum? Re-
petitâ igitur nauigatione, post ingentem circuitum, lentissimo progressu, quar-
to die mane Idibus Iulij, qui erat dies Sabbati, ab Portu Palmæ urbis tres cir-
citer leucas aberant: sed alius eos portus, alia manebat palma felicior. Igitur
adeo propinqui conspectu Portus exhilarati, iamque se arbitrantes in tuto, in-
nicem vniuersi gratulabantur: cùm è carchesio speculator inclamat, ingens ap-
parere nauigium, ac subinde ingeminat, nauigia quatuor sequi minora. Per-
turbavit omnes nuntius: tamen suspicabantur amicac, ac sociam, fortè Ludouici
Vasconcelli reliquam in Materiâ esse classem. Veramenim uero maximi illius nau-
gij velocissimo accessu breui patuit Prædones esse. Iacobus erat Soria, cun-
suis. Quippe vbi insulam Materiam satis Lusitanâ classem munitam vidit, deque
prægressâ Portuensi Onerariâ (vt vero simile est) indicium accepit; eam (vt fâ-
rarum ingenium est diuulsas à grege pecudes inuadentium) oppresurus, ad In-
sulas Fortunatas cursum direxit. Nec irritus voti abiit. Onerariam illam ma-
ria, ac tempestates, velut coniurata, per varias moras tenuerant, dum rapto-
rum in fauces coniicerent. Quæ simul primum conspecta est, in eam Archipy-
rata, velut in columbam accipiter, concitatissimo eufu, certoque agmine inuo-
lat. Rostratam agebat cum primis munitam. Instrumentum bellicum egre-
gium, plurimumque vehebat. Bellatores trecentos plerosque loriciatos, non
nullos cataphractos. In Sancti Iacobi Lusitanorum vix quadraginta pugnæ ido-
nei numerabantur, nec admodum instruti armis. Qui, tametsi tanto se infe-
riores videbant; tamen rem in pugnæ casum statuerunt committere. Ignatius
eius consilij noluit esse particeps: sed postquam hæc omnibus sententia steterat;
vehementer eos incendit, vt quoniā contra hostes catholicæ fidei pugnandum
foret, magno, fidentique animo congrederentur: felices in tali causâ si vel san-
guinem fudissent. Rogauit Nauarchus, vt quoniā id cause meritum, eaque
propugnatorum paucitas erat; aliquot Sociorum habiles magis, arma iuberet
capere. Sed Ignatius nihil admodum momentum eos ferro facturos ratus; non
quidem ad pugnandum, sed ad suggerranda bellatoribus auxilia ministratores
sedulos præsto dixit futuros: legitque ex omnibus, qui vltro se offerebant, ap-
tissimum quemque. Erant in eâ naui de Societate homines, uno minus quadra-
ginta,

227
Omnes tempe-
states ad oppe-
rendam morte
inuitant.

228
Soria in Onc-
erariam tendit.

229
Ignatius ani-
mos addit ad
pugnam con-
tra Hæreticos.

ginta, plerique Nouitij, vndeclim tyrocinio decurso religiosis votis obstristi. In his, præter Azebedium, Iacobus Andrada ex oppido Petrogaio, quod magnum vocant, Sacerdos, qui, quasi œconomi (ministrum nos dicimus) inter Socios fungebatur munere, magnæ virtutis vir, trium votorum professus, ætate annorum ad quadraginta, tredecim in Societate exactis cum perpetuo Indicæ expeditionis voto: reliqui nouem non Sacerdotes, Benedictus Castrius ex Episcopatu Mirandæ, nonum Societatis, vigesimumseptimum annum ætatis agens: cui item ab ipso tyrocinio fundendi pro Christo sanguinis, ac propagandæ apud Indos fidei voluntas orta, semper vehementius incaluerat: tumque in naui, Magistri Nouitiorum partes agebat, humilitate, & caritate insignis: Ioannes Fernandius Olisipponensis tyrocinij biennio non multo ante exacto scholasticus: præterea Antonius Suarius prominster: Emmanuel Aluarius Eborensis eximiae innocentia, è pastoritiâ olim vitâ ante quindecim annos ad Religiosam transgressus: Franciscus Aluarius ab Cauillone: Dominicus Fernandius à Villautiôsa, quorum nihil præterea traditum memoriae est, nisi ministros vitæ domesticæ, ætatis iam robustæ, spectataeque virtutis fuisse. Accedebat Ioannes Maiorga Aragonensis pictor non malus, tertio ante anno in Societatem Cæsarau-gustæ adlectus, cùm quintum supra trigesimum annum ageret: quem nominatim Azebedius ex Vrbe reuertens optarat, vt religionem in Brasiliâ sacris imaginibus ornaret, ac sereret. Aliquot Cæsarau-gustæ, & in Lusitanâ extant eius opera, iam eo quoquè nomine religiosa, quod suo illa sanguine decorarit. Silentium inter eius virtutes maximè spectabatur. Item Alfonsus Vaëna Castellanus olim artificio aurifex, ætate tricenarius, in Societate fermetriennis, virtute omnino maturus: & Stephanus Zurara Cantaber, qui in Collegio Placentino omnibus pro simplicitate, ac vitæ innocentia vnicè carus, cùm esset vestiario præfetus, eò alacrius Ignatium secutus erat, quod (vt Iosephus Aosta, cui tum Confessario conscientiam aperiebat) deinde testatus est, diuino monitu inter exercitationes spiritus, ad quas secesserat, se ad mortem fidei causâ obeundam duci cognorat. Ignatius his propè omnibus ad iuuandos milites lectis, adiecit è Nouitij Consaluum Henricum ex vrbe Portus Diaconum. Emmanuel Patiecum à Zeitâ, Iacobum Petrum Dinim, olim cognomento Mimosum, & Franciscum Petrum Godoium nunc maximè eâ se, & Socios voce confirmantem, non esse à præcelsis cogitationibus filiorum Dei degenerandum. Hos armatis immisitos iussit Ignatius adhortari eos ad fidem catholicam, & Romanam Ecclesiam defendendam: fauios excipere, alligare vulnera, aliquid cibi, aut potionis fuggerere pugnando fessi, aliaque horum similia: ipse raptim Coelitibus litaniarum carmine, in medio coetu inuocatis, iunioribusque iussis infra tabulatum succedere, prope malum Deiparæ effigiem è Sancti Luca Exquino Romæ exemplo in æré lamina expressam manu tenens gradum fixit. Nec mora: Rostrata Soriana, tanquam alis vecta, adest, iubetque Lusitanos vela colligere. His ditionem abundantibus, pugna censuritur. Explosis vtrinque tormentis, nec sine Hæretorum damno, irruens Soria Onerariam Lusitanam, haud planè indeptus, tres duntaxat in transitu è suis in eam immisit: quos continuo adorti Lusitani semianimes deturbarunt in altum. Ea res Gallos è proximo spectantes valde commouit, quod trium unus inter eos magni erat nominis, & à Iacobo primus. Eò igitur ardentius, iterum, ac tertio inuesti, tandem quarto impetu indipiscuntur: oppositaque Oneraria ad proram Rostratâ, alijs iam quatuor minoribus nauigis circumfulsis, pugnatorum egregiam manum circiter quinquaginta injiciunt raptim, atque præteruehuntur, intelligentes pro raritate defendantium, satis superque eam vim impugnantium esse. Fit strepitus totâ naui. Hos causæ, & quitas, & vitæ, ac rerum suarum, & religionis sanctæ defensio: illos auaritia, impietas, furor accedit. Demum haud paucis Lusitanorum militum, ac postremo etiam Nauarcho inter extinctis pugnandum, tota se oneraria hosti permisit. Cum ad prædandum versi Hæretici, per receptacula omnia, & latibula raptim excurrere. Interea, captiuae nauis Gubernatorem, simulque Calafatem, ut vocant,

Hist. Soc. Iesu Tom. 3.

Dd 3

ad

230
Præcipui So-
ciorum Ignatij231
Benedictus
Castrius232
Ioannes Maior
ga.233
Stephanus Zu-
rara.234
Franciscus Pe-
trius Godoi.235
Committitus
pugna.236
Hostes præpa-
tent.

237
Simon Acosta
Societas tyro
ad Archipyra-
tam mittitur,

328
Soria in Iesuitas
odijum,

239
Iubet reliquias
in mare deinceps

240
Carnificina
Romana.

241
Benedictus
Castrius occi-
ditur.

242
Ignatij Azebe-
dij nex.

ad Jacobum Archipyram mittunt, quod hi duo nobilem, quem diximus, Gallum in primo congressu interemiscent: unde Simonem Acostam tyronem Societatis, vnde uiginti circiter natum annos adiiciunt. Causa incompta. Suspiciabantur Nautae idcirco missum, ut quoniam nondum vestitum religiosum assumpserat, & species erat liberalis, qua mercatoris cuiuspiam magni filium indicaret; negotiorum ex eo rationes, & occultiora mercium peruestigare Soria posset; vel certe quod ita erat bene corpore constitutus, ore pleno dignitatis, in suam eum familiam cooptare si vellet. Qui hos transuexere, simul interrogare iussi sunt, quid fieri Iesuitis vellet. Vt supra significatum est, cum praecipuum in Catholicos odium Soria prosteretur, Iesuitas quoque pessimè oderat, quod in Regno Gallæ Catholicorum partes omni conatu suffinerent; ac vehementissimè putarentur obstare, ne veteri religione abolita, cuncta Gallia tandem aliquando ciuilibus, per quos foedè atterebatur, tumultibus extinctis, pace beatissimâ (vt Hæretici somniabant) sub novo Caluini Euangelio frueretur: neque his solùm Iesuitæ bonis obstarent, sed tandem doctrinam, Papæque cultum ad nationes barbaras, ac nouum Orbem terrarum deferrent: quas res misera Hæreticorum cœcitas pro sacrilegijs detestatur. Hoc imbutum odio peccus Soria aduersus Societatem gerens, postquam vltro citroque saepius scapha commearat, ipse met tandem Rostrata proximè admotæ, magnâ voce intonuit: Interfice, interfice Iesuitas: deinceps canes istos, presbyteros, monachos, deinceps in profundum, qui prava doctrinæ semina ad Brasiliam ferunt. Qua auditâ voce, Tartarei satellites, secretis vectoribus, in fidei Catholicæ defensores, fatoresque rabidi inuesti; parte ad antliam relictâ, parte ad medium ferè nauem deductâ, universos, illic è portulâ, hic è margine præcipites dant: eo delectu; vt grandioris atatis, & quibus in vertice sacra tonsura signa inuenirent, eos, antequam in altum deuoluerent, repetitis ictibus pugione confoderent. Ita Iacobus Andrada, Dominicus Fernandius, Antonius Suarius, Franciscus Petrus Godoy, & alij quidam deuoluti post plagas semiului. Ceteros, quorum intra septimumdecimum, & duodevigimum annum versabatur atas, intactos ferro, fluctibus dedere, prolixiore morte crudelitatis beneficio extinguendos. Quos miserrimum planè erat spectaculum videre, partim illiço absorberi vndis, partim natatu aliquamdiu se substantantes, tandem defatigatos haurire mortem. Narrarunt deinde Nautæ Lusitani, quosdam se animaduertisse inter cadendum in aquas, quadam hilaritate vultus iucundissimâ conspersos: præcipue Francicum Magallanem satis notum Nautis, quod saepè illis Sanctorum vitas in itinere recitabat. Ioannem Fernandum Bracarensem, Antonium Vaenam, & Marcum Caldeyram. Et si quidem saepè solebat dicere, celerem se in Brasiliam optare aduentum, vt ibi pro Christo occideretur: quod nimirum alacrius, hoc supra vota beneficium in ipso obuio itinere suscepit. Sed vt ad Ignatium Azebedium, non tam itineris, quoniam mortis Ducem reuertamur. Agebat is in mediâ naui, qui primum omnium Catholicam testatus fidem, Hæreticorumque detestatus errores, mox ad Socios conuersus: Defendite, inclamabat, Fratres, Catholicam fidem: defendite Romanam Ecclesiam: interdumque Hæreticos appellans, acriter in eorum errores inuehebatur. Benedictus Castrius, qui cum Tyronibus initio secesserat, ubi vidit impleri hostibus omnia, Socijs, qui prostrati ad Deum fundebant preces, vltimum salutatis, arreptâ manu Cruce, ad castellam proræ, quæ hostes irrumpabant, exilij. Ibi fixo gradu Catholicos dum incidunt, Hæreticos arguit, tribus scloporum ictus glandibus, nec tamen deiectus; cum adhuc pergeret testificari miseris illos esse, impios, pestifero errore occoecatos, pugione saepius in corpus adacto, adhuc spirans in mare projicitur, atque è beatâ illâ cohorte primus occubuit. Subinde Ignatio eodem in gradu nullum finem facienti augustam cælestis Reginæ speciem ostentandi, Romanæque Ecclesiæ veritatem profitendi, truculento ore Hugonottus ifruens vasto impetu in verticem vulnus infixit: nec vltre moratus, quod scissio capite ad cerebrum usque ferrum peruaserat, aliò vertitur. Id Andrada, & Sociorum aliquot

aliquot conspicati, ad carissimum aduolant Patrem, labentemque manibus exceptum, vna cum Deiparae imagine, quam pressa manu longè alia, ac Spartani clypeum, curâ seruarat, in cubiculum clavo proximum deferunt. Hic totus perfus sanguine, quo humentes lacrymis fratres, ad ultimum sancti Pastoris amplexum currentes libentissime aspergebantur, paucis eos ad perseuerandum constanter hortatus, expirauit. Interim retulerunt se Andrada, & alij Socij ad caritatis, & religionis officia, Iacobus Petrius Dinis, cum prope eum venisset locum, vbi Ignatius ceciderat; hastâ transuerberatus interiit. Inde Ioannes Majorca Pictor nullo lefus vulnere deturbatur viuus è naui. Confalus Henricius Diaconus, Emmanuel Rodericus, Emmanuel Patiecus, Stephanus Zurara, eodem putantur sublati casu. Nunquam enim post exactam pugnam apparuere: nec eorum corpora in naui reperta. Emmanuel Aluarius in castello perstabat puppis, clamoribus magnis inflammans animos, prædicansque Catholicam fidem. Et cum iam debellatum esset, Hæretici per summam crudelitatem, post immania verbera, brachia, & crura scloporum tubulis confregerunt: trahentemque animam, ad immanitatis cumulum, abiectum in naui reliquerunt: quem fratres celeriter raptum infra tabulatum deportarunt, Deo plurimum gratulantem, quod cum quindecim annos in Societate egisset, & serè decem Brasiliacam expeditionem postulasset; tandem exitu adeo optabili longa sua vota completeret. Quosdam furor in cubiculum egit, vbi Sociorum aliquot ante sacras imagines abiecti genibus perseuerabant orantes: contnuoque impetu in eos, tanquam insacrilegos Idololatras facto, Blasium Riberium Bracharensem quatuor & viginti annorum, non plus septem in Societate mensibus actis enecant, capite gladiorum capulis contuso, cerebroque disperso. Petro Fontoura item Bracharense, impacto in os vulnere, inferior abscessu mandibula est, vna cum lingua. Antonio Correa Portuensi caput dire quidem capulis intractum: sed & hic, & Fontoura spirantes relict: vt ferant Corream de capitis su duritie conquestum: adeo abundabat etiam ad lepidè dicta animus moribundo: quanquam prorogatus utrique cruciatus, non erecta est palma. Triginta adhuc supererant è Religioso vexillo. Hos, quia Nauis concussa tormentis multum rimis accipiebat aquæ; victores Hæretici exhauien dæ sentinæ addicunt: multis interim onæ antea contumelijs, perque ludibrium Papistas, monachos, presbyteros vocantes, pugnis diuexantes, & alapis, & calcibus, ad hæc plano gladiorum cædentes. Famuli Dei secum ad antham Emmanuel Aluarium cruribus, & brachijs fractis, adhuc trahentem animam ad mutuum solatum deportarant. Ille in area projectus non cessabat nec Deo gratias agere de doloribus, quibus torquebatur acerrimus, nec adhortari ad patientiam carissimos fratres. Nec multò post rursus apud Andradam labibus conscientiæ expiatis, rogatisque omnibus, vt pro se singuli Apostolicum symbolum pronuntiant, expectabat beatum finem: cum agnitus ab Hæreticis, quod adhortatus ad pugnam ante fuerat Lusitanos; viuus in mare deiicitur: vnaque Fontoram adhuc mento abscesso, specie miseranda superstitem demerserunt. Mox Ignatij corpus extractum è cubiculo cum omnibus vestimentis ante oculos fratrum projiciunt: quem omnes animaduerterunt toto corpore ita obriguisse, cruribus, brachijsque protensis; vt Crucis, cuius tantus amator fuerat viuus, videretur ipsum quoquæ cadaver figuram adamasse. Nautæ deinde narrarunt, tanquam insolitum quiddam, Sanctum illud pignus, non vt alia solent corpora, subito haustum vndis; sed in eadem semper figuræ, quoad recente naui prospectare licuit, extare in fallo conspectum. Iam cum Vectibus alijs, Nautisque, non pacatè modò, sed etiam familiariter Hugonotti agebant. Inde sperans Andrada æruminosissimo illi Christi Iesu manipulo, super tantam calamitatem in exhauiendæ sentinæ defesso, laxamenti aliquid impetrari posse; modestâ cum prece ad eos accessit. Quem, cum quidam è globo Hæreticorum, tanquam rabidus leo, corruptum, truci aspectu, minaci fremitu, pugnisque infestis abegisset; excipiunt alij: dumque pro se quisque illudunt procacissime, raptum etiam galerum iaculantur in aquas. Tum vero simul aperto in vertice

243
Aliorum occi-
cio.

244
Prædonū im-
manitas in te-
suis.

245
Sentinæ exhaū-
riendæ tringita
Socii addicijū-
tur.

246
Ignatij corpus
post morte ad
instar Crucis.

247
Patris Iacobi
Andrade vexa-
tio, ac mors.

tice Sacerdotalis tonsura conspecta est; conglobati ita acerbè, ac barbarè tundunt; vt ad Socios, gaudens quidem, quod pro Christi nomine dignatus esset dolorem, & contumeliam pati, sed miserum in modum deformatus, tumenti ore, multum è naribus, & fauibus eiectans sanguinis, egrè redierit. Ac subinde ferox Hugonottus in transitu ad proram, cùm incidisset in Emmanuel Fernandum de Solorico, propter nauis marginem, medium correptum, in conspectu omnium, in vndas præcipitauit, nullâ planè irritatus nouâ causâ, nisi veteri Catholicæ fidei, & Societatis odio. Pergebant ceteri exhauire sentinam, cùm repente iubentur subter turrim prora concedere. Illuc ingressos tunicis exuunt talaribus, numeratosque ad pristinum opus reducunt. Existimabant nobiles athletæ, cùm intrò compellebantur, se se ad cervices securi subiiciendas introduci: cùm euocabantur iam spoliati, continuo demergendos: vadebantque ad quodius parati mortis genus. Sed placebat Deo hanc exercere militum suorum præparationem, vt meritum, pro multiplici moriendi voluntate, multiplex sortirentur. Dum reducuntur ad antlam, in quosdam Hugonottorum (incertum vnde) incidit furor; vt impetu in Alexium Delgadum ex Eluâ facto, innocuum adolescentem, quintumdecimum ferè agentem annum, pugnis, & colaphis ita multarent; vt födè cruentatum os ad Socios referret. Quem illi, commiserati habitum, cùm adhortari blandè cœpissent, vt & quo ferret animo, hoc enim saepius optatum patientiae, hoc promenda caritatis tempus esse; Alexius, tanquam ea cohortatio aliiquid in se infirmitatis notaret, aliquantum commotus: Quid verò est hoc? inquit: est ne hoc aliiquid? Omnia possum in eo, qui me confortat. Indè prædones nondum Iustorum exaturati sanguine, ad explendos vetitis religioso die ventres escis vertuntur. Ingentes patinas collectâ ex prædâ reficiunt carnibus: tentandique etiam causâ, quod sabbatum erat, coctas aliquot gallinas ad Socios mittunt: quas protinus Christiano supercilios arreptas, Andradâ palam, & in oculis omnium in mare effudit. Gregorius Scribanus, & Aluarus Mendius, cùm ægroti ad eam diem iacuissent, & interim dum furor hostium defœuiret, malæ valetudinis vii patrocinio ignoti possent, tam benignè oblatam à Deo noluerunt moriendi opportunitatem amittere. Vbi primùm capta est nauis, (ad eò validos in ægris membris gerebant animos) suffulcentes preciosæ mortis cupidine corporisculi infirmitatem, Sociorum se ceteris admiscuerunt, postque probra, atque exhauriendæ sentinæ labores, pariter in pelagus deieci, ad littora æternæ felicitatis enarunt: hoc opinor latius; quod corporum iam per se fastigentium minorem credere iacturam. Haud minus constanter Simon Aosta, quem deductum ad Soriā ante narrauimus, interrogatus ab eo, essetne ex illo Presbyterorum deterrimorum numero; cum facilimè posset latere, egregio, & Catholicæ Fidei, & Societatis testimonio edito, gloriosam mortem ignominiose vitæ præoptauit. Ita vniuersa illa generosa cohors, vno tantum Ioanne Sancio seruato, pro Palma portu, beatæ vitæ portum apprehendit. Atque vt omnium, sicut æquum est, hac etiam in historiâ inclita extens nomina, quorum haec tenus mentio mortis facta non est; hi sunt: Ioannes Fernandus Olisipponensis, & Franciscus Aluarius ab Couillone, iam Tyrocinij biennium egredi. Ceteri Tyronei in ipso rapti ætatis, ac pietatis flore: Ludouicus Correa, Amarus Vazius, Andreas Consaluius, Antonius Fernandius, Antonius Correa, Ferdinandus Sancius, Gaspar Aluarius, Ioannes de Castra, Ioannes à Sancto Martino, Nicolaus Dinis, Petrus Nunnus, Simon Lopius. Porro Ioanni Sancio quatuordecim annorum adolescentem, quem ex cultu corporis, & manuum habitu coquendis cibis idoneum existimarent, ideo pepercisse crediti sunt; quod eius ministerio indigerent. Sed eius loco alium Deus subiecit. Adolescentes duo, cùm se, laborantibus ad sentinam Socijs inseruissent, cum ijs ambo, tanquam ex ordine forent, demersi sunt, sed exitu planè diuerso: quippe alteri nihil profuit magnis clamoribus sœpè testari, se nequaquam è cœtu Presbyterorum esse: alter, qui iam cupiebat in Societatem admitti, mortem magnâ voluntate vnâ subiens, prius in triumphantem cœli meruit, quam in militantem terræ Societatem recipi: cuius no-

248
Alexij Delgadi
constantia.

249
Hæc uicorum
in Religionem
libertas.

250
Gregorius Scri
banus, Aluarus
Mendius, & Si
mon Aosta vi
timō interimū
tur.

251
Ceterorumno
mina.

252
Ioannes Sacius
solus seruatus.

men felici sanè omne Sanctus Ioannes erat, prope inuersum è Ioanne Sancio, cuius in locum successit. Hic fuit nouem atque triginta, si adactus quoquè ille adnumeretur, Sociorum beatus exitus, Ignatio Azebedio sanè dignissimo Duce. Et profectò fuit Ignatius, quantum credi possit, maximè Crucis amans, sui negligens, alienæ salutis ardens, Patriam habuit Vrbem Portus. Illustribus genere, ac virtute parentibus editus Annū aebat alterum, ac vigesimum, cùm seculi instantis duodequinquagesimo exeunte venit in Societatem iure adscitus in Societatem filij, qui in præcipuo matris eius adoleuerat cultu. Iam olim ex voto concepto ad honorem eius integratatis, cilicinam veslem candidam assidue gestabat nudo applicitam corpori, & aliquandiu etiam in Societate gestauit, quoad re cognitâ Prouincialis voto liberandum putauit. Ex eoque tempore quotidie Rosarium, & preces de immaculata conceptione horarias recitare instituit. Nec destitit unquam postea impensisimè tenere, & disseminare, & amplificare coelestis Reginæ, & clementissimæ matris venerationem, donec imaginem ipsius manibus tenens, vel potius in illius ipse situs manibus inclytam mortem oppetit. Tyrocinij, & studiorum sedem Conimbricam habuit. Eaque inductione, atque celitatem animi à principio statim humeros Crucis supposuit; vt inter Collegas id vulgo verbum celebraretur: quantumvis soluto quis animo, atque alienis occupato curis vagaretur, si in Ignarium fortè incideret, vel ingratias ad se cogi redire, & cogitationem ad sancta colligere. Ipse autem iam tum nihil mediocre pro diuinâ gloriâ, & salute mortalium meditans, quamvis totus ab Præsidum voluntate pendere; tamen, si de suo interrogaretur sensu, aiebat eò ferri, vt Apostolico instituto vitam peregrinans exigeret, pagatim exhortans, & docens, & expians imperitum vulgus. Quare votorum quidem illud primum sibi esse, in Aethyopiam, siue Indiam mitti, barbas inter, atque alienas à fide nationes: proximum Germaniæ adire terras, & operam religioni nauare inter Hæreticos: postrem per montana Lusitanæ, & asperrima quæque loca discurrere, ubi plebs agitat maximè destituta, & agrestis. Quarum peregrinationum nonnullâ parte potitus est. Cùm in laboribus, inedia, vixtus asperitate nullum haberet modum, fuit socius ei cum potestate præficiendus, qui seueritatem immodicam temperaret. Venabatur etiam vbiq[ue] sui despectum. Fuit cùm Bracharam vicino ex Oppido rediens, imposito in asellum socio, ipse pedes urbem intrauit capistro, quā longum erat, ab capite apprehenso asellum trahens, non sine admiratione, latèque admurmuratione Ciuitatis: vt est plerumque mundus hac quoquè re fallax derisor se colentium, & deridentium cultor. Verum huius generis multa sparsim dicta sunt suis locis: & singula persequi nec mihi propositum est in hoc opere, nec in Ignatio decet: cuius ex vitâ si quæ tanquam eximia deligantur, ad iniuriam pertineat eorum, quæ relinquuntur. Quominus necesse fuerit dicere, cùm ultimum è Conimbricensi Collegio discessit, acriter primum in conspectu omnium se se cecidisse, deinde singulorum pedes humili repellentem exosculatum, & alia id genus. Tantâ autem secum, nec mediocre cum ijs, quibus præset in exigendo virtutis penso seueritate vtens; in prouidendis, quæ naturæ infirmitas postulat, omnem indulgentissimi patris caritatem præstebat. In vestium penuria Bracharenis Collegij principio, non semel euénit, vt quispiam eum Sociorum conueniens aliquid aduersum frigus remedij postularet: cui mox Ignatius cum bonâ spe dimisso, detraccta sibi ipsi vestimenta dissimulanter mittebat: siebatque, vt filij protégendis intentus pater, totum se paulatim prope nudaret. Quin, & illud, quod haud dubie in Societate non uno loco euénit, contigisse etiam narrant Bracharæ, cùm iussisset Ignatius, quamvis nihil domi esset panis, mense edi signum; pariter auditam ianuæ campanulam, adfuisseque cum sportâ panis refertâ mulierem ignotam, nec postea apparuisse. Præter alia publica munera, Collegio primum Sancti Antonij Olisippone, tum Conimbricensi, deinde Bracharenis præfuit: quod idem ipse Sancto Archiepiscopo Bartholomæo de Martyribus, suæ potissimum virtutis admiratione capto, instituit. Socius item Prouincialis, & aliquandiu vicarius fuit. Inde tandem in Brasiliam Visitator missus, dum rursus tanto cum apparatu in eam

253
Sed accedit
Sanctusloäues

254
Summationem
Azebedij lau-
dum.

255
Cilicinam ve-
stem candidâ
in honorem
Virginis getat

256
Rosariū, quoti-
die recitat.

257
Apostolicam
vitam expedit.

258
victos alperi-
tas sine modo.

259
Sui conceptus
perpetuus.

260
Eius caritas in
Socios.

261
Dei prouidea-
tia in suos.

262
Azebedij in
Societate mu-
nera.

263
Hæretorum
impietas erga
sacras res.

264
Lusitanæ clas-
sis totius tristis
exitus.

in eam Provincialis redit, vitam in omnes partes forti viro conuenienter actam, fortiter consummavit. Iam (vt æquum est credere) victrices animæ in coelesti patriâ honestissimè, ac beatissimè triumphabant: quamvis veneranda eorum corpora vndis ludibriis fluctuant in salo. Cùm Hugonotti sacrorum virorum polutas sanguine manus ad sancta violanda pignora, quorum ingentem vim Ignatius consecrandæ Brasiliæ aduehebat, tartareo sacrilegio conuerterunt; Cranium vnius Virginis ex illustrissimo Vrsulæ comitatu, affabre elaboratâ inclusum imagine, cùm petulanter extraxissent; in frusta comminuerunt: eaque in foros projecta pedibus proculcarunt: porci scilicet margaritas. Imaginem verò ipsam, cùm ad impiam contumeliam multos dies è malo suspenſam tulissent, ortâ tempestate, nescio qua tacti religione, fortè quòd ei tam diù pepercissent, abiecerunt in fluctus. Cruciculam ex ipsomet sacrosancto ligno, in quo Dominus redemptorem humanam peregit, misère in ignem. Effigiem eiusdem Christi Domini in Cruce confixi, cùm spurcissimo ore horrendis probris affecissent; in tabulâ projectam multis appetuere vulneribus, iterum crucifigentes filium Dei: & mitissimus IESVS, qui olim veniam se crucifigentibus precabatur, etiam nunc patientia, præter omnem modum admirandæ, exempla edens, auida vindictæ fulmina tenuit: nec obrigescere sacrilegos artus, nec haurire fluctibus scelerata corpora, nec monstris violari marinis tam dira hominum monstra passus est. Adeo, quas fanguine emit animas, caras habet: quæ vtinam impios pietas frangeret: fed illi thesaurizantes sibi iram in die iræ, immanemque laudaciam ex patientia diuinæ corroborantes, etiam sacrosanctum missæ sacrificiuim per deridiculum imitari sustinueré: iam & calicibus humanæ salutis instaurando mysterio, libandoque æternitatis precio destinatis, ad compotationes ebriosas abutebantur. Prælatoria ferta, religiosas Agnorum è cerâ similitudines, sacrificales amictus (nisi si quibus auaritia patrocinio fuit) vniuersa in profundum ejiciunt. Pepererunt nominatim siue picturæ egregiæ artificio, siue Deo filio, parenti suæ: id honoris habente, imaginî illi cæli Reginæ, cum qua Ignatius expirauit: alterique eiusdem exempli ex Romana Sancti Lucæ expressis. Nec profecto sine diuino factum est numine, vt postea prior illa, sic eius aspersa sanguine, ad Patrum nostrorum manus veniret: atque in Brasiliam deferretur, vbi religione maximâ, cum gratâ memorâ inter sacras reliquias afferuatur, & colitur. Post ea facta impia, Hæretici ad Insulam Gomera ex Canarijs vnam, aliquot dies, tanquam ex præclaro faciore recreati, ad Rupellam se contulerunt. Ibi magnâ quidem ob predam gratulatione acceptos ferunt: sed crudelissimam tot innocentium nemini ferre probatam. Quare etiam Ioanni Sancio, alijsque circiter duodecim nautis, gratuitam abeundi potestatem Nauarræ Regina fecit, ad viaticum bacillo donatis. Qui cùm in itinere omnium égentes rerum suam interdum (nec verò est elinguis mendicitas) memôrarent calamitatem; etiam Hæreticis misericordiam commouebant. Porro ad Classem Lusitanam, quæ in Materiæ Insula cum Ludouico Vasconcello Regio. Præfecto substiterat, vbi perlatus est nuntius captae Oneraria Portuensis, varij cunctis affecere motus. Socijs partim incredibilem luctum carissimi patris, totque fratrum desiderium attulit, partim sanctæ quadam inuidit aculeum beatus triumphus applicuit dolentibus, tanquam indignos relictos sese. Classi verò cunctæ non mediocrem solitudinem mox incussero redempti, reuerisque: quos ex Materiâ principiò captos prædictimus, nuntiantes Soriam iureiurando confirmasse cum Vasconcello se congressurum, nec destitutum, quoad alteruter in alterius potestatem veniret. Abdita quis Dei consilia interpretetur? Videri poterat euasurus fuisse cladem Azebedius, si cum classe mansisset: atqui tot eam ipsam deinceps accepere casus; ita per totum Oceanum vaga, nunquam Brasiliæ posita per sexdecim menses errauit; ita demum (quod in sequens annus in plenum exponet) confecta est; vt Oneraria Portuensis non tam accersiuisse sibi calamitatem, quam exitij compendium fecisse videri possit. Post longam in Materiâ commorationem, quo tempore aliquid Socijs consolationis ex recenti Collegio fuit, in Insulam peruecti, quam Promontorij, seu Capitis viridis appellant:

lant : dein ad Brasiliam directo cursu, cùm mille, & quingentis fermè passibus absenter, nec vñquam superare per tempestatem Sancti Augustini promontorium potuerint, versus nouam Hispaniam retorquere vela coacti sunt. Pater Franciscus Castrius, qui in Materiâ vnâ cum Regio Præfecto concenderat, ad Insulam Sancti Dominici : Pater Petrus Diazus ad portum Sancti Iacobi Insulæ Cubæ pervenit. Quibus locis dum tempestiuitatem nauigationis opperintur ; Brasiliae tantâ clade afflictæ nouum vulnus accessit, Emmanuelis Nobregæ obitu. Primus hic in Brasiliam Societatem inuxit, eamque Prouincialis administrait, egregiarum virtutum Sacerdos, ardenter studij ad indigenas sub Christi Saluatoris iugum subiungendos : ad eosdem ab alienigenarum iniurijs defendendos animi magni. Die Sancti Lucæ Euangelistæ, quo die anno ante quinquagesimotertio in lucem mortalem venerat, ad immortalem excessit in Collegio nouo Sebastianeæ vrbis, quam & Fluminis Ianuarij vocant. Vt vitam plerisque partibus similimam Sanctis egerat; ita comparem mortem obiuit. Tertio ante obitum die amicorum multos per Oppidum salutavit, tanquam propediem aliquod discessurus. Et sciscitantibus, quò iter pararet, cùm in portu copia nulla adeset nauigij; oculis in cœlum sublati, respondebat : In cœlum, fratres, mea profectio est. Indè intestinorum dolore correptus, vltimis mysteriorum præsumptis auxilijs, duos Sacerdotes, quos in Collegio relinquebat, peramanter complexus, gratijs Deo magnâ pietate actis, quòd quo die dederat, eodem repeteret vitam, eamque in Societatis ponere sinu donaret, placide expirauit. Ita paucorum dierum interuallo Iaponia Cosmum Turrianum, Brasilia Emmanuelem Nobregam, primos in ijs Prouincijs Sociorum præsides amiserunt.

Iam in Floridâ quoquè paulò mox imponenda Sociorum per eam euangelizantium ceruicibus Cruces adornabantur. Tres ad numerum ceterorum circa medium ver accessere, Ludouicus Quirius, Gabriel Gomius, & Sancti s Sauallius : Consalvius vero Alamus, cum Petro Menende Præfecto, quòd plus molestie Sociijs quadam ingenij pertinaciâ, quam auxilij rerum scientiâ afferret, in Hispaniam reuocatu Præpositi Generalis reuectus est. Ceterū Rogerius, & Ioannes Carrera in Prouinciâ Sanctæ Helena : Sedennius, & Franciscus Villaregius in Qualâ, prope sine fructu cùm annum egissent, deplorata iam Floridanorum salus videbatur. Ad res diuinæ filice duriores, frustrâ blandis sermonibus, frustrâ captui ipsorum accommodatâ catechesi tundebantur. Quamdiu de bonitate diuinâ, quâmq; summus ille rerum omnium auctor amaret bonos, eisque beneficeret, loquerere; aures præbebant non illibenter : ad supplicia noxiiorum, post secretum à corpore animum, ad animi immortalitatem planè erant surdi. Quin etiam, siue præ hebetudine insigni, non intelligentes vim nominis, siue, præ improbitatis pertinaciâ, cum Satanam detestari iubebantur, negabant id se facturos : iuenum esse illum Deum affirmantes, multumque se illi debere. Super hæc tentata inter indigenas commoratio, difficultates, quæ ab Europæis militibus accidebant, nequaquam pro spe sustulerat, sed contra opinionem duplicarat. Quippe, cùm vnâ ex parte milites necessariâ destituti annonâ, per longinas etiam in mediterranea excursiones vndeunque queritarent : ex alterâ indigenæ, quos eadem premebant angustiæ, nil sibi relinqui perdolerent, & tutelam Patrum requirerent; famuli Dei in medio constituti, quia nec satis tueri poterant innocentes, nec militum egestati prospicere, odio erant vtrisque. Igitur quoniam his difficultatibus Prouinciæ, quæ non magno interuallo ab Hispanis castellis distabant, obsidebantur; Segura in omnes partes sagacitatem caritatis intendens, ac versans, ad nouam expeditionem animum adiecit. Est Axaca Floridæ Prouincia per ampla, ab æquatore in Boream erecta triginta septem gradibus, ab Sanctâ Helenâ leucis centum septuaginta disuncta. Caciquæ Reguli eius regionis frater, vndecim ante annis, nauigantibus prope Axacam Hispanis, tradiderat sese nemine suorum conscio. Is in Hispaniam vectus, perque honeste, & humanè habitus, & sacro fonte ablutus, ab Ludouico Velasco, qui pro Rege Mexico præfuit, Ludouicus Velascus nomen accepit. Postea Philippus Rex, vbi tempestiuum

265
Emmanuel No
brega primus
Brasilæ Pro
vincialis fan
ctemoritur.

266
Res difficiles
in Florida.

267
Segura cù So
eis in Axacâ
proficisci me
ditatur.

num est visum, in Prouinciam suam duci hominem iussérat, cum aliquot è Dominicana familiâ Religiosis. Sed aliquot annis frustrâ in varijs Insulis præstolatus, Habenæ agebat hoc tempore. Homo erat quinquagenarius, Patrique Seguræ magna viri boni argumenta præbuit, eamque spem (quid enim caritas non credit, speratque) vt ad explorandam Axacanam Prouinciam, duqua vulgo egregia prædicabantur, non dubitaret se se ei duci committere. Verumtamen, vt in grauissimâ re, exquirendas ante per literas Sociorum sententias existimauit. Illi ferè omnes dissenserunt. Quæ Ludouicus Neophytus de Axacâ suâ prædicaret, nequaquam omnia ab ijs, qui regionem vidissent, affirmari: sed item poenè, vt ceteram Floridam, solo arenoso, infelici, paludibus, & stagnis obruto esse: hominum verò ingenia planè esse eadem, mutabilia, nullius fidei, in vitijs, & superstitionibus obfirmata. Neque credendum Barbaro. Satis superque inter armatorum præsidia militum, qui possint terror, quo & bellua coercentur, in officio continere, perspectum, nullam esse Floridanis nec humanæ, nec diuinæ fidei verecundiam. Quid porrò ausuros vbi nullum præsidium, nulla arma, nulla formido, sed summa impunitas sit? Hæc, aliaque in eandem sententiam, cùm singuli è stationibus suis Habanam Socij scripsissent, nauigo, quo vehebantur literæ, ex tempestate diu aberrante, Segura eas temporis non accepit. Quippe Petrus Menendes, qui initio non probabat modò profectionem (tametsi post euentum aliter cupiebat videri) sed etiam vrgebat; iussit nauigium, quo illuc Ludouicus, cùm Socijs deueheretur, egregiè adornari. Itaque Segura, re Deo plurimū precibus, & sacrificijs commendatâ, antequam commoda tempestas efflueret, concendit: iussisque ex iunctu Socijs à Prouincia Qualæ, & Sancta Helenæ, in quibus frustrâ laborabant, collectis quotquot possent Caciquarum pueris, Habanam redire; ipse cum Patre Ludouico Quirio, Gabriele Gomio, Sanctio Sauellio, & Petro Linare Socijs veteranis: itemque Christophoro Rotundo, Ioanne Baptista Mendio, & Gabriele de Solis Tyronibus, alioque adolescente, cui nomen erat Alfonsus, tertio Idus Septembbris in Axacam prospero cursu peruenit. Indigenas reperire fame, morbisque toto septennio miserè conflicitatos. Excesserat è vitâ Ludouici frater natu maior: minor imperitabat: cui Ludouicus imperium offerentis magno animo remisit: subiiciens non se terrenarum rerum cupidine in patriam rediisse, sed vt eos Christi Domini religione imbutos viam celi doceret. Quæ visi sunt audire non iniucundè. Procul à portu in mediterraneis, inter quædam gentis tuguria domunculam Segura suam constituit, nauigio statim, & humano omni munimento Habanam remissis. Hæc via si minus procederet, nulla videbatur mortalis industria superefse earum terrarum mortalibus edocendi. Sed quemadmodum processerit, non longè post exponetur.

Diversus Peruuiæ status erat. Quâ prosperitate cœpta erat illa Prouincia, eâdem adolescebat. Iam Sacerdotes duodecim, ceteros autem tres, & triginta numerabat: qui hoc anno etiam spargi ad gentis culturam cœpti. Franciscus Toletanus Prorex iussit Peruuos, qui Limæ sparsim habitabant, vnum propter urbem in locum cogi, quod facilius propria, sibique aptâ institutione excolentur. Huius institutio populi, ab Antistite, atque Prorege Societati mandatur: Sacerdosque ibi cum comite collocatus. In templo die Sancti Iacobi memoria insigni, qui nouo Pago nomen dedit, ac tutelaris adscitus est, Prorege, Senatuque spectante, primûm sacris operatus est Portillus, Barzana Hispanicæ, atque Peruicè concionatus, cunctis admirantibus tam breui spatio, tantam adeo peregrinæ linguæ percipi notitiam potuisse. Ceterum nihil arduum esse volenti, verbum vetus, ac verum est: quid si caritas Christi vrgeat? Singulæ Prouincia suum habent in Peruuiæ linguæ proprium genus: sed quod Cuschenæ vocant, commune est omnibus, veterum Regum iussu vulgatum. Nimirus, ipsis nescientibus, expeditiorem eâ communicatione Deus Euangeliō viam pandebat. Hunc Barzana communem Peruuiæ toti sermonem, incitante animis, & gloriæ diuinæ amore magistro, quatuor mensibus ita deuorarat; vt audire

268
Ab itinere dif.
Suadetur per
literas Sociorū

269
Non acceptis
literis profici
scitur.

270
Azax calam
itates.

271
Ludouici Vi
Iisci Neophy
ti integritas.

272
Peruuæ res.

273
Pagan Subur
banus Neo
phytorum So
ciatis cultu
ra traditur.

audire confessiones, & publicè verba facere eo accommodatè posset. Erat præterea Oarociris (Quarocirim primæ literæ vocant) Peruorum Prouincia, ad animarum viginti millia, viginti leucarum regione continens, sacrâ prope omni Pastorum orbata curâ. Nam & propter Sacerdotum penuriam, & regionis asperitatem, atque itinera difficultâ, non inueniebatur, qui munus adeo necessarium, ac salutare eo loci susciperet. Indè benefici permiscebant omnia: vigebat passim in populo Idolorum auitus cultus: multi pudore, ac metu se pro Christianis gerentes, nulla, ne baptismum quidem, christiana attigerant sacra. Morientibus benefici tantùm aderant: mortuos in Guacas (sic fana Idolorum vocabant) quanquam iam dirutas inferebant. Nec dedecori, nec religioni erat pellicum multitudo: ebrietas verò Peruorum communis, & maxima pestis sine modo bacchabatur. Habuerat in mandatis à Præposito Generali Portillius, ne procurandas animas Curionum more assumeret, quod ea, quanquam sancta occupatio, aliena esset ab instituto Societatis. Sed cùm Prorex, vnâque Antistes ita hanc Oarociris procriptionem deferrent, vt sine graui offensione, sinistrâque famâ nullum paterer effugium; sive undam in breve tempus putauit. Tres Sacerdotes Iacobus Bracamontius, Alfonius Barzana, atque Hernandus Sancius proœcti: qui postremus paulo post ibi inter labores ita decessit; vt apud gentem virtutum eius memoria immortalis manferet. Simul aducti quatuor fratres, bini domesticæ operæ, bini tradendi catechismi administrati. Constitutâ in medio sede, cui præfectus Bracamontius, doctrinæ ratio quamaptissima inchoata. Totam regionem bini percursabant, sic vt breui interuallo singuli in orbem pagi reuiserentur: baptizabantur infantes: matrimonia iungebantur: ægrotis alloquo, & leuamentis alijs consulebatur: indigenium quoquè leniebatur: calamitas: namque sarcinas panis, & complura languentibus accommodata solatia: item quædam promptiora circumferebant remedia: quæ cùm vbique pro necessitate distribuerent; ita commouebantur illi mortales, durioribus aſueti imperijs; vt hos quasi de cælo homines lapsos inuererentur. Eo magis, quod & nihil non modò petebatur, sed ne vltro quidem oblatum ab ijs accipiebatur: quin sacrî diebus promiscuè in tenuiores largè stipes conferebantur ex ijs, quæ vel oblatâ Ecclesia eſſent, vel de assignato Curionibus stipendio, parcè ſumpto, quo religiosa vita toleraretur, supereret. Igitur eorum aduentu, & hac operis administratione, ſedulitate instituendi, clementiâ, qua rufiſcentes excipiebantur, benignitate, qua donandis munusculis in loco expromebatur, pijs quoquè mysteriorum fidei ad vulgi captum imitamentis, atque dramatibus, denique puerilis catechismi, & primæ literaturæ ſcholâ, noua rerum inducta facies. Vitiorum illa, maximè ſuperftitionum, colluuiio, partim ſublata, partim mitigata eſt. Præcipuum Caciquam eius Prouincia, Sebastianum nomine aggressi, ex quo ad inferiores exempli ſtimulus ſpargeretur, appositè tractando, versandoque perpulerunt: vt, quæcumque mouere ſuspicionem deteriorem poſsent, fœminas domo amoueret. Indè ab alijs paſſim abactæ. Illud etiam percommode cecidit. Cùm quidam Culquitachma nomine, ex concione de baptismô, æterni supplicij, quod non luſtratos maneret, concepto metu, induxit ſet animum, id quod erat, profiteri ſe Christianum non eſſe, quod nunquam baptismum adiijſſet, institutusque, & pulchrè veltus ad diuinum fontem admotus eſſet; vehementer aliorum vel metum, vel pudorem diſcuſſit, vt paſſim magnâ cum fiduciâ, ac libertate, qui baptismum non fuſcepérant, poſtulaſſerent. Sed negotium imprimis operofum, & ſalutare fuit congregatio Viculorum maiores in cœtus. Cùm enim ita ſparſi degerent, vt ſeptem, ac ſexaginta pagos minutos efficerent, quos adire per cœnosa, paluſtriaque, & inæqualia, eaque nunc fernore æſtantia, nunc rigiditia gelu loca, non arduum modò, ſed etiam periculofum eſſet; Prorogis imperio egerunt Patres, vt tota illa Viculorum multitudo in grandiores octo populos colligeretur, quod facilitior ad christianam humanitatem eruditio eſſet. Vnde ſimul effectum eſt, vt iam rebus optimè conſtitutis, ſublatisque difficultatibus, Curiones, qui

274
Et Oarociris
Prouincia.

275
Huius Prouin-
cia abuſus.

276
Quæ laborio-
se, & egregie
cultæ.

277
Homines de
Cælo lapſi bo-
ni operari eſſi
mantur.

278
Portillus Cus-
chum à Prore-
ge ducitur.

279
Virtus & mors
P. lo. Toscani.

280
Multæ ciudæ
graueræ ac labo-
res.

non refugerent eam procriptionem, inuenirentur. Excusum quoquè ad maritimum est populum ex Hispanis, Peruisque permixtum, nomine Hicam, magno cum pietatis incremento. Sub annum extremum Prorex in diuersa Regni loca inspectores dimissurus, ad eos in vnum congregatos verba facere Portillum voluit, quicquid curato opus foret ad Christianam rem promouendam doceret, atque ad officium excitaret. Ipse mox Cuschum iter intendens, eundem, quem iam à confessionibus sibi adscierat, ire secum voluit. Qui, præposito rectioni Collegij Ioanne Zunigâ, & Bartholomæo Hernandio Vicario sibi relicto, renocato etiam ex Oarociri Barzanâ, qui suo loco Lima concionaretur, Ludouicum Lopium, duosque fratres secum ducens discessit. Vrbs maritima Lima est: Cuschum penitus in mediterraneis. Hic Regum Peruorum (In gas vocabant) Regia olim erat: Hispani propter maritima commercia Limam ab ipsiusmet conditam præoptarunt Imperij sedem. Oppidum Guamanga in istore prope medio Limâ Cuschum euntibus occurrit. Ibi Portillus cum quos confuererat sacrâ custodiâ motus animorum, morumque conueriones aliquanto spacio fecisset; anno præcipiti, ad fugiendam inuidiam, ex aulæ familiaritate Preregem antegressus, Cuschum contendit. Hoc eodem anno Collegium Li- mense primitias celo suas persoluit, Ioannes Toscanus, qui tanquam Simeon videbatur seruatus in vita, donec Societatem Lima videret, exciperetque, & exciperetur ab ea; expletâ vita custodiâ, diniussus in pace est. Canonici, cum eius cadaver, quod ipsorum Decanus fuerat, frustrâ impetrare tentassent; magnifico funeris apparatu, quo iusta illi soluerunt, suam aduersus defunctum obseruantiam declararunt. Vixit annos sex & septuaginta, quorum amplius quinquaginta Sacerdos, & procurator animarum, & præco verbi diuini fuit: in Hispaniâ primum, dein in Canarijs Insulis, postremò in Peruuiâ. Tantum obiuit terrarum, ac marium; quantum pauci. Decies ex Hispaniâ in Canarias Insulas nauigavit: quinques vltro citroque ex Hispaniâ, atque Peruuiâ: tum in Peruuiâ longè lateque vltra quadringentas leucas sæpius excurrit: per Canarias autem assiduo discursu ex alijs in alias vltra decennium transit: quo tempore Pro- piscopus, & Generalis Visitator ibi fuit. Et in Peruuiâ Episcopatum Nicaran- guæ visit, & alterum in mediterraneis: cuius Episcopum cum deprehendisset an- madueritione dignum, ingenti animo ad dicendam causam in Hispaniam usque sub custodiâ deportauit anno saeculi eius altero, & quinquagesimo. Quæ inter itinera nec arduum est cogitare, & est perarduum cogitatione assequi, quantum discriminum, & ærumnarum exhauserit terrâ, marique. Quamplurimis tempe- statibus foedè iactatus, semel atque iterum naufragio facto, seruatus est prope diuinatus. Postremo quidem in Hispaniam commeatu, nauigio, quo vehebatur, duabusque simul euntibus Onerarijs, in medio Oceano demersis, plusquam- centum vectorum obrutis, ipsum, ac fere viginti iam pereunte nauis, quæ una superfuit ex vndis exceptis: quos cum prope nudos in Lusitanorum Insulâ qua- dam exposuisset; tandem ipsa quoquè in Hispaniæ orâ, cum omnibus, qui iner- rant, periret. Patriam habuit Triguerosum Bæticæ oppidum nostris Annalibus sa- tis notum, & præcipuam inter oppidanos domum. Familiariter nouit, studio- sequè coluit Bustamantium, interfuitque cum sacra ædis Collegij funda- poterentur. Quo tempore inuitatus quoquè à Bustamantio ad societatem vi- ta, deterritusque ab repetendo nouo orbe terrarum; non potuit à sententiâ di- moueri. Ceterum vbi ipsam in Peruuiâ Societatem vidit, velut missam sibi à Deo, in qua tam multum agitatam ætatem componeret, & cuius in sinu spiritum ultimum exalaret, delegit. Admirabatur quæ per eam Deus Lima efficeret: nec dubitabat dicere, haud memorabilem minus Peruuiâ debere esse diem, quo So- cietas aduenisset; quam quo primum ipsa in Christianorum potestatem venisset: hinc enim, vt christiana cognosceret sacra: indè vt piè, sanctèque coloret af- sequitam. Quod, quo verius diceret, ipse pariter impendenda operâ admitebatur: assiduus in penitentiæ sellâ, omnibus paratas aures: sed vilissimis quibusque ex indigenis, atque Aethiopibus ante alios. Ab templo in cubiculum abdebat: nec

vnquam videre erat bonum senem, nisi vel in sacro tribunali, vel in suo con-
clavi. Maximè autem commouebat domesticos in ætate tantâ, tamque assuetâ
delicijs, alienarum manuum ministerijs, humilitas, contemptio sui, æqualitas
vitæ, atque laborum, cùm nihil in vieti, nihil in vestitu, nihil in viliâ re eximum
pateretur: cellulam ipse suam euerret, & ad alios labores seu communes, seu
priuatos senili quidem infirmitate corporis, sed animi vigore iuuenili lætus adi-
ret: nunquam gratias agendi Deo finem faciens, quod in eiusmodi se famulorum
suorum coetum, taleisque vitæ supremum actum reseruasset. In locum boni
senis Toscam cœlo redditi, multi in Societatem sublecti: sed vnius insignis fer-
nior apparuit. Loco is prænobili ortus Comitis Montis acuti propinquus, spiri-
tualibus in Collegio meditationibus exercitus, posthabito ingenti reditu, cuius
causâ in Peruuiam venerat, animum ad pretiosum paupertatis thesaurum adie-
cit. Misus in Nosocomium, vt ibi prima constantia documenta ederet, quæ
possidebat omnia, pauperibus, etiam subculam linteum dedit. In Nosocomio
coquo ex Aethyopia ministrabat: cui non modò diligentissime obtempe-
rabat; sed & diluculo, antequam Aethyops è lecto surgeret, in
coquinam prægressus, mundans omnia, curansque quicquid
præripi laboris poterat, sedulò præripiebat. Interdiu
verò obseruato tempore in cubiculum coqui se-
cedens verrebat fordes, lectum sternebat,
omniaque componebat, non secus at-
que si Christo Domino coram
præsenti, non in coquo Ae-
thyopi inferuiret.



281
Feruor Nout-
tij.